

Is Sepik gat tupela telepon tasol

HUSAT man i laik ring long ol wokman long Dipatmen bilong Is Sepik bai painim taim liklik. Bikos nau yet, PTC i katim olgeta telepon waia i go long olgeta opis bilong Dipatmen bilong Is Sepik.

Primia bilong Is Sepik Bruce Samban i tokaut olsem i tru Dipatmen bilong Is Sepik i no gat telepon. I gat tupela telepon nau. Dispela ol telepon em bilong Primia yet na Seketeri Camilus Narokobi.

Em i tok dipatmen i bin kirapim wanpela komiti long lukluk bek na skelim ol ples we dipatmen i save tromoi mani.

Wanpela bilong dispela ples em pablik yutiliti. Na telepon i wanpela dispela samting.

Seketeri em i go pas long dispela komiti. Na em i skelim na painim aut gut ol eria we dipatmen bilong Is Sepik i save tromoi man. Orait bihain ol bai stretim yet dipatmen

naa makim wan wan bikpela opis bai gat telepon we i ken ring i go aut.

Primia Bruce Samban i tok ol bai putim 6-pela telepon lain long ring i go ausait long provins. Na ol arapela opis bai gat ol eksetensen lain tasol.

Mista Samban dispela i no min olsem PTC i katim telepon. Ol i laik stretim tasol ol rot bilong sevim mani olsem na PTC katim telepon. Sapos olgeta samting i stret bai ol i joinim gen.

Wantok i painim tu olsem Is Sepik i gat samting olsem K46,000 long baim telepon bil. Tasol primia Samban i tok dispela mani i antap tumas.

Em i tok em i gat bilip olsem mani bilong telepon inap long K5,000 na K10,000.

Primia i tok dispela wok bilong stretim wok bilong lukluk long wok bilong Is Sepik Dipatmen bai pinis insait long tupela wik tasol.



Las sans ya!

•Pawa fowat bilong Wests Joe Miirisa i kisim bal na givim sik-sti long brukim strongpela banis bilong Defence. Tasol em i no strong tumas na Defence i autim em na ol lain poro bilong em long las wiken 26-14.

DEFENCE tim long Mosbi Ragbi Lig i kisim ples pinis antap long sia na sindaun lap tasol na wetim dispela wiken long lukim husat bai inap long bungim em long gren fainel long arapela wik.

Na long dispela wiken, Air Niugini bai kaikaim stret bun wantaim ol lain manki Pukpuk ya, Wests long lukim husat bilong tupela bai salensim Defence. Lukim Ripot long Ragbi Lig Nius.

Oposisen askim long NEC kibung

OPOSISEN i askim strong gavman bilong Rabbie Namaliu long yusim gut pablik mani.

Memba bilong Wapenamanda Masket Iangalio i mekim dispela toktok bihain long Nesenel Ekseyutiv Kaunsil i go long Rabaul long kibung bilong ol.

Em i tok dispela pasin bilong westim mani em i pasin stret bilong Pangu gavman. I gat ol senis long lida tasol dispela sik i strong tru long ol nupela lida bilong pati.

Dispela kibung long Rabaul bai kos inap long K300,000 olgeta. Bikos pe bilong balus na trenspot i go i kam long Rabaul i antap moa.

Memba i tok i gat samting olsem 150 pipel olgeta. I gat 28 minista, ol 28 Dipatmen sekreteri, 20 het-


man bilong Gavman Bisnis, 5-pela edvaisa bilong Praim Minista, 5-pela wokman bilong NEC, 9-pela gavman memba. Na wan wan memba bai kos inap long K2,300.

Olpela minista bilong Leba na Emploimen i tok sapos gavman i tingting long lo na oda, watpo ol i go kibung long Rabaul. Bikos ol yangpela bilong Lae siti i singaut long helpim na gavman i no helpim ol.

Mista Iangalio i tok Namaliu i no ken tromoi mani long kamapim nem bilong em yet. Kantri i wok long lukluk long ol kain samting em i save mekim.

Kiubng bilong NEC stat tude (Fonde 19 Ogas).

Skelim tok
Josepha Namsu



• Lukim long pes 5

Insait

- Provns Nius - Pes 4 & 5
- Luteran edukesen - K2 Millon - pes 2
- Sepik blakmaket long buai - pes 3
- Raskol helpim ol plisman - pes 3
- Wes Sepik i makim PNG - pes 3

STRONGIM OL PIKININI



• Helt Nius 4 pes




Pinisim Laik..

• Lukim 4 pes



BEEF CRACKER

Bisket Igat Tes Bilong Mit.



Yu Tu Bai Laikim!

PLIS

Ripot



GOROKA: Las wik Fonde, 5-pela man i holim pasim wanpela wokman bilong South Pacific Brewery na ranawe wantaim K500. Dispela wokman i panim dispela birua taim em i draiv i go olsem long Lufa insait long Isten Hailans Provins.

Ripot i tok olsem ol dispela raskol i bin yusim tupela sot gan em ol yet i wokim wantaim ol tamiok. Ol i pasim rot na ranawe wantaim dispela mani. Ol plisman long Goroka i painimaut yet long dispela trabel.

GOROKA: Ol plisman long Goroka i painim nau tupela man em ol ol sekyuriti i bin sutim long spia. Dispela tupela raskol i painim dispela bagarap taim ol i laik brukim bikipela opis bilong Pasifik Helikopta long las wik long Fonde nait.

Ripot i tok olsem dispela tupela stilman i painim dispela bagarap taim tupela i katim waia na laik go insait long opis. Tupela i bin ranawe long dispela taim.

Ol plisman long Goroka i givim toksave i go aut pinis long ol pablik insait long Goroka long ripot hariap long plis stesin sapos ol i save long wanem hap dispela tupela man i stap.

MOSBI: Tripela man i holim pasim ol stuakipa bilong Makas Bekeru na ranawe wantaim K450 mani. Dispela trabel i bin kamap long Mosbi long Sarere.

Ripot i tok olsem long samting olsem hap pas 4 long apinun ol dispela man i go insait na pretim ol stuakipa long Taurama Soping Senta. Na bihain ol i kisim dispela mani na ranawe long wanpela ka em i bin wetim ol.

Ripot i tok tu olsem ol i stilim dispela ka long PNG Motors bipo long hap pas 4 long dispela de yet.

Na long Sarere ol plisman i painim dispela ka ausait long Korobosea Intenesenel Praimari Skul long samting olsem 11 klok moning. Ol plisman long Mosbi i painimaut yet long dispela trabel.

KAVIENG: Long Nu Ailan provins wanpela meri i bin dai taim pawa i kisim em long Kaut Logging kem long las wik Fraide. Meri ya em Lussana Malen na em i gat 45 krismas olgeta. Malen i bilong ples Kaut insait long Nu Ailan provins.

Ripot i tok olsem Malen i bin painim paiawut arere long sait bilong kem na i sanap antap long wanpela waia em pawa i holim em. Malen i dai stret long taim em i painim dispela birua.

WEWAK: Ol plisman long Wewak i no painim yet as long dai bilong wanpela lapun bilong Ambunti insait long Is Sepik provins. Man ya em Mesung Apbas husat i gat 65 krismas olgeta na em i bilong ples Tongujamp.

Ripot i tok olsem ol i panim bodi bilong Apbas long gaden bilong em. Pes bilong em i bin lukluk i go daun olsem long graun na i gat mak bilong paia long beksait bilong em.

Ol i kisim pinis bodi bilong em i go long Boram Hausik we ol dokta bai i katim na painim as bilong indai bilong em.

MOSBI: Wanpela katolik misenari i bin dai taim ka bilong em i ran i go ausait long rot na kapsait long ples Berere long Bereina. Dispela trabel i bin kamap long Trinde 3 Ogas long apinun.

Nem bilong dispela misenari em Bruder Raphael Boyce. Bruder Boyce i gat 45 krismas olgeta na em i bilong Jean DeMaurienne long Frans.

Ripot i tok olsem Bruder Boyce i stap long Mosbi na i ron i go bek long paris bilong em long Veikabu na i painim dispela birua.

Luteran Sios bai lusim K2 milien long edukesen

EVANJIKEL Luteran Sios bilong papua Niugini i lusim moa long K23 milion long helpim ol komyuniti skul. Sios ya i save lukautim 169 skul long kantri.

Long mun Septemba long dispela yia, Luteran sios bai tokaut long 3-pela yia program bilong em. Dispela bai helpim ol program long wokim ol nupela haus tisa,

wara saplai, klasrum, laiberi (hausbuk) bilong sios.


Bisop Getake i tok Sios bai wokim ol dispela samting long ol skul stat long 1991.

Luteran Wol Federasen long Jeneva, Switselan i save givim bikipela man long helpim ol projek. Na Luteran sios long PNG i save helpim long hap mani.

Em i tok wok bilong edukesen long kantri em bikipela samting.

Na Luteran Sios i bilip olsem gavman sios i mas strongim dispela wok long givim gutpela edukesen. Dispela i namba wan laik olsem na sios i gat wanpela tisa koles, 6-pela haiskul, wanpela korespondens skul na 169 komyuniti skul.

Bisop i tok kodineta bilogn dispela 3-pela yia program bai raun long olgeta komyuniti skul na em i askim olgeta tisa long helpim em.



• Bisop Getake Gam

Manus haiskul i pas

MANUS haiskul i pas bihain long ol trabel i kamap long skul.

Ripot i kam long Manus i tok olsem tupela klasrum i bin paia. 13-pela ol tisa long skul i tingting nau long lusim Manus.

Primia bilong Manus Steven Pokawin i stap nau long Rabaul long stretim toktok wantaim Minista bilong Edukesen Jack Genia na Praim Minista Rabbie Namaliu.

Primia bai askim Mista Genia long stretim dispela hevi. Bikos Manus Haiskul i pas inap long tripela wik nau.

Primia Pokawin i tok i tru ol tisa i tingim laip bilong ol. Tasol ol skul manki tu i mas gat sans long skul. Sapos ol tisa i pret tru long Manus orait ol i mas lusim skul.

Em i tok ol tisa i no mas lusim wok natig. Ol i mas kisim



• Primia Steven Pokawin

toktok pastaim long Tisas Sevis Komisn orait ol i lusim wok.

Mista Pokawin i tok gavman bilong em i bin traun long daunim dispela hevi. Olsem na em i askim olgeta tisa i mas go bek long wok.

Em i tok provinsal ekseyutiv kaunsil i redim pinis K40,000 long stretim dispela skul.

Primia i tok gavman bilong em bai kisim samting olsem K30,000 na K45,000 long insurens kampani long stretim dispela skul i paia.

Ilektoral Komisn tok lukaut

EKTING Ilektoral Komisina Ruben Kaiulo i bin givim pinis wanpela tok lukaut i go long ol kendidet husat i bin lus long las Nesenel ileksen long tingting gut pastaim long kos bipo long ol i ken bringim ol komplem bilong ol egensim kendidet husat i win i go long kot.

Mista Kaiulo i bin mekim ol dispela toktok bihain long Jastis Woods i bin rabisim kot bilong Francis Koimandrea egensim MP bilong Is Nu Briten Ereman Tobaining long Rabaul. Mista Kaiulo i tok wok bilong kaunim ol vot gen long wanem wanpela kendidet husat i lus i no isi na dispela i save kosim tu bikipela mani long mekim olsem.

Em i tok dispela i save kosim tu bikipela mani long ol kot, Ilektoral Komisn na long man o wanem ol lain husat i bringim komplem long kot long skelim. Long wanem long planti taim, kot i save painim olsem vot i bin go stret na man husat i komplem i no save kisim wanpela gutpela samting long dispela.

Em i tok, "Long mipela long kaunim wanpela taim moa i ken kosim yu klostu long K60,000. Na dispela mani long wanpela man o meri bilong Papua Niugini i bikipela mani moa.

"Na sapos dispela man husat i bin komplem i lus long kot na kot i askim em long bekim olgeta mani em ol i bin yusim long kaunim gen vot, ating dispela man o meri bai i no inap long amamas.

"Olsem na mi ting i moa gutpela long ol kendidet husat i lus na i laik bringim gen dispela samting i go long kot long tingting gut pastaim na mekim olsem," Mista Kaiulo i tok.

Mista Kaiulo i tok olsem ol kendidet husat i bin winim ol dispela kain komplem bilong ol long kot i bin laki long wanem i bin liklik senis long ol fainal namba long taim bilong ileksen.

Mista Tobaining i bin kisim tu 44 moa vot long dispela namba tu kauning na man husat i salensim em long kot na man husat i kamap namba tu Francis Koimandrea tu i kisim 56 moa vot long surikim yet mak bilong em long 8, 538 vot long pastaim.

Mista Kaiulo i tok sapos kot i bin orait long dispela askim bilong Mista Koimandrea long bekim dispela olgeta mani, em bai i stap brukim het na tingting long mak bilong K20,000.

Em i tok dispela mani i bin bikipela tru na em bai i no inap gutpela long Mista Koimandrea long bekim dispela olgeta mani.



Holim pasin tumbuna

• Ol sumatin bilong Aiyura Nesenel Haiskul long Isten Hailens i soim pasin tumbuna bilong ol.

Hia yu ken lukim wanpela singsing grup bilong Is Nu Briten. Man, ol i no isi ol i givim samsam strert long holim pasin tumbuna bilong ol.

Ol Sepik blakmaket long buai

Tupela Sepik provins, Is na Wes i gat nem long buai daka. Tasol nau tupela i kisim taim stret bikos i no gat ren i pun-daun inap 4-pela mun olgeta na buai i sot.

Planti pipel insait long Wewak husat i save kaikai buai i save tromoi bikipela mani nau na kisim liklik buai tasol. Bikos planti maket insait long taun i sot long buai na i save salim 2 o 3-pela buai tasol long 10 toea. Sapos ol i kros bai ol i kisim we, olsem, na ol i baim tasol.

Wankain hevi olsem i kamap tu long Vanimo taun. Long Vanimo i orait liklik bikos ol lain long ples i save salim samting olsem 5-pela buai long 10 toea. Tasol ol i no save salim buai wantaim rop. Bikos ol i ting olsem ol bai i no inap long kisim bikipela mani sapos ol i mekim olsem.

Taim tupela bikipela taun long Sepik-Wewak na Vanimo i sot long buai, Juma taun long Aitape i amamas tasol na saplaim buai long pablik. Ol manmeri husat i stap long Aitape i save baim planti buai liklik long 10 toea.

Tasol bihain ol i painimaut olsem ol man-

meri long Vanimo na Wewak i save kam long ka na baim buai long ol na go bek salim 2 o 3-pela buai tasol long 10 toea na kisim bikipela mani tru.

Olsem na nau ol Juma i save sasim K5 o K7 long wanpela rop buai. Na tu ol i save salim 2 o 3-pela tasol long 10 toea olsem long Wewak na Vanimo.

"Ol buai i sot tasol daka i sting nating long maket. Daka i pulap long maket tasol bai yu kaikaim wantaim wanem samting? Buai i stap orait daka i go wantaim em na maus bai i ret", dispela em hap toktok bilong Alfonsa Makis.

Alfonsa Makis i tokim Wantok olsem bipo Wewak taun maket i orait. Tasol nau ples i drai na ol i save tromoi bikipela mani tru long baim buai tasol.

"Mi laik lukim dispela drai sisen i pinis hariap na buai bai i karim gut gen", em i tok.

Tasol man bilong Alfonsa Peter, Makis i tok olsem olgeta de em i save draiv i go olsem long Wes Sepik. Olsem na em i no wari tumas long buai. Em i save baim planti buai long Aitape na pinisim gut laik.



Wes Sepik makim PNG long Jayapura So

PAPUA Niugini i stap insait long wan wik Tred So i kamap long Jayapura, Indonesia. Dispela so i bin stat pinis long Mande na bai pinis long Sande (15-20 Ogas).

Minista bilong Tred na Industri Galewa Kwarara i tokaut long dispela wik olsem PNG i bin stap long dispela so.

Em i tok olsem Sandaun Provinsal Gavman na Dipatmen bilong Tred na Industri i bin kirapim dispela so. Na Sandaun provinsal gavman yet i bin go pas long stretim ol toktok bilong dispela so.

Mista Kwarara i tok dipatmen bilong em i oraitim K20,000 long helpim PNG long stap insait long dispela so. Planti ol kampani long Wes Sepik na kantri i go pinis long soim ol samting em ol i save mekim.

Opis bilong Primia long Vanimo i tok olgeta bikman bilong dipatmen i stap wantaim ol arapela kampani long dispela so.

Primia Egebert Yalu tu i mekim namba wan raun bilong em i go long dispela so. Em i bin sindaun wanpela wik tasol long opis bilong primia bilong Sandaun.

Ripot i kam long Vanimo i tok lokel kampani long provins, Vanimo Timba, Garamut Lae bren, Vanimo Wolsel, Vanimo Ilektrikel, DPI na Komes i putim kainkain ol liklik samting bilong so.

Ol arapela bikipela kampani tu i stap long dispela so em SP Brewery, Anco, W.D. & H.O Wills, Barnes Mit Faktori, na Ramu Suga, Ela Motos, long Lae.

Ol dispela kampani i go soim samting em i save gro long PNG. Dispela

em namba wantaim tru wanpela provinsal gavman yet i go pas long stretim rot bilong so.

Mista Kwarara i tok dispela so i kamap bihain long wanpela lain opisa bilong Wes Sepik i go raun long Wes Irian. Na ol i bin pasim toktok long wokim dispela so.

EM i tok dispela i soim tru ol rot bilong gavman bilong Rabbie Namaliu. Ol i laik soim ol arapela kantri olsem, PNG tu i gat ol kainkain samting bilong kamapim kantri.

Trabelman helpim Rabaul plisman

PLIS long Rabaul klostu painim ol arapela raifol na samting bilong pait em ol raskol i bin stilim long CIS amori rum long mun Mas bilong dispela yia.

Provinsal Plis Komanda, Suprintenden John Toguata i bin mekim ol dispela toktok bihain long wanpela memba bilong dispela geng Alex Javiro i bin givim em yet i go long han bilong plis.

Javiro, wanpela memba bilong wanpela raskol grup long Rabaul i bin stap hait na

ranawe long han bilong lo inap long 6-pela mun nau.

Na long Mande, 8 August, Alex yet i bin go long haus bilong wanpela pablik sevan memba bilong Ombudsmen Komisen na askim dispela man long givim em i go long han bilong lo. Em i bin askim long mekim olsem sapos plis i rausim ol dispela sas bilong em long bagarapim meri olsem bai em i ken amamas na raun gen.

Javiro i bin givim em yet i go long han bilong lo long wanem em i bin hangre na i no gat man long stap klostu long em. Na em i bin les tu long dispela kain pasin long ranawe long lo long olgeta taim.


Em i bin tokim plis, "Mi i les pinis long mekim laip bilong ol arapela pipel na bilong mi yet i hat. Dispela kain pasin olsem mi bin painimaut i no gutpela tumas."

Suprintenden Toguata i bin tok olsem tingting bilong Javiro long givim em yet i go long han bilong plis i bin gutpela tru na ol i bin wet long dispela long kamap. Em i tok wanem samting em Javiro i bin mekim i gutpela na ol arapela raskol husat i wok long hait yet i mas kam ausait na mekim wankain samting.

"Javiro i bin helpim gut tru plis. Em i bin givim tu sampela gutpela toktok long mipela long sampela bilong ol trabel em mipela i wok long painimaut moa yet long en.

"Javiro i bin givim tu tripela gan i go long han bilong plis long taim em i kamap long stesin. Na dispela i helpim ol plisman long save long wanem hap tru em ol arapela 10-pela man i stap long en.

Suprintenden Toguata i tok em bai i no inap long tok olsem Javiro bai i stap olsem wanpela fri man long wanem kot tu i gat wok bilong em long mekim.



• Sampela lain memba bilong palem bilong Australia husat i bin kam lukluk raun long Papua Niugini las wik. Ol i sanap wantaim Difens Minista Arnold Marsipal na Foren Afeas Minista Michael Somare long Mosbi ples balus.





HIA EM OL TOKAUT BILONG

wantok

Bungim ol pipel

LONG dispela wik Praim Minista Rabbie Namaliu na ol minista bilong em i go kibung long Rabaul. Em i namba wan taim long nupela gavman i wokim kain bikpela kibung olsem autsait long Mosbi.

Em i gutpela olsem ol pipel blong ol arapela taun tu i ken lukim ol bikman bilong gavman na amamas olsem ol minista i no stap tasol long Mosbi na paitim toktok. Tasol i gat narapela tok tu- gavman bai lusim bikpela mani long baim hotel na balus bilong ol dispela minista.

Oposisen i paia long gavman bilong Namaliu na tok olsem bikpela mani i lus. Tasol narapela askim i go bek long Oposisen, long taim ol i stap tu long gavman, ol i bin yusim stret mani bilong kantri o? Sapos ol i gat kilin-pela rekot orait, i no gat tok long ol i opim maus na sutim tok. Sapos nogat, orait stap isi.

I gat wanpela tok tasol long yupela. Stap isi na mekim gut wok bilong skelim wanem samting gavman i kamapim. Bikos ol pipel i putim ai nau long lukim wanem kain wok oposisen bai mekim nau.



P.O. Box 1982, Boroko
Telepon: 25 2500
Teleks: NE 22213
Faks 252579

**PE BILONG WANPELA YIA, 52
NIUSPEPA**

Ples	Air	Surface
Port Moresby	K20	K20
PNG	K29	K29
Australia	K60	K39
New Zealand & Pacific	K78	K16
America & Europe	K118	K60

Printed and published by Anna Bernadette Solomon, of Bittern Place, Gordons, at Allotment 2, Section 209, Hohola.

Ol asples askim gen long Rabaul graun

OL PAPA bilong graun em Rabaul taun i sindaun nau long em bai i kamapim bikpela trabel moa sapos Nesenel na Provinsal gavman i no stretim hariap ol wari bilong ol.

Tupela papa bilong graun, Daniel Towaai bilong ples Rakunat na Tito Mataria bilong Malaguna i bin mekim ol dispela toktok bihain long ol i lukim olsem ol askim bilong ol i no bin karim

kaikai.

Bikpela pait toktok i wok long stap yet namel long ol viles pipel tasol provinsal gavman i no mekim wanpela bekim yet long dispela hevi bilong ol pipel.

Planti ol arapela papa bilong hap graun wantaim ol lain bilong ol long Rabaul taun i les pinis long wet na i tingting tasol long kirapim trabel sapos Nesenel na Provinsal gavman i no stre-

tim ol papa graun hariap.

Mista Towaai bilong Vunatoboai wanpisin long Rakunat i bin strongim toktok na i tok olsem ol lain bilong em i les pinis long wet na i laikim olsem Nesenel na Provinsal gavman i mas mekim sampela samting hariap long stretim ol long dispela hap graun bilong ol.

Yalu na gavman bilong em bosim Sandaun

SANDAUN Provins nau i gat nupela gavman bilong em. Primia Egebert Yalu i makim 9-pela nupela minista bilong ranim provins.

- Egebert Yalu - Primia na em bai lukau tim Dipatmen, Kalsa na Turis.
- Zachary Enda - Deputi Primia na Minista bilong Edukesen Kalsa na Turis.
- Moses Nasam - Minista bilong Fainens, Plening na Kodinesen.
- Inoha Bou - Minista bilong Helt.
- Carolus Yuni - Minista bilong Woks, Trensport na Lens Developmen
- Jimmy Akuli - Minista bilong Tred na Industri
- Rex Kawi - Minista bilong Fores, Envaironmen na Konsevesen.
- Rex Nema - Minista bilong Edmin istretiv Sevis. Hom Afeas Yut, Relisen na Sports.
- Augustine Auto - Minista bilong Praimeri na Marin Risoses.

Primia i tok wanem ol minista i no bihainim gut wok lida bai pinis long kabinet.

Em i tok ol pipel husat i bin kamap taim nupela gavman i kamap. Ol memba i kamapim gutpela gavman long rot bilong demokretik. Ol memba yet i bihainim ol laik bilong ol na makim memba.

Ol lain Oposisen long Sandaun gavman i tok ol bai kamapim strongpela oposisen long strongim gavman.

Lida bilong ol Joi Amir i tok grup bilong em


bai lukim ol lain gavman i mas bihainim ol promis bilong ol.

Em i tok tu ol man husat i bin gat nem long ripot bilong Odita Jeneral Ripot i mas kisim taim. Kot i mas stretim kwik dispela na ol i ken ranim gut provins.

Mista Amri i mekim ol dispela toktok taim em i bekim ol toktok bilong primia Yalu long em i tok long kamapim gutpela gavman bilong Wes Sepik.

Taim bilong promis

• Gavman bilong Primia Egebert Yalu long Wes Sepik i mekim promis long ai bilong senia mejistret bilong Vanimo long las wik Fraide.



Ol pipel wari long wara bagarapim skul

OL nesenel na provinsal memba bilong Wes Sepik i askim Katolik misin long painim nupela ples bilong s a n a p i m S t Ignatius Haiskul.

Ripot i kam long Aitape i tok planti ol

papa i wari tru bikos nau bikpela wara klostu long skul, wara Raihu i bagarapim skul graun long taim bilong bikpela ren.

Ol i wari bikos dispela wara i ken bagarapim gutpela skul bilong ol pikinini bilong ol.

Dipatmen bilog Woks long Aitape i hatwok tru long painim nupela ples long wokim skul.

Dipatmen bilong woks i wok long traim banisim tait tasol tait i strong na save rausim ol dispela banis.

Ol Raikos laikim rot

WANEM ovasis kampani i gat mani long wokim rot long Raikos i laki. Nau em i ken go na katim ol timba long dispela eria.

Dispela em tingting bilong ol papa bilong graun insait Raikos distrik, Madang provins.


Insait long wanpela ripot i kam long Madang, ol pipel i laikim ol kampani i stap long dispela eria long go het long katim timba.

Ripota i tok ol i mas katim timba

na wokim ol bris we ol pipel bilong dispela distrik i ken salim ol kaikai bilong ol long maket.

Ol pipel i bin toktok wantaim Provinsal seketeri Nalon Derr long sainim kontrak wantaim ol timba kampani laik katim timba.

Mista Derr i bin kibung wantaim ol papa bilong graun. Bikos nesenel memba bilong Raikos Samuel Pariwa, i wok long stapim ol pipel long salim graun bilong ol long katim timba.



Singaut bilong stretim lo na oda

BIKPELA singaut i go long gavman Rabbie Namaliu long stretim hevi bilong lo na oda.

Primia bilong Wes Nu Briten i mekim dispela singaut taim tupela minista bilong gavman i kisim blesing. Tupela minista em Minista bilong Sivel Aviesen Bernard Vogae na Minista bilong Minerals na Eneji Patterson Lowa.

Ol pater na pasta bilong Katolik na Yunaitet Sios i blesim tupela long holim strong wok bilong tupela. Samting olsem 2,000 pipel i bin kamap long lukim dispela bikpela de.

Mista Lawrence i tok dispela em i namba wan taim tru Wes Nu Briten

i gat tupela minista. Primia i tok lo na oda tasol i stapim ol wok developmen long go het. Na tu i bin kamap i save kamapim bikpela pret namel long ol manmeri.

Nupela primia i tok em i amamas tru long gavman bilong Namaliu long kirapim komiti bilong lo na oda. Minista bilong Jastis, Bernard Narakobi yet i go pas long dispela komiti.

"Planti ol pipel i wok long kisim bagarap nating. Na gavman i no tingting long dispela na traim stretim ol dispela trabel"

Em i tok planti ol turis na ol kampani pret long kirapim bisnis. Ol i save bisnis bilong bai bagarap.

Sangumai laik rausim ol lapun tisa

DIVISEN bilong Edukesen insait long Wes Nu Briten i tingting long pinisim ol husat i wok long provins longpela taim tru.

Provinsal Minista bilong Edukesen, Puis Sangumai i tok ol bai givim spes long ol nupela tisa. Bilos ol yangpela tisa i no gat wok long wanen ol lapun i pasim spes. Nau yet i gat planti

ol hetmasta i stap nating. Ol i no wok bikos i no gat spes.

Minista i tok ol tisa i mas traim skulim gut ol sumatin. Na maski long tingting tasol long straika.

Em i tok planti ol papamama i tromoi bikpela mani tru long helpim pikinini bilong ol. Na maski long ol tisa i bagarapim tingting bilong ol skul manki.

Asistan Seketri bilong Edukesen, Stephen Lapan i tokim Wantok tu olsem dispela em tingting tasol bilong minista.

Em i tok sapos gavman bilong Wes Nu Briten i gat inap mani orait em i ken mekim olsem. Gavman i mas painim bikpela mani long mekim dispela wok long autim ol lapun tisa.

Wes Nu Briten redi long bikpela de

BIKPELA wok redi bilong amamasim namba 10 aniveseri bilong Wes Nu Briten i go het.

Kodineta bilong lukautim ol dispela wok, Greg Mongi i tok ol wokman i statim wok pinis long wokim bilong grenstan. I gat ol arapela wok tu em ol wokman i wok long mekim nau.

Dispela selebren bilong Indipendens bai ran inap long wanpela wik olgeta. Em bai stap long 12 Septemba na pinis long 19 Septemba.

Dispela amamas bai bung wantaim bikpela Indipendens selebren bilong kantri, PNG.

Ami bilong Australia iamamas long asasait

DISPELA 'Night Falcon' trening asasait em i bin stap namel long ami bilong PNG na Australia i pinis na ol lida bilong tupela sait wantaim i amamas na i tok olsem dispela trening asasait i bin kamap gut tru.

Kepten Len Smith, Komanding Opisa bilong Australian Difens Fos i tok olsem em wantaim ol lain soldia bilong em i amamas tru long dispela tripela wik asasait.

Em i tok olsem ol i senisim ol aidia bilong ol wantaim ol memba bilong PNGDF na ol soldia bilong em i pren wantaim ol pipel bilong Is Nu Briten.

Planti bilong ol dispela pipel em ol pipel bilong ol ples.

Kepten Smith i tok tu olsem planti bilong ol bai i tingim yet PNG bikos ol pipel long ples i bin mekim gutpela pasin tru long amamasim ol.

"Sampela taim mipela save traim long tokim ol long no ken toksave long birua bilong mipela long wanem hap mipela i stap na ol kain samting olsem. Tasol ol i no save olsem ol tu i stap insait long dispela trening long sait bilong spai. Bikos mipela tu i save yusim ol long spaim ol luksave long hap ol ami bilong PNG i stap na bihain bai ol i no toksave long mipela," kepten Smith i tok.

Kepten Smith i tok tenkyu long Nesenel na Provinsal Gavman na ol pipel bilong Is Nu Briten long helpim ol long wokim dispela 'Night Falcon' eksasais. Bikpela tenkyu bilong em i go long ol pipel bilong ples bikos ol i bin mekim gutpela pasin tru long amamasim ol insait long dispela trening. Em i tok tu olsem em wantaim ol lain bilong em bai tingting long go bek long Is Nu Briten long mekim wankain asasait long bihaintaim.

Dispela 'Night Falcon' trening i bin kamap namel long bikpela bus bilong Pomio we planti ren i save pundaun long em klostu long Warongoi na Gaulim eria.

Buai na Daka bisnis

BUAI na Daka long long Papua Niugini i no nupela samting.

Tasol yumi i save tu olsem buai na daka i ken kamapim bikpela mani olsem kakao, kopra, kopi na kadomom? Ating nogat ya.

Tasol yumi bai inap long salim dispela tupela samting i go long ovasis olsem wanpela samting bilong kisim mani long en.

Minista bilong Egrikalsa na Laipstok Galang Lang i bin tokaut long dispela long Rabaul long mun i go pinis long taim em i bin go raun lukluk long wanpela lolen Egrikalsa Eksperimental Stesin (LAES) Slong Kerevat.

Mista Lang i tok ol sampela saveman bilong Papua Niugini i wok long mekim yet sampela wok painimaut i go insait long ol kantri long Malaysia, India na ol Pasifik Ailan.

Na ol i bin painim olsem Papua Niugini bai inap long salim buai na daka isi tru long sampela bilong ol dispela ovasis kantri.

Gavman bilong PNG bai i redi long salim buai na daka i go long ovasis taim olgeta samting i redi na taim olgeta lo bilong dispela kain nupela

maket i stret.

Mista Lang i tok, "Mi yet i wanpela man bilong wok egrikalsa. Mi gat ol fam bilong mi yet na mi save traim ol kain kain samting em i save

kamap long Papua Niugini long lukim sapos sampela bilong ol dispela samting bai i gat maket long arapela kantri. Mi bin traim pinis ol kain samting olsem mango,

muli, popo na painapol.

"Buai na daka i bin gat bikpela wok tru insait long kantri yet long taim bilong painim hamas mani em wan wan haus i save yusim long baim ol samting (CPI).



•Minista bilong Egrikalsa na Laipstok Galang Leng i lukluk raun long DPI stesin long Kerevat.

WANPELA lapun man long ples i bin kirap nogut tru long taim em i painimaut olsem hap graun bilong em bihainim nambis long ples bilong em i kamap graun bilong Stet (gavman) nau.

Lapun ya i kirap nogut tru na i askim, "Husat i tok?"

Mi bekim askim bilong em na tok, "Stet i papa bilong dispela hap graun nau, aninit long Lo bilong Graun."

Lo bilong Graun i tok olsem Stet inap long kisim graun bilong ol asples (customary owners) na senisim i go kamap graun bilong Stet sapos i gat nid bilong pablik i yusim dispela hap graun.

Lapun ya i harim bekim bilong mi na em i tanim het bilong em. Na em i lap liklik bikos em i no bilip long toktok bilong mi. Tasol taim em i lukim olsem mi no giaman, em i belhat nogut tru.

Na em i askim mi, "Stet em i wanem kain man? Mi papa bilong dispela graun na olsem wanem bai yupela i tok mi no gat rait long graun."

Lapun i pulim kros i go yet, "Graun i no wanpela bilas o pik bilong mi bai mi ken tok orait long salim o givim i go long narapela man."

"Graun i bilong famili. Nau mi was na wok long en inap ol pikinini bilong mi i bikpela. Orait ol pikinini bai i was long graun na givim i go long ol tumbuna olsem ol lain tumbuna bipo i was long graun na ol i lusim long mi na ol brata bilong mi."

Em i mekim dispela hap tok pinis na em i tromoi narapela askim gen long mi, "Dispela man ya, Stet, i stap we bipo long taim ol tumbuna bilong mi i pait long graun? Ating yupela i longlong liklik"

Mi save olsem lapun i belhat tru ya olsem na mi traim long bekim gut askim bilong em. Na mi tokim em olsem, "Nau kantri bilong yumi i independen na yumi yet i mas sanap strong na kamapim ol wok developmen. Tasol sapos olgeta papa bilong graun i gat wankain tingting olsem yu

Skelim tok

Josepha Namsu



long pasim graun bilong ol, bai wok developmen i no inap long gohet."

Lapun i no amamas long dispela bekim na em i skruim tok yet, "Stet i laikim graun bilong mi long mekim wanem kain developmen? Na mi yet papa bilong graun i no inap long kirapim wok developmen bilong mi?"

Mi bekim na tokim em olsem, "Sapos i gat nid bilong sanapim skul, rot, bris na ol arapela samting olsem bilong helpim ol pablik, bai stet inap long graun, maski sapos ol papa bilong kisim graun i no givim tok orait."

Lapun i harim i go na em i tok, "I luk olsem pawa bilong Stet i strong moa ya na i winim papa bilong graun. Tasol olsem wanem long ol pikinini bilong mi long bihaintaim? Bai Stet i painim graun na givim ol long sindaun?"

Mi bekim na tok yes. Tasol lapun i belhat na bekim olsem, "Wanem? Bai ol pikinini bilong mi i lusim ples na go sindaun long Mosbi olsem

ol skwata bilong narapela ples?" Lapun i no amamas tumas long ol bekim ya. Em i tanim het bilong em na tok, "Ating yupela i mas sutim bel bilong mi tasol ya."

I kam inap tude, dispela lapun i bilip yet olsem em tasol i papa bilong graun. Em i no bilip o luksave yet olsem Stet i papa nau bilong dispela hap graun i bihainim nambis long ples bilong em.

Aquino tok em i no inap risain

PRESIDEN bilong Filipins, Corazon Aquino i tokaut olsem em bai i holim yet wok bilong presiden na bai i no inap long risain sapos wanpela man i askim em.

Presiden Aquino i tokaut long dispela bihain long namba tu presiden Salvador Laurel i askim em long risain na holim nupela ileksen bilong presiden.

Mista Laurel i tok

olsem Presiden Aquino i no ranim gut gavman na kantri. Bikos Aquino i tambuim em long sampela samting em Aquino i save tok orait long en. Long dispela as tasol na em i askim Presiden Aquino long risain.

Presiden Aquino i tok olsem em i mekim dispela long Laurel bikos Laurel i no saptim em long taim nogut taim ami i laik tekova long gavman bilong em.

"Mi laikim em long

save olsem taim mi laikim saptim bilong em, i luk olsem em i no redi long givim mi dispela saptim. Olsem na dispela i no rong bilong mi sapos wok bilong em long stap insait tu long mekim ol disisen bilong kantri i stap klostu long makim bilong siro" Misis Aquino i tok.

Presiden Aquino i tingim tupela taim em ami i laik rausim gavman bilong em. Namba wan taim em long Novemba 1986

na namba tu taim em long Ogas 1987.

Long Ogas 1987 olgeta bikman bilong ami i bung wantaim na laik rausim gamvna bilong em. Em i tok olsem Mista Enrile tu i bin stap insait long dispela grup husat i laik daunim em.

Long dispela taim 53 pipel i bin dai na klostu long 3000 pipel i kisim bagarap long Manila.



MANAGUA - Nicaragua Viviana Reyes i holim liklik kruse wantaim poto bilong pikinini bilong em Alberto Herrera. Ol i mas i go long opis bilong Kardinal Miguel Obando Brava. Na long raithan lapun Zekedonia Alvarado i holim kruse i gat nem bilong tupela pikinini meri bilong em. Ol paitman i bin kalabusim ol.

Toktok bilong ol pikinini kamap yet

LONG 6-pela mun i go pinis, wanpela grup long Paraguay insait long Brasil-Saut Amerika i stilim na salim pinis moa long 100 bebi i go aut long ol ovasis kantri. Jas Angel Campos husat i mekim wok painimaut long dispela i tokaut olsem.

Long mun Julai, plis i holim pasim 7-pela pipel husat i laik salim 7-pela pikinini i go long Amerika. Krismas bilong ol dispelas bebi i stap namel long 3 na 6-

pela mun tasol. Dispela i mekim Jas Campos i bilip olsem bai ol i kilim ol dispela pikinini na salim ol lewa na ol arapela samting i go long ol 'organ bank' long bikpela mani tru.

Em i tok olsem em i no gat evidens o witnes long dispela tasol, em i gat bilip olsem dispela kain bisnis i mas stap long Amerika o long sampela hap long wol.

Campos i tok olsem i gat bisnis bilong salim ol kain samting olsem ai na lewa bilong ol man. Na Amerika i

wanpela bilong ol kantri husat i save baim ol dispela samting sapos pikinini bilong ol i gat sik bai ol dokta i senisim nuputim nupela.


Tasol wanpela mausman bilong ol plis i tok olsem ol dispela 7-pela pipel em plis i bin holim pasim i tok olsem ol i laik salim ol dispela bebi i go long ol mama long Amerika husat i laik baim na lukautim ol dispela bebi.

Opis bilong man husat i makim Amerika long Brasil wantaim Amerikan



JALAZOUN - Wes Benk Israel Meri bilong wanpela niusman husat em ol Isrel i kalabusim em. Nem bilong meri em Fathia Al-Ramahi, em i holim pikinini bilong em. Ol ami i bin banisim dispela haus bilong ol na tupela i go stap long arapela hap na bihain ol i kam bek slip long varenda.

Infomesen opis i tok olsem dispela i no tru. Ripot i kam long dispela tupela opis i tok olsem no gat bisnis olsem i kamap namel long Paraguay na ol arapela kantri long ovasis.



MANILA - Filipins Wanpela boskru bilong sip i kra i taim em i lusim meri bilong em. Nem bilong man ya em Malcos Sabas. Sabas na arapela 5-pela man i bin stap inap 29 de olgeta long si.



IRAN Ol sapota bilong Massoud Rajvi, i amasim 8-pela yia taim ol i statim pait. Moa long 100 manmeri i bin kamap long dispela de.


Rabuka larim loya go fri

AMI Komanda na Hom Afeas Minista bilong Fiji Brikadia Sitiveni Rabuka i bin stapim wangepela Indian loya long lusim Fiji long moa long 9-pela wik olgeta. Tasol man ya Bhupendra Patel i kisim tok orait na i lusim pinis Fiji. Dispela loya i lusim Fiji bihain long em i

tok orait olsem em bai i no inap kotim minista long dispela. Ripot i kam long *Fiji Times Niuspepa* i tokaut long dispela long Tunde. *Fiji Times* i tok olsem Patel i lusim Fiji long las wiken na i go long Auckland, Nu Silan. Em i stap nau long Nu Silan wantaim famili bilong em.

Patel i tok long Nu Silan olsem em i lusim Fiji bihain long em i mekim wangepela tokorait wantaim Rabuka. "Mi tok orait long olsem mi bai i no inap kisim minista i go long kot. Olsem na ol i givim bek paspot (tok orait pepa bilong go insait long nara-pela kantri) bilong mi," em i tok.

Patel i bin wangepela edvaisea long kolisen gavman bilong Dokta Bavadra. Tasol las yia em i lusim Fiji na i go stap long Nu Silan. Em i go bek long Fiji long Jun 4 long pinisim sampela bisnis wok bilong em na i bin painim dispela hevi. Long Jun 12 ol i stapim em na kisim paspot bilong em.



MOSCOW - Rasia Dispela lapun meri i tok amamas long ol ami husat i bin go stap long pait long Afghanistan na kam bek gen. Dispela em ol namba wna lain long lusim Afghan. Olgeta ami bilong Rasia bai lusim dispela ples long 15 Ogas.



RANGOON - Bruma Ol sumatin bilong Burma i snap banisim dua bilong Shwedagon. Ol i protes egens gavman. Tasol long taim plis i kamap planti man i kisim bagarap.

Nu Silan sanap strong yet

NU SILAN i mas soim em yet olsem kantri bilong kamapim gutpela sindaun na maski long bung wantaim Australia na resis long kamapim ol samting bilong pait. Nu Silan Nuclear-Free Peacemaking Association (NZNFPA) i tokaut long dispela.

kain samting olsem bai i kos bikipela manitu. Gallagher i mekim dispela toktok bihain long Praim Minista Lange i tokaut long plen bilong bung wantaim Australia na

kamapim ol nupela kain 'Anzac' sip. Praim Minista Lange i bin tokaut long dispela long las wik Trinde long Welington. Gallagher i laikim gavman bilong Nu

Silan i no ken wok bung wantaim Australia long ol kain samting olsem. Em i laikim olsem gavman i mas givim bikipela sapot long NZNFPA long kamapim gutpela sindaun.



KHARTOUM - Sudan Ol Sudan i banisim helikopta i karim kaikai bilong ol. Bikipela ren na taitim i bn bagarapim ples bilong ol las wik.



OLGETA PIPEL I LAIKIM NIUGINI TABLE BIRDS

Yu laikim famili bilong yu i kaikaim nambawan kwaliti kakaruk tasol? Maski yu praim, kukim long aven, o yu kukim long paia o yu miksim wantaim arapela kaikai --- Niugini Table Birds em nambawan kakaruk stret.



I'M KAIKAI KAKARUK FRESH FROM
Niugini Table Birds

Ol meri i gat namba

Dia Edita,

Mi laik bekim pas bilong Dickson Soloket i toktok long gavman bilong yumi long Papua Niugini i mas rausim ol meri husat i holim ol bikpela wok insait long ol kampani na pablik sevis. Em i tok ol meri i banisim spes bilong ol yangpela manki husat i stap nating nau na i wok long kamapim ol raskol pasin.

Dispela toktok bilong yu i bin tru long painim wok na givim long ol dispela lain skul liva olsem bai ol i no inap long bikhet na kamapim raskol pasin.


Tasol bilong wanem tru bai yu toktok long gavman i mas rausim ol meri i holim ol bikpela wok insait long kantri? Dispela toktok bilong yu i no stret olgeta long tingting bilong mi.

Ating bikpela tingting bilong yu i stap olsem yumi ol man tasol i save go long bikpela skul na inap long mekim ol dispela bikpela wok. Dispela em yu giaman. Planti ol gutpela na bikpela wok olsem dokta, inspekta, opisa na ol kain kain arapela top wok i stap nau tu long han bilong ol meri.

Sapos yu i no inap long skul strong o yu les long skul na yu no win, maski lusim tingting na go sindaun wantaim papamama long ples. No ken wari tumas long stap na wok long taun. Ples yet i gat wok i stap tasol yumi yet i save les long mekim ol dispela wok.

Tingim ol sampela toktok bilong Sir Albert Moari Kiki, 'I gat Wok i stap tasol yumi yet i save go painim wok long rong hap.'

Sapos yu inap long luksave long dispela toktok, em bai inap tru long karim kaikai insait long laip bilong yu. Na maski long sutim tok long rausim ol meri long ol gutpela wok em ol



Sir Albert Maori Kiki

i holim na i wok long mekim nau. Ol tu helpim developmen bilong kantri.

Askim bilong yu long gavman i rausim ol meri bai i no inap long karim kaikai. Aninit long mamalo bilong dispela kantri, no gat wanpela man o meri inap long tokim arapela long wanem samting bilong mekim. Baibel na Sains i tok olsem meri em i wankain long man. Meri i no kamap long bun bilong lek, meri i kamap long bun bilong sait bilong man na bai sanap long sait bilong man na i no aninit long em.

Sapos yu husat i gat sampela tingting bilong yu long ol dispela hap toktok bilong mi, salim pas tasol long *Wantok Niuspepa*.

James Gram, P.O.Box 20, Kieta, NSP.

Premia Laina i mekim gut wok

Dia Edita,

Mi wanpela manki bilong ples Talum insait long bus bilong Laiagam. Mi laik sapotim tru primia bilong Enga, Ned Laina long gutpela wok bilong em insait long provins.

Mi save harim long redio na lukim long niuspepa long ol gutpela wok bilong em long pait long wari bilong pipel na bringim developmen i kam insait long provins. Dispela mi laik tok i wanpela wok bilong ol trupela lida bilong makim ol pipel stret.

Mi laik givim bikpela tok amamas na sapot

bilong mi i go long Mista Laina long gutpela wok bilong em na gavman bilong em long ranim na lukautim Enga Provins.

Utula Samana bilong Morobe i bin helpim tru ol pipel bilong em na nau em sindaun long Nesenel Pala-

mi save olsem yu tu, Mista Laina bai i gat taim yet long sindaun long Nesenel Pala-

Paul Killi, Spphire Small Goods LTD, Boroko, NCD.

Singapo taro - nambawan kaikai

Dia Edita,

Mi wanpela Morpex na mi laik bekim pas bilong Victor Vutliu.

Brata ya i bin komplem long singapo na mi laik tok olsem i mo gutpela long yu long skelim ol samting bipo long yu sutim tok nating.

Mi laik tok save long yu tu olsem i moa gutpela long yu no ken baim ol liklik basket kaikai. I moa gutpela long yu mas baim tupela bikpela basket singapo taro na kukim olgeta yet long wanpela de.

Brata, mi laik tok stret olsem ol dispela liklik singapo bai i stap winim taim tru. Ol i ken stap tripela o 4-pela de long haus na yu bai i no inap stret long kaikai olgeta long wanpela de. I moa gutpela long baim ol liklik long wanem ol bai stap longpela taim na tu bai i no inap kos tumas olsem ol bikpela.

Plis yu no ken traime long semim ol wantok meri Tolai long dispela kain pasin. Wanem samting em ol i mekim em long givim sevis na helpim long yu.

Ating i moa gutpela long mipela olgeta tu long helpim ol olsem bai ol tu i ken helpim mipela. Maski long komplem long ol liklik singapo taro.

Joel Seth Kanale, BFE Aropa Sawmill, P.O.Box 20, Kieta, NSP.

Madang taun i bagarap

Dia Edita,

Mi laik autim liklik wari bilong mi long wanem samting em mi lukim i wok long kamap long Madang taun.

Long bipo tru long guttaim i kam inap long yia 1980, Madang taun i bin wanpela gutpela na kristen taun stret. No gat raskol na ol kain trabel pasin nabaut i save kamap. Ol pipel long dispela taim i save stap isi na wanbel tru.

Tasol bihain long 1980 na i kam inap nau, Madang taun i go bagarap olgeta. Planti raskol pasin i wok long kamap bikpela olgeta. Kain ol pasin bilong pait, kilim man, bagarapim meri, brukim haus na ol stua na planti kain ol arapela pasin nogut moa. Dispela kain ol pasin tu i wok long bagarapim olgeta gutnem bilong provins.

Bipo, planti man, meri na pikinini i save liptimapi nem bilong Madang

Provins tasol nau nogat, long wanem taun i gat nem nogut pinis. Planti taim maket long taun tu i save pas. Ol pipel long taun bai i painim ol kaikai bilong gaden olsem wanem?

Mi laikim olsem primia bilong Madang na gavman bilong em i mas lukluk long dispela hevi moa long ol arapela na stretim hariap. Wanem man o meri husat i nogat wok na i wok long kamapim ol dispela hevi, salim em long kalabus o long ples bilong em.

Na yupela ol lain long arapela provins, maski long kamap long Madang na bagarapim gutnem bilong mipela. Sapos yu laik mekim olsem, go bek long provins bilong yu na wokim ol raskol pasin.

Stretim Madang taun na holim yet gutpela kristen nem bilong Madang Provins.

Kelly Staume, Lae, Morobe.

Ol Hailens raun nating

Dia Edita,

Mi wanpela man Hagen tasol nau mi stap long Wes Nu Briten provins. Long olgeta hap bilong Papua Niugini mi save lukim ol man Wabag, Tari, Mendi na ol Simbu. Ol dispela lain i raun nating long ol arapela provins na i no mekim wanpela gutpela samting.

Ples bilong yupela i no gutpela tumas na yupela i lusim o wanem?

Hagen Taun em i kamap bikpela nau bikos ol manmeri i no raun tumas long ol arapela provins. Ol i stap long ples na kirapim taun bilong ol.

Plis lukim dispela pasin bilong ol Hagen na bihainim

Em tasol liklik wari bilong mi. Husat i laik sapotim ol egeinsim dispela toktok i ken rait tasol ong *Wantok Niuspepa*.

Benson Demba Rurundi, Malilimi Plentensen, Kimbe.

Memba i no wok gut

Dia Edita,

Mi wanpela manki bilong Timbe sensis divisen long Kabwum, Morobe Provins. Tasol nau mi stap long Goroka na mi laik autim wari bilong mi i go long *Wantok Niuspepa* long memba bilong mi, Mista Tingkeo.

Mista Tingkeo i bin stap longpela taim tru tasol em i no mekim wanpela samting liklik long helpim mipela ol lain husat i bin bringim em i go kamap memba. I luk olsem em i lusim tingting pinis long mipela.

Planti yia i go pinis nau na mipela i no lukim wanpela developmen i kamap liklik long eria bilong mipela. Na nau Mista Tingkeo i kamap gen olsem memba bilong mipela.

Inap long yu opim tupela ai bilong yu na lukluk gut long ol wanem liklik hap

insait long konstituensi bilong yu i no gat developmen yet long en na bringim ol dispela samting i kam insait? Kain ol hevi olsem rot i go long Yalumet, haus bilong ol komyuniti skul tisa

na long skul yet tu na tu long wanpela gutpela haus sik o klinik bilong helpim ol pipel.

Dispela em sampela bilong ol bikpela samting em tupela ai na maus bilong yu i mas op na pairap long

en. Dispela ol samting bai i helpim sindaun bilong ol pipel na kamapim eria bilong yu.

Bonney M. Narems Box 74, Goroka.

Blu Kumul soka klap

Dia Edita,

Mi wanpela manki husat i save sapotim tru Blu Kumuls Soka Klap long Mosbi tasol mi no amamas moa long dispela klap.

Mi laik tok olsem maski long kosa i yusim taim bilong yu long krosim mipela ol sapota na tingting long yusim moa taim long givim moa fitnes ekseisais na balwok ekseisais long ol manki.

Ating dispela bai inap long apim nem bilong ol manki i go antap liklik long poin lata long olgeta divisen. Long wanem primia divisen bilong yumi i stap long namba tri las ples ya.

Mi bai amamas long lukim kain man olsem Bob Yamin i kam insait na kosa bilong ol manki bilong Blu Kumuls. Mi gat strongpela bilip tru long dispela

man long mekim wok olsem kosa na kamap wantaim ol sampela nupela rot liklik long kosim ol manki.

Na tu i no hatpela wok long salim wanpela manki i go long Goroka na kisim setifiket long soka kosa na kam bek givim trening long ol manki.

Tasol bikpela askim bilong mi em maski long belhat na kros long mipela ol sapota bilong klab husat i laik kam long mekim sampela trening tasol. Save i stap long yu. Sapos yu husat i gat sampela bel hevi long ol dispela o i laik sapotim mi, raitim pas long *Wantok Niuspepa*.

Mikz Pandi, Gordons Police Barracks, Port Moresby.

Ol draiva i no gat laisens

Dia Edita,

Mi laik sapotim pas bilong Pangia Yoka i bin kamap long Wantok Niuspepa long 4 Ogas, 1988.

Yako i tok olsem planti lain ol lain i no gat laisens i save draivim ol ka long

haiwe. Toktok bilong yu i stret.

Mi bilong Pangia long SATen Hailans. Mi bin go stap long ples na mi lukim olsem ol man i no gat laisens save seksek na holim stia bilong ol ka na ron long haiwe.

Dispela kain pasin bai bagarapim nem bilong kantri. Olsem na ol plis long Pangia i mas opim ai na holim ol dispela draiva i no gat laisens.

Sweeney Unda, c/Mari Konu, Walala Trading, Kimbe.



Tok Save i go long ol man i save salim pas i go long Wantok. Sapos yu no putim nem tru bilong yu long pas, mipela i no inap prinim leta bilong yu.

YU MALOLO AH? Kirap wok gen... wantaim wanpela kap kopi tru!



- ★ Kopi tru i gat swit bilong en yet.
- ★ Em bai opim ai bilong yu wantu!
- ★ Kopi tru bilong PNG em i no dia tumas, 200 gram em kostim yu klostu K1 tasol.
- ★ Kopi tru bilong PNG i gro hia na ol i rostim hia tu, olem na em i fres na i swit moa.
- ★ Kopi tru bilong PNG i isi long wokim!



ROT BILONG WOKIM KOPI!

1. Skelim wara inap long hamas kap kopi yu laik wokim.
2. Skelim wanpela bikpela spun kopi bilong wanwan kap i go insait long sospan wara.
3. Putim sospen long stov na larim i stap inap kopi i boil. Rausim long stov na lusim kopi bai anka long as bilong pot. Em nau kopi tru i redi.

KOPI TRU
Swit
bilong em i
nambawan!
BILONG PNG

- ★ Yu ken larim sospen i hat i stap na swit bilong kopi bai i no inap lus. Maski westim taim na wetim ketel long boil.



**PAINIM NAU
LONG OL STUA!**

Pe bilong Trensport dia tumas

Dia Edita,
Mi laik autim wari bilong mi i go long Wantok Niuspepa bai ol bikman bilong yumi long palamen i ken lukim.

Tude pe bilong balus wantaim sip na ol samting long stua i go antap tru. Em i orait tasol, mi yet mi no amamas tumas long dispela. Bikos yumi i kamap tupela kain manmeri nau.

Sampela em ol wokman bilong gavman na sampela em ol i save wok long ol praiwet kampani. Na ol dispela lain i save yusim tiket bilong gavman o kampani long

kisim sip o balus long raun. Ol i save kisim bikpela mani na i ken baim planti gutpela kaikai long stua.

Tasol planti bilong mipela ol gras rut pipel i save painim taim tru. Yumi i no inap ron long balus o sip o baim ol gutpela samting long stua em yumi i gat laik long en. Bikos pe bilong ol dispela samting i go antap tru nau.

Planti bilong mipela ol grasrut i save mekim ol pipia wok na i save kisim K30 tasol. Tasol gavman i no save tingim yumi ol kain grasrut olsem.

Sapos nau mi laik kisim balus na go long Tari, tiket bilong balus bai i kos K300 olgeta. Na bilong go na kam wantaim bai i kos K600 olgeta.

Long dispela as tasol na mi raitim dispela pas i go long Wantok Niuspepa bai ol bikman bilong yumi long palamen i ken lukim.

Em i orait, yumi ol gras rut bilong PNG i no save kros tumas long dispela. Bikos yumi i no olsem ol masta husat i laik raun long balus na sip olgeta taim.

Mi laikim nupela gavman bilong

Rabbie Namaliu i mas lukluk long dispela na helpim mipela ol grasrut pipel. Bikos long dispela as tasol na planti bilong mipela i painim hat long go bek long ol asples bilong mipela.

Em tasol liklik wari bilong mi. Yu husat wantok i laik sapotim o egensim mi, rait tasol long wantok niuspepa bai mi lukim.

James Puri Yagwa,
P.O.Box 863,
Rabaul
ENBP.

Asples i gat hevi

Dia Edita
Mi wanpela manki Morobe na mi laik bekim pas bilong Joseph Simoli i bin kamap long Wantok namba 732.

Mipela ol Morobe i gat bikpela hevi tru long Garaina, Kabwum, Indagen, na Finsafen. Brata, mipela i no komplem long Nabzab. Mipela i gat as bilong komplem i stap na mipela i toktok long gavman i helpim mipela ol pipel.

Mi laik askim yu. Wanem taim yu tingim mipela ol pipel long asples. Yu wantok bilong mipela tasol yu stap long arapela hap olsem na yu mas pasim maus. Yu no save long hevi bilong mipela. Na yu no ken raitim pas na stapim mipela. Olsem na mobeta, yu pasim maus na stap isi.

Sapos yu laik save long hevi bilong mipela orait;

- Lusim mani long balus,
- Lusim mani long PMV,
- Kisim sikman na kam indai long rot,
- I no kamap long taim bilong kalap long balus,
- Ron bilong balus long apinun, i no gat haus bilong malolo o slip,
- I gat ol kain kain sas bilong trenspot na long go i kam long bikpela ples balus.

Olsem na brata, no ken apim nem bilong yu na raitim pas nat-ing.

Ravai Meki
Tiauria Viles,
Garaina,
Morobe Provins.



Meri Sepik dia tumas

Dia Edita,

Mi wantaim brata bilong mi i mekim gret 10 nau long Angoram Haiskul insait long Is Sepik provins. Mitupela i laik toktok liklik long we ol meri Sepik i save dres o bilasim skin bilong ol.

Planti ol meri Sepik nau i laik tanim na kamap olsem man. Man taim ol i laik putim trausis wantaim hat, ol i save mekim stail bilong ol na liklik taim bai ol i senis na kamap man.

Mipela i no save long as bilong dispela. Ating ol Sepik i mas ol tumbuna bilong ol Papua olsem na ol i laik bihainim ol kain stail olsem.

Ating taim ol Papua meri i mekim olsem bai ol i luk smat. Tasol mipela long Sepik i luk olsem nau tasol mipela i lukim ol waitman.

Na tu ol i save dres ap olsem, ol bai i no inap long mekim liklik wanpela wok. Ol i laik kamap olsem ol misis stret.

Dispela kain pasin i no save kamap long olgeta hap. I save kamap long Angoran



na Wewak tasol. Ating dispela kain pasin i as bilong ol kain trabel olsem 'rape' o bagarapim meri. Traim na putim stret ol klos bilong ol meri.

Yupela ol dispela kain meri i no ken kros tumas sapos

yupela i lukim dispela pas. Em tasol liklik toktok bilong mitupela.

Hillary Dominic
na **Keko Keven,**
Angoram Haiskul,
Private Mail Bag,
Wewak-ESP.

Wewak plis i surik

Dia Edita,

Mi wanpela manki Sandaun husat i stap nau long Is Wes kompaun long Wewak, Is Sepik provins. Na wanpela samting em mi no save amamas long em long harim ol trabel i save kamap long Is na Wes Sepik olgeta taim.

Taim mi save stap long haus long bikpela san o long moning, mi save harim olsem ol trabel i wok long kamap long rot na long taun. Na long taim ol dispela trabel i wok long kamap, planti man i save ringim plis long kamap long dispela taun o setelmen na stapim o kisim ol lain husat i kamapim trabel.

Tasol long planti taim ol plisman i save tok olsem i no gat ka i stap long stesin o ka i bagarap o i no gat draiva. Na dispela pasin bilong ol i no save isi. Planti bilong mipela long setelmen i no nupela long dispela kain pasin bilong ol. Ating i luk olsem ol i pret long ol man long paitim ol o?

Na long bikpela san, yu no ken traime long sanap long sait bilong rot. Nogut bai plisman i holim yu. Man, yupela ol plisman i mas sanap strong na mekim stret wok bilong yupela.

Mipela olgeta sitisen bilong dispela kantri i no laik kamapim bikhet pasin, tasol taim mipela i no kisim gutpela sapot, mipela i tingting long bekim dinau na mekim ol dispela kain hambak pasin.

Sampela plisman i save mekim ol dispela kain les wok na bagarapim nating gutnem bilong arapela husat i traime long stapim dispela bikpela hevi bilong lo na oda nau i wok long kamap long Wewak.

Na dispela i wankain tu long Aitape na Vanimo. Inap long yupela ol dispela lain i lukluk gut na mekim stret ol wok bilong yupela?

Ali Amase,
East West Compound,
Wewak, ESP.

Mosbi So i dia

Dia Edita,

Mi gat tupela wari em mi laik autim bai olgeta manmeri i ken lukim. Namba wan wari bilong mi em long Mosbi So. Na narapela wari bilong mi em long ol PMV bas sevis insait long siti.

Namba wan wari bilong mi i go olsem. Olgeta yia ol manmeri na pikinini i save baim K2 long go insait long lukim Mosbi So i save kamap long Moitaka.

Mi no amamas tru long dispela kain pasin. Bikos dispela em i bikpela mani tumas long ol manmeri husat i no gat wok. Na tu long ol manmeri husat i wok na i gat pikinini.

Mosbi So Komiti i mas lukluk long dispela na daunim pe bilong go insait lukim So.

Na namba tu wari bilong mi i go olsem. Mi laik tok olsem ol bas insait long Mosbi i save sasim bikpela mani tumas long ol pasindia. Na ol kain mani olsem K10 i ken paia tasol long baim bas.

Dispela i no gutpela tumas. Ol bas draiva i mas sasim liklik mani. Bikos insait long Mosbi ol samting bilong stua tu i bikpela mani tru.

Mi no marit tasol bikpela wari bilong mi em long ol marit manmeri. Sampela bilong ol husat ol i save kisim bikpela mani i orait. Tasol yumi mas tingim ol marit husat i no save kisim bikpela mani na i gat planti pikinini.

Joe Orua,
Boroko-NCD.

PMV i dia tumas

Dia Edita,

Mi laik makim maus bilong ol arapela skul manki bilong Mora Mora VTC na Hoskins Haiskul long autim wari bilong mipela.

Mipela i no amamas tumas long wanpela samting em ol draiva bilong ol PMV bas na praiwat ka i save mekim long mipela ol

skul manki insait long Kimbe taun.

Ol dispela draiva i save kisim bikpela mani tru long mipela. Ol i save sasim mipela long baim K1 o K1.50t.

Dispela kain mani i bikpela tumas long mipela. Ol i mas sasim mipela olsem 20, 30 o 50t samting.

Bikos mipela ol skul manki tasol na mipela i no wok.

Ol draiva i mas save long dispela na i no ken sasim mipela long baim bikpela mani.

Clement Anis,
Mora Mora V.T.C.,
P.O. Hoskins,
Kimbe-WNBP.

Stori tumbuna i tru o?

Dia Edita,

Mi laik sapotim pas bilong brata Nerosh em i bin kamap long Wantok niuspepa. Pas bilong em i bin toktok long ol man i no ken giamanin ol manki long ol stori tumbuna.

Ol dispela stori tumbuna i no tru. Olsem na yupela i no ken giamanin ol manki.

Ating i gutpela sapos

yupela ol dispela lain husat i save raitim ol tumbuna stori i tanim bel bilong yupela. Na i no ken giamanin ol pikinini bilong God.

Sapos yupela i laik stori orait stori long Jisas. Na maski long giaman bikos giaman em i sin.

God papa i mekim yu na olgeta samting. Olsem na yu mas

amamas long dispela. Na no ken givim ol giaman stori bilong graun i kamap olsem wanem na ol kain stori olsem.

Em tasol liklik toktok bilong mi.

Roselyne Koipel,
C.L.C.,
P.O.Box 1,306,
Arawa-NSP.

Hailens memba tanim rokrok

Dia Edita,

Mipela ol man meri bilong ples i laik save long wanem as tru na ol dispela 7-pela memba bilong mipela i bin lusim Paia Wingti na vot wantaim nupela gavman. Dispela ol 7-pela memba bilong mipela em long Paul Pora (Mt Hagen), Michael Pep (Mt Hagen), Jimi Waima (Kerowagi), Joel Paua (Baiyer Mul), William Wi (Not Waghi), Malipu Balakau (Enga) na Tenda Lau (Laigam Porgera).

Mipela i laikim yupela ol dispela lain long givim sampela gutpela bekim long wanem as tru na yupela i bin mekim olsem. Sapos ol dispela memba i no laik mekim wanpela bekim, orait mipela laikim tupela bikman

bilong Enga long bekim. Yutupela i no ken kalap kalap nabaut olsem ol rokrok long wanpela sait bilong wara i go long arapela insait long Palamen.

Yutupela i no ken tingting long kisim biknem bilong yutupela yet. Ating long 1992 bai yutupela i lukim tru wanem samting em mi wok long toktok nau long en. Mi bai stap long Sirunki kol ples na wetim yu long kamap long dispela taim.

Epetami Ango,
Sirunki viles,
P.O.Box 128, Wabag,
Enga Province.

Manus redi long amamasim independens de

OL pipel bilong Manus i redi nau long amamasim independens selebresen long Septemba 16 na pinis long Septemba 19. Tasol independens selebresen bilong dispela yia bai i gat planti senis long en.

Bipo ol pipel bilong 8-pela distrik i save amamasim ol yet. Tasol long dispela yia bai olgeta i bung wantaim long Lorengau taun na tingim de PNG i kisim independens. Olsem na ol pipel insait long ol 8-pela distrik bilong Manus bai i painim rot bilong ol na i go bung tasol long Lorengau taun.

Ol dispela 8-pela distrik em Saut Is, Saut Kos, Inland, Not Kos, Wes Kos, Westen Ailans, Lorengau Distrik na Lorengau Urban.

Insait long dispela selebresen bai ol i holim ol kain kain pilaia olsem soka, basketbal, ragbi, hoki, volibal, sofbal, netbal na pilai dat.

Komiti husat i go pas long ol dispela pilai em Simeon Malai (siaman), Kuleen Haniu (deputi siaman) na Misis Lomot Ponprein (seketeri tresera). Na ol memba bilong fan resing sab-komiti em San Pakop, Jack Changau, Ponon Drelgi Simon na seketeri tresera bilong ogenaizing komiti-Misis Ponprein.

Na ol komiti husat i save wok long ogenaizing ol pilai na ranim spots edministresen (spots en edministresen) em, Kuleen Haniu, Nick Anai, John Nakalai na John Pahau.

Plen em ogenaizing komiti i mekim i go olsem:

- Sept. 15- Olgeta tim bilong wan wan distrik insait long provins i mas kamap long Lorengau. Na long 5 klok apinun bai i gat wanpela deleget miting (miting bilong ol opisal bilong wan wan tim) long Komyuniti

LEO WAFIWA i raitim

Gavman Konprens rum.

- Sept. 16- Opisal independens selebresen bai i stat long dispela de. Na ol pilai bai i stat long dispela de.

- Long dispela de yet long hap pas wan bai ol i holim gren-fainal kik bilong 'school boys' soka.

- Sept. 17- Bai ol i pilaiam yet ol pilai em ol i statim long Septemba 16.

- Sept. 18- Fainal bilong ol dispela gem bai i kamap.

- Sept. 19- De bilong givim prais i go long wanem ol tim i winim ol pilai.

Olgeta 8-pela distrik insait long provins i mas baim afiliasen fi na stap insait long ol dispela gem. Afiliasen fi bilong ol distrik ausait long Lorengau Urban em K100.

Lorengau Urban tasol bai i baim K200 afiliasen fi. Bikos ol i stap insait long taun olsem na ol i gat gutpela sans long painim inap mani.

Ogenaizing Komiti i wokim aut olsem dispela independens spots selebresen bai i kos K5,250 olgeta.

Ol i kisim pinis K2,000 long provinsal gavman. Provinsal gavman i save helpim long olgeta yia.

Tupela nesanel memba James Pokasui wantaim Arnold Marsipal na tupela bisnis haus insait long Manus yet bai i helpim tu long sampela mani. Tupela bisnis haus ya em Steamships kampani wantaim Manus Traders.



Galp i redi long 16 Septemba

GALP Provinsal Gavman i wok long redi nau long amamasim Independens selebresen bilong ol. Na las wik, ol i kisim namba wan helpim long Niugini Marine Prodak. Kampani i givim ol K500.


Long poto yu ken lukim Dairekta bilong kampani John Koae i givim mani go long John Morola bilong Galp provinsal gavman.

Em Strongpela Liklik Trakta long dispela Kantri

MASSEY-FERGUSON

1035 4WD

- * Strongpela 4-WIL DRAIV 30 HOSPAWA
- * 12-pela Fowat na 4-pela Rives Spit
- * Smatpela karamap long ol gutpela disk brek
- * Gutpela pawa bilong Tek-Of
- * I gat Ful Sais 3 Poin Hits
- * Strongpela 3 Silinda Disil Ensin
- * I gat smatpela wok sapot bilong pats na sevis
- * I gat bikpela saplai bilong en i stap nau.



ELA MOTORS

MASSEY FERGUSON



PORT MORESBY 217036 • LAE 422322 • RABAU 921988 • MADANG 822188 • GOROKA 721844 • MT.HAGEN 521888
WEWAK 862255 • POPONDETTA 297240 • KAVIENG 942132 • KIETA 956083 • KIMBE 935155 • TABUBIL 589060 • VANIMO 871254

Ol trabel long Rabaul

PLIS long Rabaul i wok long painimaut yet long tupela trabel bilong holim na bagarapim meri em i bin kamap Malaytown eria.

Plis ripot i bin tok olsem 5-pela yangpela meri i bin stap long haus bilong wanpela lapun man long Mande, 8 Ogas long taim 5-pela man i bin kamap long dispela haus na askim laik.

Dispela ol meri i bin traim long go bek long Kokopo bihain long ol i bin kamap long taun long stap insait long wanpela kristian bung tasol i no gat ka olsem na ol i bin stap long haus bilong dispela lapun man long Malaytown.

Na long ol dispela 5-pela meri, 4-pela i bin kisim bagarap long ol dispela man na wanpela i bin ranawe na toksave long ol plisman. Ol dispela lain raskol i bin kamap long haus bilong lapun na ol i bin lokim em long wanpela rum na holim ol dispela 4-pela meri na bagarapim ol.

Na plis tu i bin kamap bihain na i no holim wanpela bilong ol dispela man husat i bin stap insait long dispela birua.

Provinsal Plis Komanda Suprintenden John Toguata i bin tok olsem ol i no holim yet wanpela man tasol ol i wok long askim yet dispela lapun man long dispela samtig.

IS na Wes Sepik pipel long Mosbi i bin holim wanpela bikpela lotu long las wik Fraide, 12 Ogas long tingim gutpela wok bilong Michael Somare.

Dispela lotu i bilong givim tenkyu long God long gutpela helpim na sapot bilong em long taim Mista Somare i bin lida bilong Pangu pati na i stap Praim Minista na Oposisen lida.

Mista Somare i holim wok bilong Minista bilong Foren Afeas.

Dispela bikpela lotu long nem bilong Mista Somare i bin kamap long St Josephs haus lotu long Boroko, Mosbi.

Ol arapela man long gavman husat i bin kamap na stap insait long dispela bung em long Bernard Narokobi na meri bilong em, Pater John Momis, Praim Minista Rabbie

Namaliu, memba bilong Maprik Sir Peter Lus, rijonal memba bilong Wes Sepik Karl Stack na planti ol arapela.

Ol man, meri na pikinini wantaim i bin soim amamas bilong ol long dispela taim long gutpela wok bilong Mista Somare. Lotu i bin stat long hap pas 5 na i go pinis long 15 minits tu 7. Bihain long lotu Mista Somare wantaim famili bilong em i bin go ausait na bungim Sir Lus na Mista Stack wantaim ol sampela arapela bikman na meri.

Long dispela taim tu, ol pipel bilong Is na Wes Sepik tu i bin gat gutpela sans long bungim Mista Somare na Mista Namaliu.

Wantok i bin amamas tru long lukim planti ol liklik pikinini i kamap long dispela taim long bungim

na sekan long tumbuna Somare wantaim Praim Minista Rabbie Namaliu.

Bikpela kaikai i bin kamap bihain long pinisim olgeta samtig long St Josephs Hall. Na ol Sepik studen bilong Sogeri Nesenel Hai Skul i bin sambai tu bihain liklik long amamasim olgeta pipel wantaim ol stail tumbuna singsing bilong ol.

Sampela papamama i bin guria na i laik kalap kalap tasol ol i bin strong liklik.

Olgeta man husat i bin toktok bilong ol long dispela taim i bin amamas tru na givim bikpela tok tenkyu bilong ol i go long gutpela wok bilong Mista Somare long traim bilong selv gavman i kam inap long taim em i risain long wok bilong Oposisen lida.

Mi man bilong sem

Dia LAIPLAIN,
Mi bin pinisim skul long haiskul tasol mi gat wanpela bikpela wari i stap wantaim mi yet. Mi save pilim sem tumas. Dispela kain pasin bilong mi long sem nating i save mekim na mi save painim planti hevi long laip bilong mi.

Long olgeta de, mi save painim moa hevi na mi no save long wanem samtig bai mi mas mekim.

SHYNESS

Dia PREN,
Planti yangpela man meri i save painim wankain hevi olsem yu yet. Ol i save sen nating.

Planti kain nupela samtig i wok long kamap nau long laip bilong ol yangpela. Dispela kain ol nupela senis i save mekim ol yangpela i paul.

Planti bilong ol husat klostu bai i marit i ken tingim ol hevi em ol i save painim long taim ol i stap yangpela. Planti bilong ol i save painim bikpela hevi tru long taim ol i laik toktok o stori wantaim arapela husat i no wankain long ol yet. Dispela em taim wanpela man i laik toktok wantaim wanpela meri o wanpela meri i laik toktok wantaim wanpela man.

Tasol dispela ol hevi i save kamap isi taim dispela man o meri i senis na kamap bikpela man o meri olgeta. Long dispela taim, em bai i gat



inap strong pinis long toktok na stori wantaim ol arapela man o meri.

Taim ol yangpela man na meri i save stap wantaim long wanpela spots o sosal grup, ol i save painim isi tru long toktok wantaim ol arapela insait long dispela grup. Yu mas traim long strongim gutpela pasin bilong yu wantaim ol arapela man na meri olsem bai ol arapela i ken laikim yu.

Long taim yu stap wantaim ol arapela man na meri, yu mas traim long harim tu ol toktok bilong ol. Ol arapela bai soim rispek long yu sapos yu yet i soim olsem yu laik harim toktok bilong ol. Na sapos yu stap isi na harim, yu no ken wari tumas long go pas long ol toktok.

Sapos yu askim kwesten na toktok long ol samtig em yu save gut long en, dispela bai i helpim yu long lainim long toktok long ol arapela na daunim sem pasin bilong yu. Yu bai kamap tru olsem wanpela memba bilong dispela grup. Yu mas putim gut ai na yau long ol arapela olsem bai yu yet ken lainim wanem gutpela rot bilong toktok long ol kainkain samtig.

Mi LAIPLAIN

New

Dunhill De Luxe 25's

Always in good taste

Also available in 15's

Created by our blenders from tobaccos of exceptional quality

dunhill



HELT

insait long Papua Niugini



TOKSAVE

Nesenel Imunaisesen De: 19-23 Septemba

Ol pikinini bilong yumi i wok long dai!

PNG Helt Nius i kamap long wok bung bilong Dipatmen bilong Helt, UNICEF, WHO na B. Braun.

WATPO na ol pikinini i wok long dai? Watpo na ol pikinini i wok long kisim o dai yet long ol dispela birua sik, misels, huping kof, dipteria, tetanes na pigbel? Watpo na sik polio i bagarapim lek bilong ol na TB i bagarapim bodi bilong ol? Watpo na olgeta yia, 3-pela pikinini long PNG i save dai long wan de? Na watpo ol dispela sik i save kilim 5 milion pikinini long wol long wan yia?

Insait long PNG Helt Nius bai yumi painim ansa bilong ol dispela askim na helpim long stapim dispela hevi. Namba wan wok em long luksave long as biong ol dispela hevi. Sapos man i luksave long as bilong hevi orait, bai em inap long stapim ol dispela sik nogut.

Wan wan sik i gat as bilong en.

Bodi Bagarap

Long taim mama i karim pikinini, sampela bilong ol i save kamap nogut- wanpela hap bilong bodi i bagarap, o ai, o lewa bilong pikinini i gat sik. Pikinini i kamap olsem bikos asua i kamap long taim bebi i wok long gro yet long bel bilong mama.

Ol arapela sik olsem kensa bilong maus o lang. i save kamap o sapos man i smok tumas o kaikai buai tumas. Yumi yet i mekim na yumi painim ol dispela sik.

Tasol ol sik i save mekim planti bikpela manmeri i sik na i save kilim planti bebi tru em ol dispela sik yumi kisim long ol arapela man. Ol dokta i kolim ol dispela kain sik, komyunikebel disis- bikos sik i save kalap long wanpela man i go long narapela.

I gat as

Wan wan bilong ol dispela komyunikebel sik i gat as bilong en yet. I gat ol liklik binatang tru ol i kolim jem i save kamapim sik. Man i no inap long lukim ol dispela binatang. Yumi mas yusim masin ol i kolim maikroskop long lukim ol dispela jem.

I gat kain kain jem. Sampela i save kamapim poisin bilong kus nogut olsem huping kof. Poisin bilong ol arapela jem i save bagarapim ol masel long bodi na kamapim kain sik olsem polio. Ol jem i gat rot bilong ol yet long go insait long bodi bilong man na kisim ples.

Long bodi

Jem bilong malaria i go insait long bodi bilong man long taim ol natnat i kaikaim yumi. jem bilong gonoria, sifilis na AIDS i go insait long bodi bilong yumi sapos yumi slip wantaim man o meri husat i gat dispela sik.

Jem bilong sik misels, huping kof, TB, dipteria i ken go insait long bodi bilong man sapos arapela man husat i gat dispela sik i kus na gutpela man i pulim win wantaim ol jem ya.

Jem bilong sik tetanes i save stap long graun ol long pekpek bilong ol enimal. Na long taim yumi katim skin bilong yumi, dispela jem i ken go insait long bodi, o long taim mama i karim nupela bebi na ol i katim rop bilong pikinini long doti naip, dispela jem i ken go insait long bodi.

Doti wara

Jem i save kamapim sik polio i save stap

long doti wara na i save gro insait long bodi sapos yumi dringim dispela wara. Na jem bilong sik pigbel i save kamapim sik long taim man i kaikaim mit bilong pig i no tan gut.

Save i soim rot.

Em i isi tru long jem i kalap long bodi bilong wanpela man i go long narapela. Sampela taim jem i stap long bodi bilong man tasol man i no pilim sik. Na long taim em i raun i go toktok o kaikai o dring o slip wantaim narapela man, bai jem nogut i kalap i go. jem bilong sik misels inap stap long bodi bilong wanpela pikinini moa long tu wik bipo pikinini i sik.

Bodi i pait

Long taim ol dispela jem i go insait long bodi bilong yumi, bai bodi i pait long kilim ol. Tasol sapos taim i sot, bai ol dispela jem nogut i win na yumi sik. Laki tru na bodi i luksave pinis long ol dispela jem nogut olsem na neks taim bai bodi i redi tasol long autim ol.....em sapos dispela sik i no kilim yumi. ...Olsem na ol sik olsem polio na misels i save kamap wanpela taim tasol long yumi.

Ol dokta i mekim bikpela wok tru long painimaut olsem wanem bodi bilong yumi i save kilim ol dispela jem nogut. Na ol i save pinis long wokim ol marasin em bodi bilong yumi i ting i wanpela sik nogut.

Sik Liklik

Marasin ya i no inap long mekim yumi i sik tru. Ol pikinini husat i kisim dispela kain marasin i save pilim sik liklik. Tasol long taim ol jem bilong ol sik nogut i go insait long bodi bilong yumi, bai bodi i redi pinis long kilim ol dispela jem.

Dispela sut bilong kamapim strongpela banis long bodi bilong yumi em ol i kolim immunaisesen. Bodi bilong yumi i ting olsem ol jem nogut i go insait na bodi i redi pinis long kilim ol dispela jem.

Sampela taim man i ken kisim wanpela sut tasol long kamapim dispela banis bilong bodi - sut bilong stapim sik misels em wanpela bilong ol. Tasol sampela taim mani mas kisim sut tripela taim bipo long bodi i ken sanapim strongpela banis. (lukim pes 4 bilong Helt Nius)

Imunaisesen

Imunaisesen o sut bilong kamapim strongpela banis long bodi, em i wanpela gutpela rot tru man i painim long helpim laip. Na dispela rot i sevim laip bilong planti milion manmeri long wol. Sut ol i givim long stapim sik smolpoks i pinisim dispela sik nogut long wol tude.

Tasol sapos em i isi tru long kisim ol dispela sut, watpo na ol pikinini i wok long dai yet? Wanpela as em bikos planti pipel i no save yet olsem ol dispela sik i birua bilong man na nau i gat rot long stapim ol dispela sik. Na narapela as bilong dispela hevi em bikos yumi no painim gutpela rot yet long kisim ol dispela sut i go long olgeta ples inait long knatri. Sampela taim ol papamama i no save long wanem hap tru ol i mas kisim pikinini i go kisim sut. Sampela taim ol papamama i wet i stap tasol no gat man i kamap long givim sut long ol pikinini. Sampela taim papamama i les long kisim pikinini i go kisim sut. Na sampela i ting olsem wanpela sut tasol em inap na ol i no kisim pikinini i go bek pinisim sut bilong em.

Nesenel Imunaisesen Wik Tripela de

Nesenel Imunaisesen Wik, 19 -23 Septemba. Dispela wik i kamap tripela de tasol bihain long Independens de selebren. Na em i sans bilong yumi long stapim ol dispela birua sik bilong ol pikinini.

Ol papamama i ken helpim ol pikinini olsem- karim ol pikinini bilong yu yet na bilong ol wantok tu i go long klinik o helt senta.

Ol tisa i ken helpim ol pikinini tu long luksave long ol dispela sik nogut na toksave long wanem ol rot bilong rausim ol dispela sik. Ol tisa i ken go pas long ol komyuniti bilong ol long taim bilong givim sut long ol pikinini.

Toksave

Ol pikinini tu i ken givim han. Ol i ken toksave long ol papamama long karim ol brata susa bilong ol i

go kisim sut. Na ol i ken raun long ples na painim ol papamama na tokim ol i kisim pikinini i go kisim sut long taim ol sista nes i kamap long ples.

Ol bikman bilong ples tu i ken putim toksave olsem bai ol pipel i harim na karim ol pikinini i go kisim sut.

Ol bisnisman i ken helpim dispela program tu sapos ol i givim mani bilong printim ol toksave pepa bilong dispela program. Hap mani i ken go tu long baim ol spesel bokis bilong karim ol narasin. Plis salim sek i kam long dispela adres: Immunization Week, Department of Health, P.O. Box 3991, Boroko.

Na ol helt woka i ken helpim dispela program sapos ol i gat inap marasin saplai long ples bilong givim sut long dispela wik. Oi ken toktok wantaim ol bikpela manmeri na tokim ol long karim pikinini i kam kisim sut.

PNG Helt Nius i winim mak bilong 250,000.

PNG Helt Nius i kamap namba faiv taim gen nau na mipela i amamas long toksave olsem mipela i printim na salim 250,000 i go long olgeta hap bilong kantri.

Ol rida i save oslem disepela nius i save kamap long wan wan mun. Tasol planti bilong ol i no save olsem i bin gat spesel wok namel long niuspepa, Dipatmen bilong Helt, UNICEF, WHO na ol arapela lain long kamapim Helt Nius.

Nau Helt Dipatmen i save baim Helt Nius na salim i go long olgeta helt senta long PNG. Olsem na pes 4 em i bilong ol. Na bikpela toksave bilong Imunaisesen wik i kamap nau bikos planti bilong ol dispela ples i stap longwe tru na ol pas i no save kamap hariap long ol.



• Bebi i kisim sut long was long bodi bilong em.

Sikispela birua sik bilong ol pikinini

OL saveman bilong helt i tokaut olsem insait long 15 seken, wampela pikinini i save dai long sik misels: na dispela sik i save kilim 2 milion pikinini long wan yia. Klostu olgeta pikinini husat i no kisim sut bai kisim dispela sik. Na sapos bodi bilong ol i no strong bai sik ya i ken kilim ol. Sik i save kamap bikpela tru long 30 pesen bilong ol dispela pikinini husat i kisim sik misels. Sik ya i ken mekim yau bilong pikinini i bagarap, kamapim pekpek wara na bagarapim ai.

Dipteria i save kilim 10 o 15 pesen pikinini. Skin i save kamap insait long nek na pasim rot bilong pikinini long kisim win. Ol jerm bilong dispela sik dipteria i save kamapim wampela poisin em inap go insait long blut na bagarapim lewa na kilim pikinini.

Samting olsem 51 milion pikinini i save kisim sik huping kof long olgeta yia. Na samting olsem 600,000 pikinini i save dai. Ol i givim nem "hup" long dispela kus bikos long taim pikinini husat i gat dispela sik i kus i go i go na em i laik pulim win, bai dispela nois i kamap. Pikinini i ken kisim sik malnutrisen tu long dispela taim bikos kus bai mekim em i traot. Kru bilong pikinini i ken bagarap na em i ken kisim tu sik nimonia.

Tetanes i save kisim 800,000 pikinini long wan yia. Na klostu olgeta nupela bebi husat i kisim dispela sik i save dai. Jerm bilong dispela sik i go insait long bodi bilong bebi sapos ol i katim rop bilong em long doti naip o resa. Sapos mama i kisim dispela sut long taim em i gat bel, bai sut i was long bodi bilong bebi.

Polio em i wampela sik i save kilim 275,000 pikinini long wol. Em i wampela sik husat i save bagarapim lek bilong ol pikinini long ol kantri i wok long develop yet.

Namel long 200 pikinini husat i kisim dispela sik, bai i gat wampela husat i kamap lek nogut. Na namel long 10-pela pikinini, bai wampela i dai.

TB i save kamap long samting olsem 10 milion pikinini long wan wan yia. Na sik ya i save kilim ol nupela bebi sapos ol jerm i go daun long lewa bilong pikinini. Sik TB i ken kamapim sik nomonia o sapos nogat, bai bodi bilong pikinini i kamap bun nating na pikinini i bagarap. Sapos sik TB i kamap long kru bilong pikinini, bai em i dai.

HELT insait long PAPUA I NI

Tenkyu long sapatim Imunaisesen Wik

- Rotary Club bai mekim wok bilong helpim ol helt woka long trenspot i go long ol klinik. Na ol i printim tu ol toksave pepa bilong dispela bikpela wik.
 - B. Braun Ltd & Meddent husat i sapatim ol dispela pes bilong PNG Helt Nius.
 - DHL International Courier Service husat bai givim fri sevis long karim ol marasin samting.
 - Johnson & Johnson Ltd. husat i givim ol toksave pepa bilong kisim sut.
 - Police Department Community Relations husat i mekim wok bilong toksave long ol famili bilong ol.
- Sapos ol lain bilong yu inap long givim han long dispela wik, plis ringim, John Kaiulu long Dipatmen bilong Helt long dispela telepon namba - 248714 o Dokta Tim Pyakalyia long telepon namba 248671.



Bebi Klinik

WANPELA moning mi harim belo bilong singautim ol mama i go skelim bebi.

Na mi ran i go askim mama, "Em taim bilong go nau?"

Mama i bekim na tok, "Yes. Balati i mas go skel nau. Na em i taim bilong em i kisim wampela moa sut."

Long taim mama i givim kaikai long Balati, mi pulampim tripela karamap kaikai long bilum. Bebi i kaikai pinis na liklik susa Liluta i kisim klinik buk bilong Balati na mipela i go.



Sista Helen i skelim Balati pinis na em i tok skel bilong bebi i gutpela tru.

Na sista i smail na em i tok, "Balati em i strongpela helti bebi. Sere, yu lukim skin bilong em i strong na i lait moa. Na gras bilong em i smat. Tupela lek na han bilong em i strong na yu ken lukim olsem em i stap amamas tasol."

Mi bekim na tok, "Mi save olsem Balati i gro gut. Bikos em i save dring susu bilong mama na kaikai gutpela kaikai olgeta de."



Ol sut (imunaisesen)

Sista Helen i lukluk gen long buk bilong Balati na em i tok, "Gutpela tru. Balati i kisim olgeta polio marasin na olgeta sut bilong em pinis. Orait nau bai em i mas kisim sut bilong miseela."

Mi askim, "Ol dispela sut bai helpim Balati long gro bikpela o?"

Sista i bekim na tok, "Ol i no bilong helpim masel na bung bilong Balat long gro. Tasol bai ol i skulim bodi bilong em long pait egens ol strongpela sik. Ol sut ya i bilong was long bodi bilong Balati."



Narapela sista i stretim spesel marasin. Na em i givim sut long han bilong Balati. Mi ting bai Balati i kra i tasol mama i hariap givim susu long em na em i slip.

Sista i tok, "Nau Balati i gat strong long pait egensim 6-pela sik. Em i kisim olgeta bebi sut bilong em pinis."

Mama i karim Balati na tok, "Tenkyu sista. Bai mipela i lukim yu gen bihain long wan mun."

Mipela i wokabaut i go bek long ples. Na long rot, mipela i sindaun malolo liklik na kaikai.

Na mi askim mama, "Mi no klia tumas. Ol dispela sut ya i wankain olsem sut yumi save kisim long taim yumi sik o?"

Mama i bekim na tok, "Nogat. Ol

klinik sista i tokim mipela olsem i gat tupela kain sut. Wampela em i bilong helpim ol sikman i kamap gut gen. Na narapela i bilong ol bebi na mama. Dispela kain sut i save helpim bodi bilong ol long stapim wanem kain sik inap long bagarapim ol."

Mi klia nau na mi tok, "Balati i kisim dispela kain sut nau."

Mama i bekim na tok, "Em tasol. I gat spesel nem bilong dispela kain sut. Mi raitim insait long skel buk bilong Balati."


Mipela i opim buk na painim dispela nem- Immunisation.

Narapela sista i stretim spesel marasin. Na em i givim sut long han bilong Balati. Mi ting bai Balati i kra i tasol mama i hariap givim susu long em na em i slip.

Taim bilong kisim sut

NESENEL Helt Dipatmen i makim ol dispela taim bilong kisim sut.

Bipo long mama i karim bebi- (mama i mas kisim sut)	Tetanus Toxoid
Bihain tasol long bebi i kamap	BCG (Was long sik TB)
2-pela mun	TA (wampela sut bilong sik dipteria, huping kof, na tetanes) Polio (bebi dringim marasin bilong sik polio.) Pigbel (sut bilong sik pigbel: ol pikinini long Hailans tasol)
4-pela mun	TA, Polio na Pigbel (namba tu sut)
6-pela mun	TA, Polio na Pigbel (namba tri sut)
Bihain long 9 mun	Misels sut
Stat skul (gret 1)	BCG (namba tu) na Tetanus Toxoid.
13 krismas (gret 6)	BCG (namba tri) na Tetanus Toxoid.



BILONG KILINIM SKIN

Gamophen* Medicated Soap i gat spesol kain marasin i stap long en we bai i stopim ol gem na helpim skin i noken sua nating.

Olgeta taim yu yusim Gamophen* Soap bai i lukautim gut sakin bilong yu na i stap luk klin oltaim.



Johnson & Johnson

Be A Winner

WOPA 100g NET

Morobeen

WOPA 100g NET

MISTER WOPA

Eat WOPA Biscuit.

Morobeen Biscuit Makers To PNG

Wok i stap long han bilong helt woka

LONG PNG i gat lo bilong Helt Dipatmen we olgeta pikinini i mas kisim sut bilong stapim ol 7-pela sik nogut bipo long ol i winim wanpela krismas. Ol dispela sik em polio, dipteria, tetanus, huping kof, TB, misels na pigbel.

Nesanel Helt Plen, 1986-1990 i strong nau long mekim wok bilong daunim ol sik em ol dispela sut inap long stapim. Insait long dispela plen, ol i tingting long givim sut long 5 pesen bilong ol pikinini long wan yia. Tasol toksave i kamap pinis olsem dipatmen i no inap long winim dispela mak, maski sapos i gat rot bilong givim sut long ol pikinini.

Dispela sut i fri, tasol watpo na yumi no inap long winim mak

Strongim helt na rausim ol sik nogut

IMUNAISESEN o sut bilong strongim banis long bodi em i wanpela namba wan rot tru bilong stapim o sik nogut. Tasol wanpela bikpela samting tru i wok long kamap nau em ol lain helt woka i lusim tingting long ol rul bilong lukautim ol samting bilong givim marasin.

Tingim

- Yusim nil bilong sut wanpela taim tasol na tromoi. Lo bilong Helt Dipatment i tok olsem ol wokman bilong helt i mas yusim nil bilong sut wanpela taim tasol.
- Senisim sirins bilong sut bihain long yu givim sut.
- Bihain long yu yusim sirins wanpela taim tasol, rausim na boilim pastaim inap long 20 minit samting na yu yusim gen.
- I tambu tru long traime klinim sirins long ol marasin.
- I tambu tru long gaiman subim sirins i go insait long hatwara na yusim gen. Em i no stretpela pasin.
- Sapos i no gat tru narapela nil bilong givim sut, orait, boilim nil inap long 20 minit samting bihain long yu givim sut long narapela man.

bilong 5 pesen long wan yia? Ating sapos yumi lukluk long dispela sut, ol pikinini na ol wokman bilong helt bai yumi inap long klia long wanem samting i kamapim dispela hevi.

Long pikinini husat i gat wanpela krismas yumi mas lukluk long papamama bilong em.

UNICEF na WHO i bin mekim sampela wok painimaut bilong dispela samting na ol i tok olsem ol papamama i no klia long wok bilong ol dispela sut. Ol papamama i no klia tu olsem pikinini i mas pinisim olgeta sut. Wanpela sut tasol em i no inap. Planti mama long ol ples longwe i no save kisim pikinini i go long klinik long taim ol sista i raun long ske-

lim ol pikinini. I gat ol toksave bilong raun bilong ol sista i save kamap long redio tasol planti pipel i no save kamap. Wanpela as bilong dispela em sampela taim ol pipel i kamap na wet i go tasol i no gat wanpela nes o sista i kamap long lukim ol.

Vaksin: Yumi ol helt woka long dispela kantri we ples i save hat tru i mas tingim wok bilong kol sen. Yumi mas was gut tru na bihainim lo bilong dispela wok sapos yumi laik marasin i stap strong yet. Sapos marasin i kol pinis na yumi givim sut long ol pikinini bai yumi westim taim na marasin.

Ol helt woka i gat bikpela wok long mekim. Em i wok bilong yumi long

mekim ol papamama i luksave long as bilong givim sut long ol pikinini. Sapos papamama i luksave, bai ol i karim ol pikinini i kam kisim sut.

Ol pipel i mas gat bilip long ol helt woka. Sapos yumi toksave long ol pipel olsem bai yumi raun i go na mekim klinik, orait yumi mas traime long bihainim dispela program. Ol helt woka i mas strong long mekim wok bilong ol i go long ol ples i stap longwe. Sapos i gat moa pipel i stap yet, em i gutpela long stap wanpela moa de o wokabout wanpela moa kilomita na givim sut long ol pikinini. Ol helt woka i mas tingting long imunaisesen olgeta de olsem na

sapos ol pikinini i kam long klinik long kisim marasin, sekap na lukim sapos em i taim bilong ol long kisim sut.

Long taim bilong ol nes i wokim klinik, em i gutpela long ol i toktok wantaim ol papamama long imunaisesen. Tokim ol long as bilong ol dispela sut na wanem kain samting bai kamap long pikinini long taim em i kisim sut. Tokim ol olsem wanpela sut i no inap, ol i mas kisim pikinini i go bek gen long pinisim olgeta sut bilong em. Toktok isi long ol mama long ol dispela samting na maski long krosim ol. Yumi mekim olsem bai ol pipel i amamas long wok bung wantaim yumi.

Long taim mi skelim ol hevi i save kamap long wok bilong givim sut, mi ting olsem dispela hevi i kamap bikos long pasin bilong ol helt woka. Sapos yumi ol helt woka i wok bung gut wantaim ol pipel bilong ples, bai ol pipel i ken luksave long dispela na helpim yumi long winim dispela bikpela

wok bilong givim sut long ol pikinini. Ol helt woka long olgeta hap long graun i gat bikpela wok long lukim olsem ol pikinini i gat gutpela was long bodi bilong ol.

Imunaisesen i givim dispela strong long ol pikinini!

Maria Coady (SR)
CUSO Volunteer,
Madang - PNG.

Toksave bilong ol helt woka

YUPELA ol helt woka bilong PNG i save moa long ol hevi bilong helt ol pipel long ples i save painim. Na yupela i klia tu long wanem ol samting i ken stretim ol dispela hevi bilong ol pipel.

Plis salim ol toksave o hevi o ol stori bilong wanem kain ol samting i kamap long ples we yu wok nau. Mipela tu i laik ritim ol dispela samting. Salim i kam long dispela adres, PNG Helt Nius, P.O. Box 3991, Boroko.

ADMINISTRATION OF VACCINES

Vaccine	Vaccination Schedule			Mode of administration	Dosage	Storage Temperature	Storage time of opened vials	Complications
	Age at 1st dose	Second dose	Third dose					
B. C. G.	A.S.A.P.* after birth	School Entry (5-8y.)	School leaving (13 y.)	Intradermal	0.1 ml	+ 4-8oC	Discard at end of same session	Local ulcer in 2w. & enlarged lymph glands
T.A. (DPT)	A.S.A.P.* after age of 2 months	after 1-2 months	after 1-2 months	Intramuscular	0.5 ml	+ 4-8oC should not be frozen	Can be kept in fridge for 1 w.	Local irritation & fever within next 3 days
SABIN (OPV)	A.S.A.P.* after age of 2 months	after 1-2 months	after 1-2 months	Oral	2 drops	+ 4-8oC	Discard at end of same session	None
PIGBEL (only in High-lands)	A.S.A.P.* after age of 2 months	after 1-2 months	after 1-2 months	Intramuscular	0.5 ml	+ 4-8oC	Can be kept in fridge for 1 w.	Local Irritation
MEASLES	A.S.A.P.* after 9m & less than 2 y.			Subcutaneous	0.5 ml	+ 4-8oC	Discard at end of same session	Fever and/or slight rash after 7-10 days
T. TOX.	School Entry (5-8y.)	School leaving (13 y.)		Intramuscular	0.5 ml	+ 4-8oC should not be frozen	Can be kept in fridge for 1 w.	Local Irritation
	Pregnant women				2 doses of 0.5ml apart			
	All persons over age of 5y. if not vaccinated before							

* As soon as possible

Lukautim na givim marasin pasim sik

Toktok i go pas

ROT bilong pasim na daunim ol sik i mas kamap namba wan long ol kain kain wok helpim helt wokman i mekim insait na tu ausait long ples bilong wok bilong em. As tingting bilong givim aut ol dispela sut i bilong pasim sampela bikpela sik we i save bagarapim na kilim ol pikinini. Wok bilong veksini i bilong strongim bodi long helpim pait wantaim ol dispela sik sapos ol i go insait long bodi.

Gutpela taim bilong stat givim ol dispela veksini em long taim pikinini i bebi yet. As tingting long dispela em olsem taim yumi bebi yet, bodi bilong yumi i no strong tumas long pait wantaim na kilim ol strongpela jem sapos ol i go insait long bodi bilong yu.

Ol veksini hia em bilong banisim ol kain sik olsem, Diptherria, Huping Kof, Tetanus, Pigbel, Polio, Misels na TB. Yu mas ritim gut dispela na kisim sampela save long pasin

bilong wok bilong ol dispela veksini.

Bikpela toktok long wok bilong ol veksini

1. Bihainim Helt Plen bilong Gavman long pasim na daunim ol sik, wok bilong givimaut ol dispela veksini i mas inapim olget ahap bilong kantri.
2. Bikpela tingting long givim aut ol veksini insait long kominiti em bilong daunim na pasim sik insait long ol liklik ples. Namba wan, man na meri insait long komiti i mas go kisim helpim long o helt wokman long helpim ol yet.
3. Wok bilong givim aut veksini i no ken kamap tasol long taim bilong klinik. Dispela wok i mas kamap long ol kain kain ples bung. Olgeta helt wokman na meri i mas givim sampela helpim long mekim dispela wok i kamap gut.
4. Sapos inap long mekim helt wokman i mas

givim planti veksini long wanpela de tasol long taim bilong klinik. As tingting long dispela em long wanem planti mama i no save kam long namba tu na tri taim long klinik.

Ol veksini yumi gat long PNG

Dispela ol veksini yumi save givimaut insait long Papua Niugini. Sikspela bilong ol dispela veksini em bilong ol pikinini na olgeta pikinini i mas kisim. Pigbel veksini i bilong Hailans tasol.

1. Triple Antigen (TA)
2. Sabin
3. Pigbel
4. Measels
5. BCG
6. Tetanus Toxoid (TET. TOX)

BAIBEL KOMIK

Ol wok bilong ol Aposel



Givim pawa long mi na bai mi kilim ol.

Orait. Kisim dispela toksave pas i go long Damaskus.

Pol i kisim ol man na ol i go long Damaskus. Em i bilip tru olsem em i mekim wok bilong God long raunim ol lain bilong Jisas.



Wanpela lait na nek bilong Jisas

ACTS 9: 3-22

Long taim ol i kamap klostu long Damaskus, Pol i hariapim hos bilong em.

Tasol wantu strongpela lait tru i karamapim em na kukim ai bilong em. Em i pundaun i go daun long graun na em i harim wanpela man i singautim narapela nem bilong em na i tok, "Sol! Sol! Watpo na yu bagarapim mi?"



Yu husat?

"Em mi tasol Jisas bilong Nasaret yu wok long bagarapim"

Yu laik bai mi mekim wanem?

Jisas i bekim na tok, "Go insait long siti na bai yu painimaut."



• Ol Katolik bilong St Josph peris long Boroko i pulim lain i go long bikpela bung bilong olgeta Katolik long Mosbi. Bikpela lotu i bin kamap long 5 Mail long pinisim Marian Yia

LONG Sande 14 Ogas, ol pipel husat i pulap tlong Katolik haus lotu long Kavieng i lukim Bisop Herman Hesse i kisim wanpela spesel namba i kam long gavman bilong Jemani. Dispela namba ol i kolim Cross of the Order of the Federal Republic of Germany. Ambasad bilong Jemani long PNG, Bruno Spengler i bin givim dispela namba i go long Bisop Hesse.

I bin gat bikpela amamas na selsebren i kamap long Kavieng taun long dispela wiken. Long

Jemani givim namba long Bisop Hesse

Fraide nait i bin gat prosesio we ol pipel i laitim kendel na karim Santu Maria long haus sik i go olgeta long bikpel haus lotu we lotu i bin kamap. Na long Sarere i bin gat lotu we ol singsing bilong ples na ol gita singsing i kamap long makim pinis bilong Marian Yia.

Long Sande i bin gat bikpela lotu bilong tok tenkyu long God long 25 yia bilong Bisop Hesse i mekim wok pris na 10-pela yia

bilong em long wok bilong bisop. Ol lain Lihir i mekim singsing bilong ol long taim bilong ofa.

Long taim lotu i pinis, abasada bilong Jemani, Mista Spengler i toktok long ol pipel. Em i tok gavman na ol pipel bilong Jemani i amamas long wanpela pikinini bilong ol i givim longpela taim long laip bilong em long mekim wok bilong sios hia long PNG.

Bihain long ol toktok, Mista Spengler i

givim dispela spesel namba bilong gavman bilong Jemani i go long Bisop Hesse. Ol pipel i kirap nogut long taim Mista Spengler i givim dispela namba i go long Bisop Hesse. Ol pipel i amamas tru na tok olsem moa long 100 yia nau ol pipel bilong Nugini Ailan i save long Jemani.

Bisop Hesse i bekim tok na em i tok em yet i no mekim ol dispela wok-wanem samting em i mekim ikamap long strong bilong God.

Tu minit tingting

FRANK MIHALIC i raitim

WANPELA taim mi redim wanpela lain bikpela man long kisim baptais. Mi tokim ol long painim wanpela gutpela nupela nem. Wanpela man i lukluk nabaut long Nu Testamen na em i painim wanpela nem. Em i narakain nem tru. I no gat wanpela Kristen sumatin long skul i gat dispela nem. Mi askim em na em i tok em i laik kisim dispela nem Beelsebul, em i painim pinis long Baibel. Mi kalap nogut, long wanem, Beelsebul em i nem bilong wanpela Seten. Tasol man ya i no save.

Mi skulim dispela man long pasin bilong kisim nem bilong wanpela bikpela gutpela holiman. Sapos yu kisim nem bilong narapela man, dispela i min, yu laik kamap bikpela olsem em. Na tu bai dispela man i wari liklik long yu. Na yu wannem bilong em.

Sori, hia long PNG yumi no save tingting planti long nem yumi save karim. Yumi senisim nabaut nem. Long taim yumi nupela bebi, papa i givim wanpela nem long yumi na mama i givim narapela. Ol pipel long ples i givim narapela gen. Taim yumi wokabaut long viles, ol i ken givim nupela nem long yumi gen. Long taim yumi kisim baptais, ol i givim nupela nem gen. Na long praimer skul yumi kisim nupela nem gen. Sampela man/meri i kisim nupela nem long haikul.

Man/meri i winim skul pinis na i go long wok, em i save kisim narapela nem gen. Olaboi, em i hatwok tru long bihainim laip bilong man o meri; nem bilong em i senis nabaut planti.

Long sampela arapela kantri, yu mas go long kot sapos yu laik senisim nem bilong yu.

Plantu Yuropien i kros sapos yu spelim kranksi nem bilong ol. Ol ripota i skul long dispela pinis.

Long ai bilong planti man long planti kantri, nem em i bikpela samting. Nem bilong mi long sekbuk i givim pawa long tekewe mani long beng. Nem bilong mi long kontrak, i olsem bikpela promis. Mi inap kot sapos mi brukim.

Sapos yu gat tok long Koka Kola, o long Elvis, o long Honda, o long sanguma, olgeta man na meri na pikinini yet i save, yu tok long bikpela samting. Sapos yu tok long Seten o Lusifa o Judas, olgeta Kristen i save, yu tok long wanem samting. Ol dispela i nem nogut.

Nem i gat pawa. Pita i kolim nem bilong Jisas na em i oraitim ol sikman.

Tingting gut long taim yu givim nem long nupela bebi. Givim nem bilong wanpela santu, bai yangpela i ken groap na na bihainim lek bilong dispela gutpela man o meri. Na bipo yu givim nem bilong santu, mobeta ya yet yu skul long stori bilong dispela santu na bihain yu ken tokim long liklik boi o meri. Ol dispela nem tu i gat mining.

Yumi olgeta i mangalim ol bikpela man-meri bilong spot na musik. Yumi mangalim man o meri em i wina, em i save tumas long wok bilong em. Santu em tu i wanpela wina; em i winim heven pinis. Em i gat bikpela intres long pulim ol wannem bilong em i kam bihainim em na kamap wina tu.

Yu gat wanem nem? Em i min wanem samting?

Ston i kamap man na giamanim meri

BIPO BIPO tru i gat wanpela kum katim meri i stap long wanpela ples insait bilong Makam eria. Dispela meri i stap wantaim papamama bilong em.

Dispela famili i gat wanpela ston em papa bilong ol i save sapim na katim diwai long en. Na long taim nating bai em i putim insait long wanpela beg na hangamapim insait long haus.

Tasol dispela ston i save tanim olsem man na luk stil long dispela yangpela meri.

luk stil

Wanpela taim papa i tokim pikinini meri long klinim ples, wasim ol samting na kukim kaikai i stap long haus. Na papa wantaim mama na ol arapela man long ples i go painim kaikai long bus.

Em nau dispela ston i lukim olsem yangpela meri tasol i stap long ples na em i tanim na kamap olsem man tru. Man em i luk narakain na i smat olgeta. Sapos wanpela meri i lukim bai i dai nating long em.



Meri ya i kirap nogut long lukim em na i askim em, "ai! Yu kam olsem wanem?"

Na bagaros ya i bekim olsem, "mi save kam long ples na lukim yu wanpela tasol i save stap. Olsem na mi kam long kisim yu bai mitupela i go long narapela ples".

smat tru

Meri ya i no gat wanpela toktok long mekim, em i bihainim tasol toktok bilong dispela stonman. Long wanem dispela stonman i luk smat tru na i katim stret lewa bilong em.

Tupela i go antap long haus na meri ya i kisim olgeta samting bilong em. Em i kisim

pinis na tupela i taitim rot i go long narapela ples.

Tupela wokabaut i go na kamap long wanpela wara. Tupela putim ol samting na malolo long dispela wara. Tasol bagaros ya i painim wanpela diwai na wokim bet bilong tupela long drip i go daun long wara. Em i wokim bet pinis na tupela i drip i go daun.

Tupela drip i go daun na bet i go pas long sampela pipia long wara. Bet i tanim na hariap tru meri ya i kalap i go antap long pipia. Na dispela stonman i go aninit long wara. Bihain em i kamap long hap sait bilong dispela pipia na i ranawe i go bek long ples.

Tarangu meri i painim man ya tasol dispela stonman i no stap. Mekim nogat nau em wanpela i stap long dispela hap.

Em i wokim wanpela liklik haus na i slip arere long wara. Em stap i go na wanpela taim em i painim kiau bilong wanpela pisin.

kiau i bruk

Kiau bilong dispela pisin i stap insait long wanpela pitpit

klostu long dispela wara.


Em lukautim dispela kiau i go na kiau bilong pisin ya i bruk. Na olgeta taim em i save painim pis na givim dispela pisin long kaikai. Em mekim olsem i go na dispela pisin i kamap bikpela tru.

Orait meri ya i lainim dispela pisin long toktok olsem man. Na taim pisin ya i bikpela em i tokim meri long raun na lukim ples.

Wanpela taim pisin ya i flai i go na pun-daun stret long ples bilong dispela meri. Em kisim wanpela lip bilong banana na karim i go bek na soim meri ya. Meri ya i lukim na i amamas nogut tru.

Tupela stap i go na pisin yet i save painim pis. Na tu em yet i save lainim long karim ol samting. Trangu pisin tu i save harim tok na hariap long painim kaikai na kisim i kam taim mama bilong em (meri ya) i tokim em.

Olsem na wanpela taim meri i tokim pisin ya long traim na karim wanpela bikpela ston. Na pisin ya i bekim na i tok olsem, "mama em i orait, bai mi traim



Asde yet ol manmeri long ples i redi na go pinis long bus. Na papa bilong dispela meri tasol i hait arere long ples na i wet i stap.

Em i karim dispela ston na flai i go antap tru na i kam daun na putim bek long wara. Meri ya i lukim olsem na em i amamas nogut tru long pikinini pisin bilong em.

Bihain em i tokim pisin ya, "Bai mi redim sampela samting na yu kisim i go pas long ples".

karim kago

Orait tupela de bihain pisin ya i stat long karim wan wan kago i go pas long ples. Em karim olgeta samting i go pinis na bihain tru em i karim meri ya i go long ples.

Man ol manmeri long ples wantaim papamama i lukim em na i kalap nogut tru. Planti bilong ol i ting olsem ol i lukim dewel bilong dispela meri. Bikos ol i ting em i dai pinis.

Bihain em i stori long wanem samting i bin kamap long em. Em i tokim ol tu long dispela yangpela man husat i giaman long maritim em.

Papa bilong em i harim olsem na i bel kaskas nogut tru. Tasol em i no save olsem dispela man em ston bilong em.

Wanpela tingting i kamap long em na wanpela de em i tokim olgeta manmeri na ol i go long bus. Na em tokim pikinini meri bilong em olsem, "Mipela olgeta bai i go painim abus na slip tupela de olgeta long bus. Na yu wanpela bai i stap. Sapos dispela man i kam bek long grisim yu orait yu mas tokim em olsem-Pastaim mi go wantaim narapela man tasol em i bin lus long wara. Olsem na ol manmeri long ples i tokim mi olsem sapos wanpela man gen i kam na grisim mi, bai mi no inap long go wantaim em".

Asde yet ol manmeri long ples i redi na go pinis long bus. Na papa bilong dispela meri tasol i hait arere long ples na i wet i stap.

ston i tanim

Tarangu dispela yangpela meri tasol i stap long ples. Em i stap liklik na bihain dispela stonman i lukim olsem na i tanim gen olsem wanpela kum katim man stret. Bagaros nogut ya i stretim gut skin bilong em na i wokabaut isi isi tasol i go long dispela meri.

Papa bilong dispela meri i mekim puripuri long pikinini meri bilong em. Dispela puripuri em bilong tanim tingting bilong meri bai em i no inap seksek long maritim sapos em i lukim wanpela kum katim man.

Bagaros nogut i kamap na tokim meri ya olsem em bai i maritim em sapos (meri) i go wantaim em long narapela ples. Tasol meri ya i strong tru na i tok nogat long dispela tingting.

Em i tokim dispela man olsem, "Long wanpela taim, wanpela man i kam na i giamanim mi. Na bihain em i lusim mi wanpela i stap long wanpela hap. Tasol mi yet i strong na mi bin kam bek long ples". Dispela stonman i strong yet long kisim dispela meri i go wantaim em. Tasol meri tu i strong na em i no harim toktok bilong dispela man.

Tupela i toktok i go na bihain papa bilong meri ya i kamaut long ples we em i hait long en.

Dispela stonman i lukim papa bilong meri ya na em i kalap i go insait long beg na tanim olsem ston na i stap insait long haus. Tasol asde yet papa i lukim pinis.

Em i go tokim olgeta manmeri long bus na ol i kam bek long ples.

Na em i tokim ol long wanem samting i bin kamap.

Man pikinini meri bilong em tu i kirap nogut long taim em i harim dispela. Em i ting olsem dispela man husat i bin toktok wantaim em i wanpela man tru.

Olgeta man long ples i bung wantaim long hausboi na papa bilong dispela meri i tokim ol long plen bilong kilim dispela stonman.

Olgeta i bihainim toktok bilong em na ol i wokim wanpela haus long wanpela de tasol. Ol i wokim gut tru na banisim gut tru dispela haus.

Bihain papa bilong meri ya i kisim dispela ston na i lusim i stap insait long dispela haus.

Tarangu dispela stonman i no save long plen bilong ol. Dispela haus tu i nogat dua long en bikos ol i banisim olgeta sait strong tru.


Orait bihain ol i pasim toktok long wokim kaikai long haus ya. Tasol ol i giaman long kukim kaikai insait long haus na i kukim haus wantaim dispela stonman na em i pilim pen na singaut nogut tru. Trangu em singaut i go na i paia insait wantaim haus.

Na pikinini pisin bilong meri ya i go na sindaun arere long wara em ol manmeri na pikinini i save waswas long en. Tasol pisin ya i mekim wanpela rong taim ol pikinini i save go waswas long wara. Em i save kolim ol pikinini na go antap long bikpela diwai na kaikai. Ol pikinini i bel kaskas long dispela na i kilim em.

Em tasol stori tumbuna bilong mi. Dispela stori i wanpela longpela stori tru. Tasol mi lus tingting long sampela hap olsem na mi sotim tasol.

Moaitz Justin, Markham, Morobe.

KOLIM HAMAS MANI - No 4



Glasing gut poto na kolim hamas mani i stap long poto.

NUPELA RESIS - WINIM MANI

WANTOK i kirapim wanpela nupela kain resis long winim mani. Resis i go olsem: Yu mas glasing gut piksa antap ya. Traim kaunim ol mani i stap long piksa. Taim yu kaunim pinis, orait, raitim namba bilong mani long fom ya na salim i kam long Kaunim Mani Box 1982, Boroko.

Long olgeta tupela wik bai mipela sekim ol fom i kamap hia long opis. Sapos man i kolim namba stret, bai em i kisim olgeta mani i stap hia long poto.



Sapos i no gat man i kolim namba stret orait husat i kam klostu tru i kisim K10 na resis i go gen long nara-

pela tupela tupela wik. Olgeta taim mipela statim nupela resis bai mipela putim sampela mani insait long piksa na yu mas traim gen long kolim namba bilong mani. Yu no salim mani i kam taim yu salim fom salim nau tasol.

Nem.....
P.O. Box
Taun
Namba bilong Mani K

Traim dispela Resis na winim 10 pela T Siot bilong "PARRAMATTA EELS" Ragbi Lig Klap bilong Sidni - Australia.

James Hardie Kampani i givim ol dispela T Siot.



WIN

WIN WANTAIM SMITH'S SIPS

Smith's Potato Chips i amamas tru long kamap papa bilong bikpela pilai ragbi namel long Saut Sidney ragbi lig na Saten Zon long Lloyd Robson Oval long Sande, 4 Septemba 1988.

Yu inap winim wanpela fri tiket long lukim wanpela gem sapos yu go insait long Smith's Potato Crisps resis.

Long go insait long resis yu mas baim wanpela paket Smith's Potato Chips long wanpela supamaketa o stua klostu long yu. Raitim nem na adres long hap pepa i stap long paket sips na putim wantaim skin bilong paket sips. Yu ken putim long Smith's Crisps resis bokis o

1,000

FRI TIKET I STAP



**SMITH'S
POTATO CRISPS
P.O BOX 1225
BOROKO.**

WANTOK TOKSAVE BOKIS 252500

PAINIM WANTOK

Dia Edita,

Mi no bin lukim han mak bilong tupela ya Mokai Kora na susa Kuringene Koronu nau ol stap long Moresby siti. Tasol mi no save wanem hap kona. Brata na susa mi Muare Mupangke, mi no lukim wanpela leta bilong yutupela liklik, olsem na sapos yu lukim dispela pas orait yu mas raitim pas i kam long dispela adres.

Gorongke Wem,
S/ Muare Mupangke,
P O Box 1307,
Arawa, NSP.

PAINIM BRATA

Mi wanpela manki bilong Gembogl tasol nau mi stap long Pot Mosbi.

Mi painim brata bilong mi nem bilong em - **GONAU DIORUKA**. Brata mi lusim yu long 1979 i kam inap nau. Olsem na nau mi tingting planti. Nau yu stap long wanem hap tru? Plis brata mi painim hat tru long painim yu. Olsem na mi raitim pas long *Wantok Niuspepa*. Brata sapos yu lukim orait rait tasol long *Wantok Niuspepa* na mi ken lukim na bai mi amamas. Tank yu brata G. Dioruka. Mi brata tru bilong yu Roben M Maula.

Robin M Maula,
P O Box 9273,
Hohola,
NCD

HAPPY BIRTHDAY



ROGE KUREGE PIUS

Who is turning 1 year old today 14th August 1988. Love and greetings from your beloved mum and dad Bele Pius and Moses and brother Bedige, uncle Kandara Alek of Arawa.

Happy Birthday to you Eddis and our Lord will bless you richly as you grow.

TOKSAVE

WANTOK

Reporter

Wantok Niuspepa requires the services of a full time Reporter. All applicants in writing to:

Editor
Wantok Niuspepa
Box 1982
Boroko

BIRTHDAY

Happy Birthday to

Allan Birao Toniut

who turned 4 yrs old on 16/8/88.

B/day wishes from mum & dad, 2 bros Wesley & Sana, Jnr Allan Tolire, Papa kar & aunty Ruai all of McGregor Police Barracks NCD.

And also thinking of you on your b/day is your 2 uncles in Arawa and Panguna, NSP.

Also love & kisses 4rom uncles, aunties, bubus, cousins and relatives of Viviran & Tinganapeanut Ples, Rabaul.

Lastly but not the least from IAU DTWESLEY of Word Publishing.

Windsurfing Sails,

Suitable Beginners

any offer considered

Tel: JOHN - 21 3765

any evening

BETDE

Belated Birthday Greetings



A Happy belated 30th Birthday Greetings to **MUM** (14.08.88). You're always looking prettier as the years pass. May the good Lord's blessings be with you always. Lots of Love from Luke, Rita, Francis and Dad.

new nation

AUGUST ISSUE BRINGS YOU MANY COLOURFUL POSTERS: Alopops, Rt Hon Michael Somare and the Chinese Acrobatic Youth in action.

ALSO find out about what others think of provincial governments, the skills and dangers of karate, AND of course, all your favourite regular features.

ON SALE NOW!



Port Moresby Price — 90t
Other Provinces — K1.00

PABLIK NOTIS



PABLIK TOK SAVE

Toksave long pablik long Lutheran Shipping i save givim Pasindia Sevis long sip bilong en.

Lutheran Shipping i givim tupela kain Pasindia Sevis. Wanpela kain em ol sip i ken karim kain kain kago wantaim pasindia na arapela em save karim pasindia tasol. Dispela sip em i M.V. Mamose Express.

M.V. Mamose Express save karim pasindia tasol. Mipela bai orait tasol long pasindia i ken karim wantaim em liklik han bek na kaikai long go wantaim em.

Olgeta kago olsem kopra, kopi, kakau, buai bai i no inap go long MV Mamose Express. Ol dispela kain kago em bilong go long arapela pasindia na kago sip.

M.V. Mamose Express em bilong kisim pasindia kwik taim long wanpela ples i go long narapela. Olsem na em bai i no inap karim bikpela kago, nogut bai holim sip longpela taim long bris.

Plis harim na bihainim gut dispela toktok long wanem em i bai helpim yu long mekim wokabaut bilong yu i kamap gutpela.

Tenk yu.
Lutheran Shipping Office.
Lae na Madang

He likes to eat
RICE and **TINFISH**..



OH! and he...

SHOPS at major department stores, buys different **FOODS** like **SOFT DRINKS**, enjoys smoking **CIGARETTES**, has a family to feed and **CLOTHES** sends his kids to **SCHOOL**, he owns a **CAR**, has his own **HOME**, has money invested in a **BANK** and in his spare time he likes to play **SPORT** and listen to **MUSIC**.

OH!.....

and one other thing that advertisers tend to forget... he speaks Pidgin 30% of the time as his natural language unlike English!

There are 2,000,000 Others like him in Papua New Guinea!

WANTOK The only Pidgin newspaper in PNG

Advertise
in
PNG's only

TRADE
newspaper

call

**JOHN
CLARKE**

TODAY

Phone

25 2500

**Class 6 Driver for
PMV. PMV
Driver's Licence
an advantage
please contact:
Phone 27 2215**



Better Deals
From The
Better Dealer

TOBA
MOTORS

"Where The Price Is Right!"

- MITSUBISHI L200 UTILITY**
Selling as is with plenty of work left in it. Only **K2500.**
- SUZUKI 1000 HATCHBACK**
Ideal small family vehicle very economical and well priced at **K4990.**
- MITSUBISHI LANCER SEDAN**
Manual with air-conditioning, excellent condition and priced to sell at **K5490.**
- MITSUBISHI L200 UTILITY**
Great value here as good Utes are hard to get — a gift at **K5990.**
- FORD TRADER TRUCK**
3 Ton with cargo body in excellent running order. Ideal PMV vehicle. **K5990.**
- MITSUBISHI L100 BUS**
In as new condition. Very low km, would suit new vehicle buyer, only **K5990.**
- TOYOTA HI-ACE**
PMV, 15 seater ready for the road, well priced at only **K5990.**
- Toba Pty. Ltd. In Badili**
★ Phone 21 7874 ★

NEW & USED CARS

NEW & USED CARS ★ TRUCKS ★ BUSES ★ VANS ★ CARS ★ TRUCKS

CARS ★ TRUCKS ★ VANS ★



NATIONAL CAPITAL DISTRICT INTERIM COMMISSION

Pablik Notis

Nesenel kapitel Distrik Interim Komisin i laik tok save long olgeta pipel insait long Nesenel Kapital Distrik olsem:

LOTERI:

I tambu tru long salim ol laki tiket o ol arapela kain tiket bilong resis insait long ol maket o ol arapela pablik ples insait long siti.

OL LIKLIK STUA NA TAKASOP:

Mipela laik bai Mosbi i mas kamap klin. Olsem mipela i no inap givim nupela laisens long opim nupela liklik stua o takasop.

OL TRIT SELA:

I tambu tru long salim ol buai, saiyor, aisblok na ol kainkain arapela samting long arere long ol stua o rot o ol arapela pablik ples. Sapos mipela lukim yu mekim ol dispela kain wok bai mipela kotim yu.

SALIM OL KAIKAI YU KUKIM PINIS:

Sapos ol sampela lain i laik wokim bisnis long salim kaikai ol i kukim pinis orait ol i mas kisim laisens long Komisin Laisens Komiti. Pe bilong laisens K6.00

GO INSAIT LONG OL SITI DAMP:

Sapos yu go insait long siti damp o wokabout insait long damp i tambu long holim o pilai klostu long ol masin na trakta bilong Siti Kaunsil.

SALIM ABUS O KAKARUK BILONG FRISA:

Yu ken salim ol abus o kakaruk bilong frisa insait long ol stua o bisnis tasol. No ken salim ausait long stua o haus.

Na tu Komisin i laik askim ol pipel i save stap insait long siti long tok save long ol wantok bilong ol long ol dispela nupela lo taim ol i kam long Mosbi long wokim liklik bisnis bilong ol. Na tu sapos yu lukim sampela man i wok long brukim ol dispela lo orait yu mas ripot long Komisin.

Wok wantaim mipela na mipela i ken helpim yu gut tru.

William J. Skate
Siti Manesa




PABLIK NOTIS

Ol dispela tok save bilong ileksen i tokaut long ol wina na namba bilong ol vot em i kisim long ol dispela provinsal ileksen

Provins	Konstituensi	Wina	Namba bilong vot	S-olpela N-nupela
NORTH SOLOMONS	PROVINCIAL	JOE CANISIUS KABUI	15,425	S
	ARAWA EAST	PAUT LUNDUTA	411	N
	ARAWA WEST	JOHN BANONO	979	N
	BAGANA	MARTIN BONAI	637	S
	BASINA	PETER MIKUASI	427	S
	BUKA PASSAGE	PETER SOHIA	722	S
	HAKU-HALIA	ROMEO TOHIANA	543	N
	IORO-EIVO	PAUL LEO DOVITUPA	859	N
	ISLANDS	TAEHU PAIS	1,430	N
	KOROMIRA-KONGARA	JOHN DAKENI	1,002	S
	KUNUA-KERIAKA	GERARD SINATO	848	S
	NASIOI-PIRUNG	JOHN BIKA	665	N
	PUNEN	UZZIAH TOUKES	999	N
	POROBERE	ALOYSIUS NAK	1,104	S
	REREBERE	MICHAEL LAIMO	2,270	S
	ROKOKAS	KEN GARRY SAVIA	517	N
	SELAU-SUIR	JOSEPH PANIKUN	514	N
SIWAI	JEREMIAH AHAI	1,115	N	
TEOP	GABRIEL SPAE PAITO	607	N	
WEST SEPIK	AITAPE CENTRAL	JOE AMIR	441	N
	AITAPE EAST COAST	REX KAWI	297	N
	AITAPE INLAND	ANDREW TUTU	257	N
	AITAPE WEST COAST	MELCHOIR SIMVL	427	S
	AMANAB	STEVEN AIKE	669	N
	AU EAST	CAROLUS K. YUNI	454	N
	AU WEST	ANDREW SOUYEB	306	N
	BAK-BAMIN	DIPLIN SOL TOMMY	392	S
	BEWANI	KEVIN IMBA	500	N
	GREEN RIVER	WURAHAU V. INOHA	579	S
	IMONDA	ZACKY ENDA	910	S
	LUMI LOCAL	AUGUSTINE E. AUTO	415	S
	MAIMAI-NAMBLO	UWEN J. WOSTON	1,323	S
	MARKU-KLAPLEI	JIMMY M. AKULI	431	N
	NAMEA	JACOB T. YAURI	616	N
	OKSAPMIN	AMENEG ULIVIAN	635	S
	PALEI	MOSES NESAN	576	N
	SEIM	GREGORY AMBASI	471	N
	SOMORO	EGBERT W. YALU	835	S
	TELEFOMIN	PIAMI JOK		
		LAKURENGIM	870	S
	VANIMO TOWN	REX NAMAH	516	S
	WAPEI	MARK K. TUMO	408	S
WUTUNG/ONEI	JOHN LEKI	379	N	
YABALHAI	RONNI W. WAFKEN	483	N	
YAPSEI	BAGRAP ATUPE	903	S	

**L. LUCAS, MBE,
ELECTORAL COMMISSIONER.**



• Namba wan meri husat i bin pinsim Fun Run resis long Mosbi, Lily Siguria.

Wanzesi bai autim Difens

HENRY MORABANG i raitim

WANZESI bai soim strong bilong em long taim ol i bungim Difens long dispela wik. Tupela tim ya bai mekim gutpela kik stret.

Ol meri Balimo (Wanzesi) i gat nem. Nau yet ol i wok long go pas long poin lata bilong ol meri Mosbi. Difens husat i wok long ran long namba 4 ples tu i wok long taitim bun yet long traim kisim namba wan ples.

Tasol ol meri Wanzesi i mas lukaut. Difens i no save wari long wanem strong yu gat. Ol meri ami bai traim tru long daunim ol birua bilong ol long dispela wik

Anna Seto yet bai go pas long Difens. I gat tokwin olsem em i memba bilong dispela trening skwat bilong ol meri Mosbi. Ol meri bai stap insait long dispela Nesenel Wimens Soka sempionsip.

Rose Pokio, Elvia Kanana, Cathy Topo bai helpim Seto long daunim ol meri Wanzesi.

Dispela kik namel long tupela tim ya bai gutpela tru. Ol meri Morobe bai traim bun bilong Air Niugini. Ol meri Morobe i nilim tru ol lain Tarangau 7-1 las wik. Olsem na Air Niugini i mas lukaut gut.

Straika nogut, Jean Norrie na Stella Okona i bin go pas long planti gol i kamap las wik. Olsem na dispela wik, Norrie i laikim wankain helpim i kam long ol meri Morobe.

Na ol meri Air Niugini i mas strong. I gat planti ol gutpela pilaja olsem Linda Lanta, Alice Yaite, na Karen Dani. Ol tripela ya bai go pas long ol meri Air Niugini.

Mama bilong ol Air Niugini, Bukoya i mas strong liklik. Em i

lapun tumas long pretim ol bal.

Ol Sunam i bin daunim ol meri Yuni las wik. Na long dispela wik, Sunam i tingting yet tu long daunim ol Milne Be. Olsem na ol meri Samarai i mas lukaut.

Tupela pilaja Tiuru na Lisa Luckas na Nialin bai traim long strongim Sunam.

Lisa husat i bin pilai gut tru las wik i sutim tupela gol bilong ol Yuni. Olsem na Yuni tu i wok long belhat long bekim dispela dinau.

Dispela wik, Yuni i malolo na em i sans tu long abrusim Yuni long dispela wik.

Wantok i painim aut tu olsem ol Yuni i bin apil long Sunam klap. Ol i tok Sunam i bin larim wanpela pilaja husat i no rejista i pailai wantaim ol.

Rapatona na Westpac tu bai kamapim gutpela gem. Mary Magara yet bai go pas long ol Westpac. Na bai ol i daunim ol skul meri bilong Sogeri Nesenel Haikul.

Tarangau na Kumul tu bai kamap gutpela gem. Em ol lain bilong bosim lo yet bai traim bun.

Tupela susa ya, Tabitha Suwae na liklik susa bilong em bai go pas long ol meri Guria. Ol bai kik egens long GFC.

Guria i gat nem. Sampela taim ol i save kik gut na arapela taim ol i no save kik gut. Olsem na gutpela referi i mas traim long lukautim dispela kik namel long dispela gem.

WANEM 4-pela tim bai go insait long fainal bilong Mosbi soka?

Planti manmeri bai ting, i gat planti kik i stap yet. Olsem na em bai i no isi long kolim husat 4-pela tim tru bai go insait long fainal.

Sampela manmeri bai skruim dispela tok i go na tok, "with the round ball, anything can happen". Tok hia i olsem, yumi i no klia husat tru bai win i go inap long las wisil.

Mi yet i laikim olgeta manmeri i save bihainim tru soka i stat skelim strong bilong ol tim nau. Wanem samting tru bai mekim tim i win o i no win.

Tupela man i autim pinis tingting bilong tupela. Em hia toktok bilong namba wan man. Rapatona, Difens, Westpac na Yuni bai go insait long fainal.

Na Difens bai winim Rapatona long gren fainal.

Narapela man i tok Rapatona, Difens. Westpac and Guria bai go insait long fainal. Tasol, sapos i gat sampela bikhet pasin i kamap long Guria na ol i aut long sisen, orait, Yuni bai kisim ples bilong ol.

Em i ting, Dfiens bai autim Rapatona long fainal.

Planti ol manmeri bai kisim dispela tupela tok na traim tokaut tu long 4-pela tim bilong ol. Tasol, bai gat sampela manmeri i tingting nogut na traim bagarapim wanpela long ol dispela 4-pela tim. O ol bai traim tanim ol toktok bilong mi. Sapos yu mekim olsem, em bai nogut long soka.

Mi laikim olsem yu ken makim 4-pela tim bilong yu na tokim Wantok Niuspepa. Na yumi olgeta i ken lukim husat i save glasim gut soka.

Olsem, dispela tupela man i givim tingting pinis, tupela i makim Difens na Rapatona i kik long gren fainal. Olsem na em bai gutpela tru long lukim dispela tupela



tim i kik long namba tu raun.

Husat long tupela i win em bai gat gutpela sans insait long gren fainal.

Kik bilong dispela tupela tim bai narakain olgeta Difens bai traim hariapim kik bilong en. Na Rapatona bai traim sloim gem bilong em.

Insait long Difens tim bai James Gasi, Andrew Marampau, Komok Jem, Martin laviong na Buka pasar i strongim tim. Dispela foapela man bai traim strong bilong Rapatona.

Posman, Chalapan na Jeffery bai bungim olgeta boi long traim banisim gem bilong Difens. Long taim tripela i sloim gem bilong ol na setim Pakop na Kalis, Difens i mas was gut.

I gat planti gutpela moa kik i kamap. Olsem na i gutpela olgeta manmeri i laik tokaut long strong bilong ol tim, ol i mas kam was long lukim husat tru inap go insait long fainal.

Sampela gutpela gem long dispela wiken em bai namel long Westpac an Rapatona, Yuni na Sobou, Wanzesi na Difens, Guria na GFC.

I gutpela yumi olgeta i kamap long Bisini na lukim wanem ol tim bai win. Wanem ol strongpela tim i win long dispela wiken, ol bai gat gutpela sans long kik insait long ol fainal.

MOSBI SOKA LADA

PREMIER DIVISION LADDER 15.08.1988							
Division	Games Played	Win	Draw	Loss	Goals For	Goals Against	Points
Rapatona	22	16	6	1	58	19	37
BH Guria	22	15	4	3	60	29	34
T Defence	22	12	6	4	50	21	30
University	22	14	1	7	47	30	29
Westpac	22	12	5	5	42	30	29
GFC	22	9	7	6	37	35	25
Morobe Utd	22	8	5	9	34	34	21
Wanzesi	22	7	7	8	31	28	21
Sunam	22	8	4	10	32	47	20
Sobou	22	7	4	11	45	57	18
Milne Bay	22	4	8	10	36	56	16
Kumul	22	4	4	14	28	58	12
Air Niugini	22	3	4	15	27	53	10
Tarangau	22	2	4	16	24	63	8

WOMEN DIVISION LADDER 15.08.1988							
Division	Games Played	Win	Draw	Loss	Goals For	Goals Against	Points
Wanzesi	22	17	3	2	75	16	37
University	22	16	3	3	43	7	35
Morobe Utd	21	15	4	2	83	15	34
Guria	21	13	5	3	67	18	31
GFC	21	10	7	4	36	17	27
Sunam	21	10	6	5	35	23	26
Westpac	21	10	3	8	27	31	23
Rapatona	22	8	2	12	27	53	18
T Defence	21	8	1	12	25	30	17
Air Niugini	21	7	3	11	33	40	17
Milne Bay	22	5	5	12	12	46	15
Tarangau	21	2	2	17	11	70	6
B Kumul	21	1	1	19	3	60	3

SECOND DIVISION LADDER 15.08.1988							
Division	Games Played	Win	Draw	Loss	Goals For	Goals Against	Points
B Kumul	22	16	4	2	64	21	36
T Defence	22	14	6	2	67	23	34
Westpac	22	13	6	3	31	13	30
Guria	22	12	5	5	50	30	29
Air Niugini	22	11	7	4	52	27	29
Tarangau	22	10	7	7	41	32	27
Rapatona	22	11	4	8	45	31	26
University	22	7	7	10	35	31	21
Morobe Utd	22	7	5	8	33	44	19
Sobou	22	5	5	13	27	39	15
Wanzesi	22	4	6	12	25	29	14
Sunam	22	5	1	15	27	48	7
Milne Bay	22	3	3	16	17	61	9
GFC	22	2	3	17	15	84	7

U18 DIVISION LADDER 15.08.1988							
Division	Games Played	Win	Draw	Loss	Goals For	Goals Against	Points
Guria	19	14	3	4	41	16	30
GFC	20	13	3	4	34	22	29
Westpac	21	11	6	4	41	16	28
Morobe Utd	20	9	9	2	32	17	27
University	20	12	3	5	57	23	27
Wanzesi	19	11	4	4	45	21	26
Rapatona	20	12	0	8	42	41	24
Air Niugini	19	9	4	6	36	28	22
T Defence	21	8	2	11	32	48	18
Milne Bay	20	5	1	14	4	53	11
Sunam	20	4	2	14	15	42	10
B Kumul	21	3	2	16	12	60	8
Sobou	21	2	0	19	11	63	4

FIRST DIVISION LADDER 15.08.1988							
Division	Games Played	Win	Draw	Loss	Goals For	Goals Against	Points
Westpac	22	15	4	3	44	18	34
GFC	22	15	3	4	43	22	33
T Defence	22	12	5	5	46	17	29
University	22	12	5	5	54	31	29
Guria	22	12	3	7	42	31	27
Rapatona	22	9	8	5	44	36	26
Morobe Utd	22	10	6	6	43	34	25
Air Niugini	22	9	6	7	34	32	24
Sobou	22	8	7	7	36	34	21
Milne Bay	22	6	6	10	32	31	18
Wanzesi	22	5	2	15	26	50	12
Tarangau	22	5	2	15	26	57	12
B Kumul	22	5	2	13	19	43	12
Sunam	22	2	2	18	14	65	6

Pot Mosbi dro

SATURDAY, 20TH AUGUST, 1988

WEEK 11

Time	Division	Ground	Fixture
9.00	2ND	B1	Westpac v Rapatona
10.15	WOM	B1	Wanzesi v T Defence
11.30	WOM	B1	Air Niugini v Morobe Utd
12.45	1ST	B1	Wanzesi v T Defence
2.00	1ST	B1	Westpac v Rapatona
4.00	PREM	B1	Westpac v Rapatona
9.00	2ND	B2	Wanzesi v T Defence
10.15	WOM	B2	Sunam v Milne Bay
11.30	WOM	B2	Rapatona v Westpac
12.45	1ST	B2	Uni v Sobou
2.00	PREM	B2	Wanzesi v T Defence
4.00	PREM	B2	Uni v Sobou
1.30	U18	Def	Milne Bay v Sunam
3.00	U18	Def	Wanzesi v T Defence
4.15	U18	Def	Rapatona v Westpac
12.00	U18	GFC	Morobe Utd v Air Niugini
1.30	U18	GFC	GFC v Guria
2.45	2ND	GFC	GFC v Guria
4.00	2ND	GFC	Morobe Utd v Air Niugini

SUNDAY, 21ST AUGUST, 1988			
Time	Division	Ground	Fixture
9.00	2ND	B1	Tarangau v B Kumul
10.15	WOM	B1	Tarangau v B Kumul
11.30	1ST	B1	Tarangau v B Kumul
12.45	1ST	B1	Milne Bay v Sunam
2.00	PREM	B1	Tarangau v B Kumul
4.00	PREM	B1	Milne Bay v Sunam
9.00	2ND	B2	Milne Bay v Sunam
10.15	WOM	B2	Guria v GFC
11.30	1ST	B2	Air Niugini v Morobe Utd
12.45	1ST	B2	Guria v GFC
2.00	PREM	B2	Air Niugini v Morobe Utd
4.00	PREM	B2	Guria v GFC
3.00	U18	Def	Uni v Sobou
4.15	2ND	Def	Uni v Sobou
Bye:	U18	B Kumul	
	WOM	Uni	Second Sobou

ARAWA SOKA LADDER

Arawa Football (Soccer) Association Inc

Premier Division Ladder 16.08.1988

Division	Games Played	Win	Draw	Lose	Goals For	Goals Against	Points
Mungkas	15	8	3	3	37	19	20
Lorengau	15	9	2	4	30	25	20
Chebu	15	9	2	4	34	31	20
Sunam	15	6	3	6	42	21	15
Guria	15	5	5	5	31	34	15
Mamose	15	5	4	6	21	22	14
Rapatona	15	5	4	6	31	33	14
Morobe Utd	15	4	4	6	24	28	12
Halia	15	4	3	8	26	34	11
Murat	15	2	5	8	28	45	9

First Division Ladder 16.08.88

Morobe Utd	15	11	1	3	43	19	23
Taviru	16	10	3	3	40	25	23
Milne Bay	16	9	2	5	41	20	20
Oro	15	10	0	5	38	22	20
Rapatona	15	7	2	6	31	26	16
Seagulls	14	6	1	7	26	26	13
Kula	14	6	1	7	37	42	13
Sunam	13	4	4	5	24	22	12
Wantora	14	3	4	7	23	30	10
Chebu	16	4	2	10	20	32	10
Guria	16	2	0	14	17	46	4

Second Division Ladder 16.08.88

Modeo	14	11	1	2	52	15	23
Mungkas	13	9	1	3	37	15	19
Lorengau	13	8	3	2	40	20	19
Layana	14	8	2	4	31	20	18
Kalibobo	14	5	4	5	26	26	14
Tarangau	12	6	1	4	26	26	13
Kolonu	13	5	1	7	32	30	11
Morobe utd	14	5	1	8	21	31	11
Selesa	14	5	0	9	16	32	10
Taviru	14	4	0	10	16	39	8
Guni	15	1	0	14	8	45	2

U18 Division Ladder 16.08.88

Rapatona	8	7	1	0	27	7	15
Modeo	9	5	3	1	24	9	13
Malagan	9	5	2	2	20	15	12
Halia	6	3	3	0	16	7	9
Arawa Tech	7	4	1	2	12	9	9
Mungkas	8	4	1	3	22	14	9
Seagulls	10	4	1	5	15	26	9
Sunam	8	4	0	4	13	15	8
Sela	6	3	1	2	12	10	7
Guria	8	2	1	5	13	20	5
Morobe Utd	6	1	3	2	1	7	5
Souths	10	0	1	9	2	25	1
Selesa	10	0	0	10	1	29	0

Wau Bulolo stail kamap long Arawa

RAPATONA i strong tru na i dro wantaim wanpela top tim- Chebu 1-1 long bikpela kik bilong Arawa soka las wiken.

Dispela gem i bin kamapim paia stret taim tupela tim i bung. Rapatona em yangpela tim na Chebu em lapun bilong Arawa soka. Insait long dispela kik i luk olsem ol lapun i mas sotwin long fil na i no inap long wilwilim ol yangpela bilong Rapatona. Olsem na tupela wantaim i dro.

Planti pilaia bilong Chebu em ol olupela pilaia olsem na ol i gat planti save long pilai soka. Ol yangpela sol bilong Rapatona i save liklik long dispela na putim strongpela banis tru long beklain bilong ol. Olsem na ol straika bilong Chebu i no gat gutpela sans long brukim banis na putim planti gol.

Arapela gutpela pilai i bin stap namel long Guria na Momase.

Tupela tim wantaim i bin stap namel long lata. Olsem na tupela i bin pait strong tru long kisim gutpela sans long kik insait long fainal.

Insait long dispela kik, ol kas bilong tupela tim wantaim i kisim dispela tingting na i pilai strong tru. Tasol no gat wanpela bilong tupela i win. Tupela wantaim i dro 1-1.

Ripot i kam long Arawa i tok olsem Momase i gat gutpela sans long autim tiket bilong Guria. Tasol ol kandre bilong Guria i strong tru na mekim wara i wasim dispela toktok.

Long gem bilong Lorengau wantaim Morobe Yunaitet, tupela tim wantaim i pilai gut tasol namel long pilai, liklik stail bilong Wau/Bulolo i bin kamap. Olsem na referi i bin stapim pilai. Ripot i kam long Arawa i tok olsem liklik pait i bin kamap long dispela taim.

Bihain ol eksekutiv bilong asosiesen i kibung na tok orait

LEO WAFIWA i raitim

long fainal skoa bilong tupela. Fainal opisal skoa nau em ol sol bilong Lorengau i winim ol kas bilong wopa kantri 2-1.

Long ol arapela pilai, kompetisen lida- Mungkas i bagarapim sindaun bilong Murat na ol sol bilong Sunam i waraim Halia 7-1.

Long kik bilong namba wan divisen, Taviru i nekim Seagulls 2-1, Morobe Yunaitet i memeim Rapatona 2-0, Chebu i winim Sunam 4-2, Milne Bay Yunaitet i bagarapim sindaun bilong Wantora 3-0 na Oro i dro wantaim Guria 8-8.

Kula i no gat poroman long kik wantaim olsem na em i bin stap long 'bye'.

Ripot i kam long Arawa i tok olsem Arawa Soka Asosiesen (ASA) i gat tripela moa bem long pinisim na bai ol i statim ol kik bilong fainal.

Gala wilwilim Watabag

MADANG soka ripot

GALA YUNAITET bai i strongim yet win bilong em long taim em i bungim Mimlon long bikpela kik bilong Madang soka long dispela wiken.

Las wiken Gala Yunaitet i pilaia wantaim namba tu top tim Watabag na i wilwilim ol 3-1. Olsem na long dispela kik ol i redi tasol long givim wankain 'skul i go long ol kas long Mimlon.

Dispela win i mekim planti sapota na eksekutiv bilong Madang Soka i kalap nogut tru. Bikos Watabag inap long winim dispela pilai tasol abrus na Gala Yunaitet i wilwilim ol.

Long dispela wiken, ol kas bilong Gala Yunaitet bai i traime strong tru long kamautim wankain stail bilong las wik. Na sapos ol pilaia bilong Mimlon i no

stapim ol hariap bai Gala i mekim ol i wari.

Mimlon i gat planti gutpela pilaia olsem Paul Ben Joe Alfred Alphonse na George Jame slong fowat. Na long beklain em stail bagaros Eliza bai i putim strongpela wol na banis long stapim ol birua long brukim kiau.

Sapos ol dispela pilaia bilong Mimlon i bung wantaim na kamapim gutpela watas futbol stail bilong ol bai ol i daunim Gala Yunaitet. Sapos nogat bai ol kandre bilong Gala i wilwilim na nekim olsem ol i bin mekim las wik, long Watabag.

Na bikpela pilai bilong Sarere bai yu lukim Mopi kaikaim bun wantaim ol lida bilong resis - Momase. Dispela kik bilong tupela bai kamap long 20 minit pas 4 long

apinun. Las wiken Mopi i winim kik bilong em wantaim Aigob 2-1. Olsem na dispela wiken ol bai i traime strongim yet dispel win bilong ol. Olsem na ol kas bilong Momase i mas tingting gut pastaim na bihainim ol i go aut long fil.

Ol i no ken ting olsem ol i go pas long lata na laik pilai kas long Mopi. Nogut Mopi i givim ol wankain skul olsem Gala Yunaitet i bin givim Watabag.


Sapos Mopi i no kamapim gutpela pilai, ol kas bilong Momase i ken wilwilim ol. Olsem na dispela kik bai i wanpela gutpela na strongpela kik tru long lukim.

Narapela pila bilong Sarere bai i stap namel long Laden na ol namba tu lida

bilongn resis - Watabag. Long dispela pilai sapos Watabag i ting olsem em i moa yet na laik daunim pawa bilong Laden olsem ol i bin mekim las wik long Gala Yunaitet bai Laden i givim wankain skul long ol.

Ol arapela pilai bilong Sande em Nabasa bai wilwilim EPC na Admiralti bai bagarapim sindaun bilong Aigob. Panafun i no gat poroman long gris wantiam olsem na em bai i stap long 'bye'.

Long kik bilong las wik, Mopi i nekim Aigob 2-1, Laden i memeim EPC 8-0 Panafun i winim yau bilong Namsa 2-1, Gala Yunaitet i bagarapim sindaun bilong wanplea top tim - Watabag 3-1 na Admiralti i dro wantaim Mimlon 0-0.



SOKA i bihainim wanem rot? Ol kosa na pilai yet i mas skelim dispela askim na painim bekim bilong em. Long intanesenel level bekim bilong dispela askim i save kamap taim ol i kik long Wol Soka Kap fainal.

Lukluk long 1986, Wol Kap long Meksiko, planti ol kosa i ken wokim plen bilong soka. Ol i sindaun na skelim ol arapela tim i kik.

Holger Osieck, nesenenel kosa bilong Jemani, i mekim wankain pasin taim em i laik daunim ol birua tim. Em i sindaun na skelim strong bilong ol arapela tim. Na dispela i helpim em tru long daunim ol birua tim na Jemani i winim gem.

Em i painimaut olsem i gat tripela bikpela bikpela eria bilong strongim kik. Namba wan em difens, arapela em traime long stapim ol birua (attack). Midfi tu em arapela bikpela samting long kik. Arapela bikpela samting tu em we ol tim i save kik.

Difens- 15 tim i gat 4-pela fulbek. Na 2-pela tim i gat tripela fulbek. Ol dispela 15 tim husat i gat 4-pela fulbek, 11-pela i gat swipa na tripela fulbek. Ol i stap fulbek tasol ol i no banisim gut ol straika. Ol arapela 4-pela tim i yusim 4-pela fulbek bilong ol tasol i sanap stret long lain na pilai. Ol dispela tim em Potugal, Brazil, Englan, Noten Ireland. Ol i makim tupela straika na tupela winga.

Tupela tim Denmak na Jemani i pilaiaim tripela fulbek. Denmak i makim tupela na wanpela i stap nating. Na Jemani, i yusim tupela mark na wanpela swipa.

Midfil- Wan wan tim i gat kain kain midfil. 15 tim i gat 4-pela midfil pilaia. Na long dispela namba, 13 i yusim 4-pela long olgeta gem bilong ol. Na tupela tim Ajentina na Skotland i sensim long 4-pela ol 5-pela midfil pilaia. Denmak na Jemani i yusim 3:5:2 sistem na larim 5-pela midfil i pilai long olgeta gem.

Long wok bilong straika, olgeta 17 tim husat i kik long Wol kap i yusim tupela straika. Wanpela i ran long fran na arapela i wok long stap bihain liklik. Tasol Ajentina, Skotland na Potugal i yusim wanpela straika tasol long sampela gem bilong ol.

Long skelim ol pilai difens, straka, midfil, nau ol i ken tokaut long strong bilong tim. Na i gat tupela bikpela as em ol i kamap. Namba wan smating, wan wan tim i mas yusim 4-pela fulbek. I mas gat strongpela midfil long sapatim ol. Na long wok bilong straika, tupela i mas stap long wok bung.

Namba tu, strong bilong wan wan tim i save kamap long gutpela pilaia. Ol tim i mas gat ol pilai i save yusim het long taim bilong kik. Dispela em bikpela samting tru long soka.

Orait, long Papua Niugini. Ol kosa na ol wan wan pilai, dispela samting i min wanem samting tru long yu? Sapos ol tim i gat ol dispela kain strong na stail, dispela bai helpim tru tim na soka long PNG i kamap gut.

Ol dispela tim bai kamapim ol gutpela pilai. Na planti ol man bai amamas long lukim pilai bilong ol dispela tim.

Long 1986 Wol Kap, planti ol tim i gat strongpela midfil stret. Ol dispela pilaia i fit. Ol i bihainim tru ol senis i kamap long ol kik bilong nau.

Sapos ol kosa i laikim dispela kain stail. Orait em i mas hatim gut trening long ol pilaia. Na tu ol pilaia i mas traime long kamapim gutpela "thinking" futbol. Ol pilaia i mas yusim het bilong ol long taim bilong kik.

Ol pilaia husat i save yusim het bilong ol long kik bai inap tru long kisim ol senis i kamap long kik bilong nau (modern football). Taim ol birua tim i pilai hariap, arapela tim i mas sloim kik. Na sapos ol i slo tumas em i mas traime long lukim ol spes i stap klostu long em. Sapos sampela i stap nating orait, em i mas traime karampim spes ya. Long ol dispela kain ol kik, pilaia i mas gat strongpela laik long difens na tu banisim ol birua (attack).

Frans, Rasia na Denmak i gat dispela kain stail bilong kik. Ol i save yusim tru het bilong ol na ol pilaia bilong ol i save yusim het long taim ol i kik. Olsem na ol i strongpela tim tru nau.

Papua Niugini i mas gat wankain tingting long stap wantaim ol arapela kantri long Soka Wol.



Lae Soka Dro PRIMIA DIVISEN

SARERE 20.08.88

12.00	Morobe Utd	vs	Guria
2.00	B Kumuls	vs	Gaziga
4.00	Kunta	vs	Baiya

SANDE 21.08.88

12.00	Faze	vs	Batisalem
2.00	Mitif	vs	Mopi
4.00	Sobou	vs	Buresong

Pilai long namba tri ples

TUPELA top tim Mitif na Mopi bai skelim pawa bilong tupela long bikpela kik bilong Lae soka long dispela wiken.

Dispela gem bai i wanpela gutpela gem long lukim bikos tupela tim wantaim i gat wankain stail na trik. Olsem na dispela pilai bai i holim pasim ai bilong planti manmeri.

Nau yet em tupela tim wantaim i ron bihain long namba 3 ples wantaim ol arapela tim. Na tim husat i winim dispela pilai bai i lusim narapela na i go stap bihain long Buresong

na Guria. Long kik bilong tupela long las wik, Mopi i dro wantaim Morobe Yunaitet 2-2 na Mitif i lus long top tim Buresong 2-3.

Mitif i lus long las wik olsem nabai i traime long win. Na Mopi tu i gat wankain tingting long winim dispela pilai. Olsem dispela kik bai i wanpela strong pilai tru bilong dispela wiken.

Nau yet i no isi long makim husat bai winim dispela pilai. Tasol tim husat i kamapim gutpela pilai long dispela de na i pilai olsem wanpela tim bai i winim gem.

Sobou bai salensim ol kompetisen lida Buresong long narapela bikpela kik bilong dispela wiken. Kik bilong tupela bai i kamap long Sande long 4 klok apinun.

Buresong husat i go pas long lata i gat gutpela sans long winim dispela pilai. Tasol ol i no ken daunim tumas pawa bilong Sobou. Nogut Sobou i tanim na wilwilim, waraim, nekim na daunim Buresong.

Long ol arapela pilai, Morobe Yunaitet bai i stretim sampela belpen wantaim Guria, Blu Kumuls bai skelim pawa bilong Gaziga na

LAE soka ripot

Kunta bai i brukim bun wantaim Baiya.

Na long Sande, wanpela top tim Faze bai wilwilim Batisalem long traime kisim sampela moa poin.

Long bikpela kik bilong las wik, Morobe Yunaitet wantaim Mopi i pairapim bun i go na tupela i dro 2-2.

Na long narapela bikpela kik bilong las wik long Sarere, tupela top tim Buresong na Mitif i kaikaim bun i go tasol Mitif i no inap long pawa bilong Buresong. Ol kas bilong Buresong i go

aut long fil wantaim stail bilong wan tas futbol na nilim Mitif 3-2.

Dispela win nau i subim Buresong i go pas yet long poin lata. Na Mitif i stap bihain yet long Buresong na Guria.

Long ol arapela pilai, Kunta i memeim Gaziga 3-0, Guria i winim Baiya long fofit na Faze i wilwilim Blu Kumuls 2-1.

Long kik bilong Batisalem na Sobou, Wantok i no kisim ripot long pilai bilong tupela.

VANIMO SOCCER LADDER

Premier Division Ladder 11.08.88

Division	Games			Goals		Points
	Played	Win	Draw	Lose	For Against	
Lido	16	14	1	1	37 4	29
Waramo	16	14	0	2	44 9	28
Forest Pdt 1	16	8	3	5	25 13	19
Difens	16	6	6	4	23 15	18
Sandaun	16	6	5	5	25 22	17
Rapatona	16	5	2	9	12 34	12
Ningra	16	4	2	10	18 29	10
Bratas	16	2	3	11	11 43	7
Forest Pdt 2	16	2	0	14	12 37	4

Sunam gat sans long fainal

KIMBE soka ripot

SUNAM i strongim yet sans bilong em long kik insait long fainal bihain long em i daunim wanpela top tim Rangers 2-0 long bikpela kik bilong Kimbe soka las wik.

Sunam husat i bin stap long namba 5 ples long poin lata wantaim 12-pela poin tasol i go insait long fil na kamapim gutpela pilai tru na wilwilim Rangers.

Ol pilaia bilong Rangers i ting olsem ol i ken winim Sunam na laik pilai kaskas long ol tasol, wara i wasim ol. Ol sol nogut bilong Manus i givim gutwan long ol na autim tiket bilong ol.

Dispela win nau i subim Sunam i go antap long namba 4 ples bihain long Rangers na Vitias. Sunam nau i stap wanpela poin tasol bihain long Rangers. Na Vitias husat i karim 15 poin i sindaun long namba 3 ples.

Ol sol bilong Sunam i go insait long fil na kamapim gutpela stail na trik bilong ol long dispela de.

Ol i pilai olsem wanpela tim na sasim bal i go i kam long olgeta kona bilong fil. Dispela stail i mekim Rangers i sotwin stret long bihain bal insait long fil.

Sunam i bin sanapim strongpela banis tru long beklain na i no larim liklik ol straika bilong Rangers olsem soti Maradona, Leo Vaikeke na Paul Nereson long brukim kiau bilong ol.

Bikpela tok amamas i mas i go long golkipa husat i bin kamapim gutpela pilai tru na stapim planti gol em ol straika bilong Rangers i laik putim.

Rangers i gat planti gutpela pilaia tasol, ating ol i no slip gut long nait olsem na ol i no kamapim stail pilai bilong ol.

Long narapela pilai long Sande, Vitias i soim olsem em i gat moa pawa na i waraim

Tarangau 5-1. Long stat bilong wisil i go inap long pinis bilong pilai, bal i stap tasol long sait bilong Tarangau.

Vitias i larim Tarangau i putim wanpela gol tasol na i no givim moa sans long ol. Ol i wilwilim ol kandre bilong Tarangau i go inap referi i winim las wisil.

Na kik bilong Sarere em wanpela gutpela kik stret bilong las wik. Long dispela kik, tupela top tim Saut Kos na Wes Yunaitet i kaikaim bun i go tasol no gat wanpela bilong tupela i win. Tupela wantaim i dro 2-2.

Saut Kos i bin go pas long lata wantaim 24 poin olgeta na Wes Yunaitet i ron bihain wantaim 19 poin.

Long satt bilong pilai, Wes i go insait long fil na pasim tok long wilwilim Saut Kos. Ol pilaia bilong Wes olsem John Esau long beklain i pilai gut tru na larim bal i stap tasol long sait bilong Saut Kos.

Klostu long pinis bilong pilai Saut Kos i go pas 2-1. Tasol 10 minit klostu long pinis bilong pilai, Thomas Temptep bilong Saut Kos i kisim wanpela gutpela bal na kwik taim tru mekim nois long umben bilong Wes Yunaitet. Dispela gol bilong Temptep i bringim skoa i go long 2-2 inap ful taim.

Thomas Temptep wantaim Michael bilong wopa kantri i pilai gut tru long tim bilong Saut Kos. Tasol tupela i no gat inap pawa long brukim banis bilong swipa John Esau husat bin kontrolim gut tru beklain bilong Wes Yunaitet.

Mausman bilong Kimbe Soka Asosiesen (KSA) Kila Rupa i tokim Wantok olsem KSA bai klostu i pinisim namba 3 raun na tu pinisim soka sisen bilong dispela yia. Ol i gat 4-pela moa gem long pinisim na bai ol i statim ol kik bilong nokaut fainal.

Saut Kos nau i go pas long poin lata. Bihain long Saut Kos em Wes Yunaitet, Rangers, Vitias, Sunam, Buresong na Tarangau i stap las tru long lata.

Fainal i kamap nau

VANIMO soka ripot

VANIMO Fores Pro-dak (VFP) Wan bai i kamap long fil long wilwilim Lido long semi fainal kik bilong dispela wiken. Kik bilong semi fainal bai i kamap long Sarere 20 Ogas.

Long kik bilong Vanimo Soka Asosiesen (VSA), 4-pela tim tasol i kik insait long nokaut fainal em i bin stat long las wik. Ol dispela tim em Waramo, Lido, VFP Wan na Difens.

Na dro bilong maina nokaut fainal bilong las wik i stap olsem, Waramo i bin kik wantaim Lido na Difens i bin kaikaim bun wantaim ol yangpela bilong Forestri.

Long kik bilong Difens wantaim VFP Wan, ol yangpela bilong Forestri i strong tru na wilwilim ol bagaros long grinpela yunifom Difens 11-1. Dispela i wanpela bikpela skoa tru long stat bilong sisen i kam inap nau.

Ol yangpela bilong Forestri i bin kamapim gutpela pilai tru na i no givim liklik wanpela sans long Difens. Tasol bihain ol i sori na larim Difens i putim wanpela gol tasol. Difens nau i no gat

moa sans bilong kik insait long fainal. Ol bai i hangamapim su bilong ol na tingting long kik bilong neks yia.

Long kik bilong Lido wantaim Waramo, ol kas bilong Waramo i soim olsem ol i gat moa stail na trik na daunim Lido 3-1.

Waramo husat i bin winim dispela gem bai i wet tasol long kik insait long gren fainal. Waramo bai i kik wantaim tim husat i winim kik bilong semi fainal.

Lido i gat wanpela moa sans long kik insait long fainal. Sapos ol i stretim ol asua bilong ol na i autim tiket bilong VFP Wan long bikpela kik bilong semi fainal, bai ol i bungim gen Waramo long kik bilong gren fainal.

VFP Wan i gat ol gutpela pilaia olsem Damien Huri husat i save kamapim gutpela pilai tru long fowat. Olsem na em wanpela pilaia em ol kas bilong Lido i mas was gut long en. Sapos nogat ol i save pinis, umben bilong ol bai i bairap klostu klostu.

Damien husat i gat 17 krismas i skul long St Ignatius Haikul. Em bai kisim helpim i kam long poro bilong

em John Baptise. Tupela i save kamapim gutpela pilai olsem straika. Olsem na taim tupela i bung wantaim, tupela i ken mekim narapela tim i wari.

Ripot i kam long Vanimo i tok tu olsem dispela tupela yangpela bagaros i bin pilai gut tru long stat bilong sisen i kam inap nau. Na tu long hatwok bilong tupela VFP Wan bai i go insait nau long fainal.

Tupela kas nogut ya bai i go pas long fowat lain bilong Forestri. Olsem na beklain bilong Lido i mas lukaut long tupela. Planti bilong ol gol em tupela i bin putim na setim long nokaut fainal bilong las wik taim ol i autim Difens 11-1.

Sapos ol kas bilong Lido i no laik kisim wankain skul olsem Difens i bin kisim orait ol i mas trening gut na redi long bungim ol yangpela bilong Forestri long Sarere.

Lido i no kamapim gutpela pilai tumas las wik. Olsem na long dispela wik, ol i mas stretim ol asua bilong ol na i go insait pilai. Na tim husat i kamapim gutpela pilai na i pilai olsem wanpela tim bai i gat gutpela sans long bungim Waramo long gren fainal.

WEWAK WIMEN SOKA SKWAT

Anne Boney
Theresia Apiro
Regina Karabau
Hellen Alung
Lucy Dambui
Julie Alung
Michela Wagia
Rosemary Sokalamis
Susan Ase
Joan Ahi
Josephine Senere
Linda Wamalo
Leonnice Kumang Wafiwa
Cecilia Pusahai
Joyce Giroro
Angela Alung
Mary Sare

Opisal

Head Coach - Adam Pangwa
Trainer - Alfons Wangi
Technical Adviser Kisakiau Pakop
Team Manager - Paula Paime
Assistant Manager - Lucy T. Kaloi
Wewak Soccer Association - Rep: Martin Rumbrawer

Dispela em i fainal seleksen long Wewak Women Soka gat bilong Wewak Asosiesen

WANTOK SOKA NIUS

PAPUA Niugini Futbol Asosiesen (PNGFA) i makim pinis wanpela U18 skwat husat bai i kik insait long Osenia Yut Soka Tonamen long dispela yia. Dispela soka tonamen bai i kamap long Suva biktaun bilong Fiji.

I gat 18 pilaia olgeta husat i makim PNG insait long dispela skwat. Planti bilong ol pilaia insait long dispela skwat i bilong Lae na Mosbi. Lae yet i gat 10-pela pilaia olgeta na 5-pela tasol

PNG U18 skwat bilong Osenia tonamen

em ol i kisim long Mosbi. Na narapela tripela i kam long Rabaul, Madang na Goroka.

Hia em nem bilong ol dispela pilaia husat i stap insait long dispela skwat:

Asoiya Kekon (Lae), Memelond (Lae), Rovi Sindang (Lae), Jackeus Kwavara (Lae), Charlie

Autha (Lae), Givi Roberts (Lae), Frank Yawio (Lae), Marisa Jaiwa (Lae), Raymond Haki (Lae), Hans (Lae), Paul Isorua (Mosbi), Moni Galong (Mosbi), Jacob Wani (Mosbi), Desmond Waku (Mosbi), Jeffrey Hava (Mosbi), Charlie Alfred (Rabaul), Thomas Lampet (Madang) na John Goris

(Goroka).

Kosa bilong dispela skwat em John Peka na asisten kosa em Mark Padrakis. Tim tim menesa em Peru Hill.

Long Mande 22 Ogas bai ol pilaia bilong dispela skwat i go long Mosbi. Long Mosbi bai kosa John Peka i ogenaisim sampela pilai we

ol bai i kik wantaim ol arapela tim insait long Mosbi.

Kosa Peka i tok olsem nau yet em i gat skwat pinis. Tasol em i no gat tim yet. Olsem na long Mosbi bai ol i mekim ol kain giaman pilai olsem bai em i makim ol pilaia long wanem posisen bai ol i pilai na ol kain samting olsem.

Long 28 Ogas bai ol i lusim Mosbi na go long Sidni Australia. Long Bai ol i stap tupela de olgeta long Sidni na trening pilai wantaim tupela tim insait long St George.

- Arawa lata - pes 26
- Gala Vs Watabag - pes 26
- Kikgut wantaim Posman - pes 26
- Wau/Bulolo stail - pes 26
- Mosbi soka stail - pes 26
- Mosbi soka dro na lata - pes 25

Yuni brukim pawa bilong Sunam

TUPELA nupela rekot long Mosbi soka i kamap las wik. Namba wan em Yunivesiti i daunim birua bilong em Sunam 3-2. Dispela em i namba waim taim tru Yunivesiti i winim Sunam.

Wantok i bihainim rekot bilong soka na painimaut olsem, stat long 1981 i kam inap las wik, Yuni i no save winim Sunam. Olgeta taim dispela tupela tim i bung Sunam i save win.

sutim tru lewa bilong ol studen. Olsem na long dispela wik ol bai tingting tu long autim Sobou. Sobou em wanpela tim i no strong tumas olsem ol arapela tim. Tasol, las wik em i soim strong bilong em na daunim Guria 3-2.

Tupela fowat bilong Sobou i holim ki. Dispela tupela man ya em straiika yet Charles Ashley na Vincent David. Tupela em ol man nogut stret. Taim tupela i poroman na ran long fran lain, em gol bai

kamap yet. Yunivesiti i bin pilai wanpela gutpela gem tru. Ol i bin sapotim ol yet na winim Sunam. Yangpela Batman Furigi na Toru Turia i helpim tru Yuni.

Dispela wik, Yuni i mas painim gutpela pilaia i gat eksperiens long winim dispela gem. Namba tu raun i stat, na planti ol tim i wok long strong long win.

Tupela bikman ya, Robert Popat na Joe Turia i mas traim painim gutpela swipa

long dispela gem. Joe o Toru yet i mas bosim dispela ples o Toru. Tupela brata i gat eksperiens. Olsem na ol bai banisim gut Ashley na David.

Ol fulbek bilong Yuni i mas banisim gut dispela tupela man nogut bilong Sobou. Tupela tasol i wokim na Sobou i wok long winim ol kik bilong ol.

Dispela gem bai wanpela gutpela gem stret. Tasol long lukluk bilong ol kik i kamap las wik, Sobou bai daunim ol Yuni. Na long Guria na



• Brata ya Graham Narakou bilong Sunam i traim blokim John Watson bilong Wespac. Dispela taim Wespac i bin strong na autim Sunam 3-1.



• Man ai bilong Paulus Savo i pas na em i kalap long hetim bal. Tim bilong em Westpac i strong na autim Wanzesi 3-1.

GFC tu bai wankain.

Kosa bilong Guria Andrew Waho nau i gat wankain wok. Em i mas painim gutpela man olsem Adam Lema long lukautim beklain. Lema i mas sanap long swipa. Na Vosap Eremas i mas surik i go long fran long stopa. Dispela i ken strongim kik bilong Guria. Sapos nogat, GFC bai winim dispela gem yet.

Kepten bilong PNG soka, Joe Saleu bai go pas long tim. Las wik, GFC i soim strong bilong em na autim Air Niugini 3-0.

Saleu bai kisim helpim long Noel. Kosa Mark Basausau i mas painim gutpela helpman bilong Saleu long midfil.

Guria i gat planti ol kainkain politik hevi i stap long solda bilong em. Olsem na sapos ol dispela hevi i pinis, ating bai Guria winim

dispela gem.

Dispela lus bilong Guria las wik i kamapim planti toktok. Toktok i kamap nau sapos Guria bai kik long gren fainal bilong dispela yia o nogat?

Arapela bikpela gem i pulim planti man em Tarangau i daunim Morobe Yunaitet 3-1. Morobe Yunaitet i no strong tumas olsem na ol woda plis i bagarapim ol.

Dispela wik, Morobe Yunaitet bai bekim dinau. Ol bai kik egens long Air Niugini. Olsem na ol Air Niugini i mas was gut long ol boi Morobe Yunaitet.

Tarangau, goli Abiang Kera bai go pas long ol. Dispela wik ol bai brukim bun wantaim ol Blu Kumul. Olsem na dispela bai wanpela gutpela gem tru.

Na arapela bikpela gem, Milne Be bai traim strong bilong ol boi Sunam. Ol boi Sunam i gat bikpela wari tru. Bikos, ol i no winim yet wanpela gem bilong ol.

Kosa husat i helpim klap nau, Peter Werei i mas wok tru long strongim klap. Bikpela asua bilong Sunam em long beklain. Olsem na kosa i mas traim givim moa skul long ol boi bilong em.

Difens na Wanzesi bai pilai long arapela gem. Dispela gem bai wanpela gutpela pilai bikos Difens i wanpela strongpela tim tru. Olsem na ol sapota bilong ol bai kamap long lukim dispela gem.

Ol boi ami i save trening gut tru na dispela bai givim taim stret long ol Wanzesi.

Morobeen - Biscuit makers to P.N.G.



Puisin Laik...



Ajimba bilong Alopops

MUSIK

Julia Daia Bore i raitim.

ALOPOPS em i wanpela ben planti manmeri insait long PNG i save gut long en. NBC i bin katim namba wan kaset bilong ol las yia na namel long Julai 1987 na Julai 1988, ol i bin salim 11,386 kaset.

Namba tu kaset bilong Alopops i kamap pinis na nem bilong dispela kaset em Ajimba. Na ol i ting dispela kaset tu bai wanpela gutpela kaset.

Alopops em i nupela long musik bisnis insait long kantri. I gat 8-pela memba bilong ben na olgeta i yangpela man. Ol 4-pela em ol brata bilong Kanjipa famili.

Ol brata ya em Petrus, husat i save paitim ol dram, Simon i paitim bas gita, Paul i ritim gita na James i save paitim ritim na lid gita.

Alopops ben i kamap bikos ol Kanjipa brata i gat bikpela laik long pilai gita na singsing. Ol i bilong ples Korisata long Noten provins. Tasol olgeta

yet i bikpela long Mosbi we papa bilong ol i wanpela plisman. Long 1972, papa bilong ol i pinis long Plis Fos na ol i go bek long ples.

Long taim ol i stap long ples ol i lukim planti ol yangpela man i save skrapim ol kulele na singsing. Em nau ol brata ya tu i ben bilong ol.

Long taim ol i kirapim dispela ben bilong ol i gat 5-pela memba. Ol 4-pela brata yet na wanpela arapela manki Bevan Keko bilong Alotau. Ol i save raun na singsing long ol pati long ples na long ol blok.

Ol i kirapim namba wan grup bilong ol long 1975 na nem bilong ol ben bilong ol em SP (Sorovi Pasangers). Simon i tok, "Long dispela taim mipela i save kisim K12 long taim mipela i pilai long ol 6 to 6."

Long 1979 ol i senisim nem i go long Alopops bikos ol memba bilong ben i bilong Alotau na Popondeta.

Long dispela taim tu i gat wanpela yangpela man Kelly Walter husat i wok long pilai tu long wanpela grup i wankain olsem dis-

pela ben bilong Alopops. Kelly i gat 22 krismas nau na em tu i bin bikpela long Mosbi we papa bilong em i bin wanpela draiva bilong PTA.

Papa bilong Kelly i bin pinis wok long gavman na em i go bek long ples bilong em long Noten provins. Na long taim ol i stap long ples bilong ol Sagere long hap bilong Ioma, Kelly i kamapim wanpela stringben bilong em - Young Senose. Ol i save long ol pati long ples.

Orait long 1980, Kelly i go long Popondeta taun na em i kirapim wanpela narapela ben gen. Ol singsing bilong ol em ol rok-en-rol singsing. Na nem bilong dispela nupela ben bilong Kelly em Black Sunday.

Dispela grup i bruk long 1982 na Kelly i go singsing wantaim ol lain Oro Flames long 1983. Long taim Kelly i stap wantaim dispela grup ol i katim namba wan kaset bilong ol long NBC Popondeta.

Bihain long dispela kaset i kamap, Kelly i lusim Oro Flames na

em i go pilai wantaim Alopops long 1983. Em nau Kelly i wok long kamapim moa nupela singsing na go pas long stretim ol narapela singsing bilong Alopops.

Nau ol lain Alopops i tok olsem Kelly Walter em i lida bilong ol. Simon i tok, "Bipo mipela i wok long singsing long liklik famili grup bilong mipela tasol bihain long Kelly i joinim mipela em i apim tru

nem bilong mipela."

Ol i baim ol nupela lektrik gita na dram set na mekim musik bilong ol i kamap top tru. Ol i raun i go long Milen Be provins we ol i go olgeta long Dogura, na Alotau. Na long Oro yet, ol i raun i go inap long Tufi na kam bek.

Namel long mun Epril na Me las yia, ol i katim namba wan kaset bilong ol wantaim NBC. Na ol pipel i laikim tru dispela kaset na ol i baim

hariap tru.

Ol i katim namba tu kaset wantaim NBC long Mosbi namel long Jun na Julai long dispela yia, 1988. Na nau ol pipel i ken baim dispela nupela kaset bilong ol, Ajimba.

Ol memba bilong ben i save pilai musik olsem- Kelly Walters, lid gita na lid vokalis, Simon Kanjipa em i bes gita, Kipiling Gombo Jr i paitim ol dram, Bevan Keko bekup singa bilong na Samarai song, na

Peter Philemon (Milen Be) i save go pas long ol singsing bilong Alotau em yet i kamapim.

Long dispela nupela kaset bilong ol, i gat wanpela narapela man tu i singsing wantaim ol. Man ya em Lukas Gevoto husat i singsing wantaim Simon Kanjipa.

Alopops i wanpela nupela ben bilong PNG husat i gat nem long kamapim smatbekup singa bilong ol stret.



• Simon Kanjipa (lephan) na Kelly Walter bilong Alopops ben bilong Popondeta, Noten provins.

GUTTAIM

Jemani i bin kisim Niugini long yia 1884. Na ol i bin kirapim ol gavman stesin na ol plantesin long ol ples long nambis na ol ailan. Ol i stap inap 30 yia olgeta. Na long taim Namba Wan Wol Woa i kamap long 1914 - Australia i kisim ples. I gat planti samting i kamap namel long ol asples na ol Jeman long dispela taim. Wantok i kisim dispela stotri long buk ya *New Guinea Under the Germans* em Stewart Firth i raitim.

Orait wanpela bilong ol dispela tupela bikman husat i bin salim graun long Wolff i wok long tingting planti nau long graun bilong em. Man ya em To Kilan. Em i lukim Wolff i abrusim mak bilong graun na klinim bus long skruim plantesin bilong em i go.

To Kilan i lukim na em i no amamas bikos Wolff i klinim bus i go na kamap long hap graun we em i laik ol i planim em long taim em i dai. Em i no laik ol i planim em namel long ol lain kokonas bilong dispela waitman.

Orait To Kilan i salim tok i go long Wolff olsem em i no amamas. Na em i salim bek ol samting Wolff i bin givim olsem pe bilong graun. Em i go komplem tu long wanpela misineri husat i wok long dispela eria.

To Kilan i belhat na tromoi spia i go pas long graun long soim olsem bai em i kilim Wolff sapos Wolff i no klia long graun ya.

Orait To Kilan i kirap i go lukim To Vagira na To Vagira i salim tok long ol man bilong ples Papatava, Tamanairik, Vivieren na Rapui. Ol i

Trabel i kamap long Papatava

bung paitim toktok na pasim tok long go pait wantaim ol waitman. Orait ol i salim To Kilan i go giamanim Wolff na tok em o i amamas long pe bilong graun na kros i pinis nau.

Long 3 Epril, 1902, Wolff i wok i stap long plantesin na ol lain bilong ples Papatava na Tamanairik i karim kopra, taro, ol kiau na pik i kam long salim. Meri bilong em

Hedwig, i stap long haus na em i kam ausait na i wok long toktok wantaim ol pipel long pe bilong ol kaikai. Em nau pikinini bilong To Kilan, To Manmaduk i brukim het bilong Hedwig long tamiok.

Ol arapela man i kirap sutim em long spia na raunim ol wokman. Orait ol i kisim liklik bebi na brukim het bilong em tu long tamiok na tro-

moi bodi bilong em baksait long haus. Wolff i wok long kamap bek long haus na wanpela Buka i ran i go bungim em na singaut, "Masta, kanaka, kanaka."

Long taim Wolff i kamap long haus em i lukim ol kanaka i stap insait long haus. Tripela bilong ol i holim masket na redi tasol long sutim em. Na meri na pikinini bilong em i dai i stap.

Wolff i tanim bek i go long Kokopo na toksave long kiap. Long dispela taim bikman bilong ol Jeman, Dokta Albert Hahl i bin sik i stap. Olsem na mejstret bilong ol i go pas long wok bilong painim ol dispela Tolai na kilim ol.

Ol Jeman i pret long ol Tolai i kirapim moa trabel bihain long dispela birua i kamap long Tamanairik. Em nau ol i bungim ol

man long go bekim dinau. Ol i salim planti tausen ol leba bilong ol plantesin i go bagarapim ol gaden bilong ol lain Papatava. I bin gat 80 plisman na ol 66 olupela plisman tu i stap insait long dispeka bikpela mekim-save.

Samting olsem 100 Tolai i bin dai long dispela taim na ol i holim planti moa na kalabusim ol. Bikpela pait i kamap namel long ol Tolai na ol Jeman. Ol trabel i pinis long Jun 1902 long taim ol plisman i sutim To Vagira na karim het bilong em i go long Kokopo.

Em nau bihain long dispela, ol Jeman i kisim graun bilong ol lain Papatava. Na gavman i kisim ol wantaim ol lain bilong ples Wairiki, Tamanairik na Vivieren na putim ol long wokim rot.



• Dispela foto i soim ol plisman bilong Rabaul long taim bilong ol Jeman.

LUKIM TELEVISION

THURSDAY	FRIDAY	SATURDAY	SUNDAY	MONDAY	TUESDAY	WED
EM-TV						
THURSDAY 18TH AUGUST 1988 3.77 EMTV STATION OPEN 4.00 SESAME STREET (G) 5.00 KIDS KONA (G) 5.30 GILLIGAN'S ISLAND (G) 6.00 GOMER PYLE (G) 6.30 NATIONAL EMTV NEWS (G) 7.00 HAPPY DAYS (G) 7.30 SIX MILLION DOLLAR MAN (G) 8.30 POWER WITHOUT GLORY (PGR) 9.30 MIAMI VICE (G) 10.30 SYDNEY RUGBY LEAGUE (G) 12.00 STATION CLOSE	FRIDAY 19TH AUGUST 1988 3.57 STATION OPEN 4.00 SESAME STREET (G) 5.00 KIDS KONA (G) 5.30 TOM AND JERRY (G) 6.00 GOMER PYLE (G) 6.30 NATIONAL EMTV NEWS (G) 7.00 THE EM REPORT (G) 7.30 FAME (G) 8.30 FRIDAY NIGHT MOVIE "Phantom of the Opera" (PGR) 10.17 VFL - HIGHLIGHTS (G) 11.47 STATION CLOSE	SATURDAY 20TH AUGUST 1988 9.00 KOMYUNTI TELEVISION STATION OPEN 9.02 "TINGIM HELT" (G) 10.00 KOMYUNTI TELEVISION STATION CLOSE 2.57 STATION OPEN 3.00 ANIMALS, ANIMALS, ANIMALS (G) 4.00 BATMAN (G) 4.30 BISNIS (G) 5.30 DANIEL BOONE (G) 6.30 EMTV NATIONAL NEWS (G) 7.00 THE INCREDIBLE HULK (PGR) 8.30 ROCKFORD FILES (PGR) 9.00 SATURDAY NITE MOVIE "Buck and the preacher" (PGR) 11.00 STATION CLOSE	SUNDAY 21ST AUGUST 1988 12.00 KOMYUNTI TELEVISION STATION OPEN 12.02 "TINGIM HELT" (G) 1.00 KOMYUNTI TELEVISION STATION CLOSE 2.57 STATION OPEN 3.00 KTV (G) 3.30 BONANZA (G) 4.30 SPORTS WORLD (G) 5.30 LITTLE HOUSE ON THE PRAIRIE (G) 6.25 THE COLGATE TOOTHBRUSH FAMILY (G) 6.30 EMTV NATIONAL NEWS (G) 7.00 MOUNT HAGEN SHOW (G) 7.30 SUNDAY NIGHT MOVIE "Tickle me!" (PGR) 8.15 BISNIS (G) 9.15 EM REPORT (G) 9.45 STATION CLOSE	MONDAY 22ND AUGUST 1988 3.57 EMTV STATION OPEN 4.00 SESAME STREET (G) 5.00 KIDS KONA (G) 5.30 SKIPPY (G) 6.00 GOMER PYLE (G) 6.30 NATIONAL EMTV NEWS (G) 7.00 HAPPY DAYS (G) 7.30 BAA BAA BLACK SHEEP (PGR) 8.30 MINI SERIES (AO) 10.30 STATION CLOSE 10.31 KOMYUNTI TELEVISION STATION OPEN 10.34 TINGIM HELT (G) 11.30 KOMYUNTI TELEVISION STATION CLOSE	TUESDAY 23RD AUGUST 1988 3.57 EMTV STATION OPEN 4.00 SESAME STREET (G) 5.00 KIDS KONA (G) 5.30 FLINTSTONES (G) 6.00 GOMER PYLE (G) 6.30 NATIONAL EMTV NEWS (G) 7.00 HAPPY DAYS (G) 7.30 WILD, WILD WEST (PGR) 8.30 HART TO HART (PGR) 9.30 PNC TONITE (G) 10.00 EMTV SPORTS SCENE - PLUS POT BLACK (G) 11.00 BUSINESS WEEK (G) 12.00 STATION CLOSE	WEDNESDAY 24TH AUGUST 1988 3.27 STATION OPEN 3.30 JAZZERCISE (G) 4.00 SESAME STREET (G) 5.00 KIDS KONA (G) 5.30 FLIPPER (G) 6.00 GOMER PYLE (G) 6.30 NATIONAL EMTV NEWS (G) 7.00 HAPPY DAYS (G) 7.30 HARDCASTLE AND McCORMICK (PGR) 8.30 WEDNESDAY NIGHT MOVIE "A Light for Jimmy" (AO) 10.50 MEET THE PRESS (G) 11.25 STATION CLOSE

G - GENERAL EXHIBITION
 PGR - PARENTAL GUIDANCE REQUIRED
 AO - ADULTS ONLY

ABC						
THURSDAY 18TH AUGUST 1988 4.00 PLAY SCHOOL (G) 4.30 BERENSTAIN BEARS (G) 4.55 TELEBUGS (G) 5.00 THE NEW ADVENTURES OF BEANS BAXTER (G) 5.30 YOU CAN'T DO THAT ON TELEVISION (G) 6.00 INSPECTOR GADGET (G) 6.30 THE OZ GAME (G) 7.00 ABC NEWS (G) 7.30 7.30 REPORT (G) 8.00 I CAN'T STOP NOW (G) 8.28 NEWS UP-DATE (G) 8.30 THE BILL (PGR) 9.35 NEWS UP-DATE (G) 9.35 KOREA - THE UNKNOWN WAR (G) 10.30 THE WORLD TONIGHT (G) 11.00 JAZZYVISIONS (G) 12.01 CLOSE	FRIDAY 19TH AUGUST 1988 4.00 PLAY SCHOOL (G) 4.30 BERENSTAIN BEARS (G) 4.55 TELEBUGS (G) 5.00 THE NEW ADVENTURES OF BEANS BAXTER (G) 5.30 YOU CAN'T DO THAT ON TELEVISION (G) 6.00 INSPECTOR GADGET (G) 6.30 THE OZ GAME (G) 7.00 ABC NEWS (G) 7.30 7.30 REPORT (G) 8.00 LIFE, BE IN IT: BODYSHOW (G) 8.25 NEWS UP-DATE (G) 8.30 FORTUNES OF WAR (G) 9.23 NEWS UP-DATE (G) 9.25 BACK CHAT (G) 9.35 ASPEN AND CO (PGR) 10.15 THE WORLD TONIGHT (PGR) 10.45 MOVIE "Road to Utopia" (G) 12.15 CLOSE	SATURDAY 20TH AUGUST 1988 12.00 ROCK ARENA 1.15 SANDWICH: TENNIS (G) 1.30 MOVIE MATINEE: "The sky's the limit" (G) 3.00 SPORTS ARENA (G) 6.00 ABC NEWS (G) 6.30 COUNTRYWIDE (G) 7.00 THAT'S AUSTRALIA! (G) 7.30 UPSTAIRS, DOWNSTAIRS (PGR) 8.20 ABC NEWS (G) 8.30 MOVIE: "Roots of heaven" (PGR) 10.35 THE SWEENEY (PGR) 11.25 RUGBY LEAGUE, 1988 MINOR: SEMI-FINAL HIGHLIGHTS (G) 12.25 RAGE (G)	SUNDAY 21ST AUGUST 1988 12.00 COMPASS 1.00 FOUR CORNERS (G) 1.45 SUNDAY AFTERNOON WITH PETER ROSS (G) 5.00 RUGBY LEAGUE, 1988: MINOR SEMI-FINAL: HIGHLIGHTS (G) 6.00 ABC NEWS (G) 6.30 HOUSE RULES (G) 7.20 BACK CHAT (G) 7.30 A BIG COUNTRY SPECIALS (G) 8.25 ABC NEWS (G) 8.30 DEAD HEAD: WHY ME (G) 9.20 THE FOURTH FLOOR (PGR) 10.15 SUNDAY NIGHT RUGBY, 1988 (G) 11.15 MUSIC GALLERY (G) 11.55 CLOSE	MONDAY 22ND AUGUST 1988 4.00 PLAY SCHOOL (G) 4.30 BERENSTAIN BEARS (G) 4.55 TELEBUGS (G) 5.00 THE NEW ADVENTURES OF BEANS BAXTER (G) 5.30 YOU CAN'T DO IT ON TELEVISION (G) 6.00 INSPECTOR GADGET (G) 6.25 ROGER RAMJET (G) 6.30 THE OZ GAME (G) 7.00 ABC NEWS (G) 7.30 7.30 REPORT (G) 8.00 BRUSH STROKES (G) 8.32 NEWS UP-DATE (G) 8.34 FEDERAL REFERENDUM, 1988 (G) 8.36 OPEN ALL HOURS (G) 9.07 FEDERAL REFERENDUM, 1988 (G) 9.10 FOUR CORNERS (G) 9.55 RUBBERY FIGURES (G) 10.05 WORLD BEYOND (G)	TUESDAY 23RD AUGUST 1988 10.35 THE WORLD TONIGHT (G) 11.05 DON'T MISS WAX (PGR) 11.40 FILTHY RICH AND CATFLAP (PGR) 12.20 CLOSE TUESDAY 23RD AUGUST 1988 4.00 PLAY SCHOOL (G) 4.30 WHO WILL COMFORT TUFFEY? (G) 4.55 TELEBUGS (G) 5.00 DEAD ENTRY (G) 5.30 YOU CAN'T DO THAT ON TELEVISION (G) 6.00 INSPECTOR GADGET (G) 6.30 THE OZ GAME (G) 7.00 ABC NEWS (G) 7.30 7.30 REPORT (G) 8.00 QUANTUM (G) 8.28 NEWS UP-DATE (G) 8.30 FEDERAL REFERENDUM (PGR) 8.35 "NO" CASE (G) 9.25 NEWS UP-DATE (G) 9.30 BLAH, BLAH, BLAH (G) 10.30 THE WORLD TONIGHT (G) 11.00 MADE IN AUSTRALIA (G) 11.30 LOST EMPIRES (PGR) 12.20 CLOSE	WEDNESDAY 24TH AUGUST 1988 4.00 PLAY SCHOOL (G) 4.30 THE BEAR, THE TIGER AND THE OTHERS (G) 4.55 TELEBUGS (G) 5.00 DEAD ENTRY (G) 5.30 YOU CAN'T DO THAT ON TELEVISION (G) 6.00 INSPECTOR GADGET (G) 6.30 THE OZ GAME (G) 7.00 ABC NEWS (G) 7.30 7.30 REPORT (G) 8.00 QUANTUM (G) 8.28 NEWS UP-DATE (G) 8.30 FEDERAL REFERENDUM (PGR) 8.35 "NO" CASE (G) 9.25 NEWS UP-DATE (G) 9.30 BLAH, BLAH, BLAH (G) 10.30 THE WORLD TONIGHT (G) 11.00 MADE IN AUSTRALIA (G) 11.30 LOST EMPIRES (PGR) 12.20 CLOSE

NQ TV						
THURSDAY 18TH AUGUST 1988 5.50 CARTOONS (G) 5.55 CES JOB SHOP (G) 6.00 EARLY NEWS (G) 6.30 BUSINESS TODAY (G) 7.00 TODAY (G) 9.00 HERE'S HUMPHREY (G) 9.30 AEROBICS OZ STYLE (G) 10.00 ROCKFORD FILES (G) 10.55 COMMUNITY BILLBOARD (G) 11.00 GENERAL HOSPITAL (PGR) 11.30 NEWS (G) 12.00 MIDDAY SHOW (PGR) 1.30 NEWS (G) 1.35 DAYS OF OUR LIVES (PGR) 2.30 RADIANT LIVING (PGR) 3.00 LAVERNE & SHIRLEY (G) 3.30 BRAVESTARR (G) 4.00 WOMBAT (G) 4.30 CURIOSITY SHOW (G) 5.00 NEIGHBOURS (G) 5.30 REGIONAL NEWS, WEATHER (G) 6.00 NATIONAL NEWS (G) 6.30 A CURRENT AFFAIR (G) 7.00 SALE OF THE CENTURY (G) 7.30 FLYING DOCTORS (PGR) 8.28 WEATHER (G) 8.30 L.A. LAW (PGR) 9.30 16 DAYS OF GLORY (PGR) 10.30 NEWSWORLD (G) 11.30 SPENSER (PGR) 12.25 EPILOGUE (G) 12.30 STATION CLOSE	FRIDAY 19TH AUGUST 1988 5.50 CARTOONS (G) 5.55 CES JOB SHOP (G) 6.00 EARLY NEWS (G) 6.30 BUSINESS TODAY (G) 7.00 TODAY (G) 9.00 HERE'S HUMPHREY (G) 9.30 AEROBICS OZ STYLE (G) 10.00 THE ROCKFORD FILES (PGR) 10.55 COMMUNITY BILLBOARD (G) 11.00 GENERAL HOSPITAL (PGR) 11.30 NEWS (G) 12.00 THE MIDDAY SHOW WITH MARTIN (PGR) 1.30 NEWS (G) 1.35 DAYS OF OUR LIVES (PGR) 2.30 KATE AND ALLIE (PGR) 3.00 LAVERNE & SHIRLEY (G) 3.30 BRAVESTARR (G) 4.00 WOMBAT (G) 4.30 KID'S ARMY (G) 5.00 NEIGHBOURS (G) 5.30 NEWS, WEATHER (G) 6.00 NATIONAL NEWS (G) 6.30 A CURRENT AFFAIR (G) 7.00 SALE OF THE CENTURY (G) 7.30 NEWSWEEK (G) 8.00 CHARLES IN CHARGE (G) 8.30 MOVIE "Lone Wolf McQuade" (AO) Starring: Chuck Norris, David Carradine and Barbara Carrera. 10.30 NEWSWORLD (G) 11.30 MOVIE "Teachery and Greed" (PGR) Starring: Roddy McDowall, Ron Harper	SATURDAY 20TH AUGUST 1988 1.15 EPILOGUE (G) 12.00 CLOSE SATURDAY 20TH AUGUST 1988 8.30 THE CARE BEARS (G) 9.00 REAL GHOSTBUSTERS (G) 9.30 SHE-RA: PRINCESS OF POWER (G) 10.00 ROBOTECH - R (G) 11.00 ALF (G) 11.30 EWOKS (G) 12.00 TARZAN (PGR) 1.00 WIDE WORLD OF SPORTS (G) 6.00 NEWS, WEATHER (G) 6.30 HEY HEY IT'S SATURDAY (G) 8.30 WEATHER (G) 8.32 GOLD LOTTO DRAW (G) 8.35 MOVIE: "10.25 MOVIE" (G) 12.50 EPILOGUE (G)	SUNDAY 21ST AUGUST 1988 12.55 CLOSE SUNDAY 21ST AUGUST 1988 7.00 SURVIVAL (G) 7.30 APARTHEID (G) 8.00 BUSINESS SUNDAY (G) 9.00 SUNDAY (G) 11.00 WIDE WORLD OF SPORTS (G) 1.00 THE WALTONS (G) 2.00 MOTOR RACING (G) 5.00 YOUNG TALENT TIME (G) 5.50 QUEENSLAND 2000 (G) 5.53 POINT OF VIEW (G) 6.00 NATIONAL NEWS (G) 6.30 THE HENDERSON KIDS II (G) 7.30 SIXTY MINUTES (G) 8.28 WEATHER (G) 8.30 MOVIE: "10.55 SYDNEY RUGBY LEAGUE: SEMI-FINAL" (G) 12.25 EPILOGUE: (G) 12.30 CLOSE	MONDAY 22ND AUGUST 1988 4.25 CARTOONS (G) 4.30 GOLF (G) 8.00 TODAY (G) 9.00 HERE'S HUMPHREY (G) 9.30 AEROBICS OZ STYLE (G) 10.00 ROCKFORD FILES (G) 10.55 COMMUNITY BILLBOARD (G) 11.00 GENERAL HOSPITAL (PGR) 11.30 NEWS (G) 12.00 MIDDAY SHOW (PGR) 1.30 NOTV NEWS UPDATE (G) 1.35 DAYS OF OUR LIVES (PGR) 2.30 KATE AND ALLIE (PGR) 3.00 LAVERNE & SHIRLEY (G) 3.30 BRAVESTARR (G) 4.00 WOMBAT (G) 4.30 ANIMALS ANIMALS (G) 5.00 NEIGHBOURS (G) 5.30 LOCAL NEWS, WEATHER (G) 6.00 NATIONAL NEWS (G) 6.30 A CURRENT AFFAIR (G) 7.00 SALE OF THE CENTURY (G) 7.30 A COUNTRY PRACTICE (G) 8.28 WEATHER (G) 8.30 MOVIE: "Flamingo Kid" (AO) Starring: Matt Dillon, Richard Crenna and Margot Kidder. 10.30 NEWSWORLD (G) 11.30 THE PROFESSIONALS (AO) 12.25 EPILOGUE (G) 12.30 STATION CLOSE	TUESDAY 23RD AUGUST 1988 5.50 CARTOONS (G) 5.55 CES JOB SHOP (G) 6.00 EARLY NEWS (G) 6.30 BUSINESS TODAY (G) 7.00 TODAY (G) 9.00 HERE'S HUMPHREY (G) 9.30 AEROBICS OZ STYLE (G) 10.00 ROCKFORD FILES (G) 10.55 COMMUNITY BILLBOARD (G) 11.00 GENERAL HOSPITAL (PGR) 11.30 NEWS (G) 12.00 MIDDAY SHOW (PGR) 1.30 NEWS (G) 1.35 DAYS OF OUR LIVES (PGR) 2.30 SPECIAL (G) 3.00 LAVERNE & SHIRLEY (G) 3.30 BRAVESTARR (G) 4.00 WOMBAT (G) 4.30 ANIMALS ANIMALS (G) 5.00 NEIGHBOURS (G) 5.30 REGIONAL NEWS, WEATHER (G) 6.00 NATIONAL NEWS (G) 6.30 A CURRENT AFFAIR (G) 7.00 SALE OF THE CENTURY (G) 7.30 COSBY SHOW (G) 8.00 A DIFFERENT WORLD (G) 8.28 WEATHER (G) 8.30 BEYOND 2000 (G) 9.30 16 DAYS OF GLORY (AO) 10.30 NEWSWORLD (G) 11.30 HILL STREET BLUES (AO) 12.25 EPILOGUE (G) 12.30 STATION CLOSE	WEDNESDAY 24TH AUGUST 1988 5.50 CARTOONS (G) 5.55 CES JOB SHOP (G) 6.00 EARLY NEWS (G) 6.30 BUSINESS TODAY (G) 7.00 TODAY (G) 9.00 HERE'S HUMPHREY (G) 9.30 AEROBICS OZ STYLE (G) 10.00 ROCKFORD FILES (G) 10.55 COMMUNITY BILLBOARD (G) 11.00 GENERAL HOSPITAL (PGR) 11.30 NEWS (G) 12.00 MIDDAY SHOW (PGR) 1.30 NEWS (G) 1.35 DAYS OF OUR LIVES (PGR) 2.30 KATE AND ALLIE (G) 3.00 LAVERNE & SHIRLEY (G) 3.30 BRAVESTARR (G) 4.00 WOMBAT (G) 4.30 ANIMALS ANIMALS (G) 5.00 NEIGHBOURS (G) 5.30 REGIONAL NEWS, WEATHER (G) 6.00 NATIONAL NEWS (G) 6.30 A CURRENT AFFAIR (G) 7.00 SALE OF THE CENTURY (G) 7.30 A COUNTRY PRACTICE (G) 8.27 GOLD LOTTO DRAW (G) 8.29 WEATHER (G) 8.30 SPECIAL (PGR) 9.30 16 DAYS OF GLORY (PGR) 10.30 NEWSWORLD (G) 11.30 HUNTER (AO) 12.25 EPILOGUE (G) 12.30 STATION CLOSE

G - General Exhibition
 PGR - Parents Guidance Required
 AO - Adults Only

Pe em liklik tru... Teis gut tru!

WRIGLEY'S 10t
PK CHEWING GUM

WRIGLEY'S 10t
JUICY FRUIT CHEWING GUM

WRIGLEY'S 10t
ARROWMINT CHEWING GUM

hubba bubba 8t
hubba bubba


10t 10t 10t 8t

NUPELA PRAIS LONG OLGETA STOA

WINIM BIKPELA BABELS

NAU 8t


Tupela piksa ya i wankain tru. Namba bilong tupela piksa daunbilo.



Raitim namba hia.

Tupela piksa ya i wankain tru. Raitim namba bilong tupela daunbilo.

Mark it with a X



3 TRAIM SAVE

Painim tupela piksa i wankain tru



Lukim ansa neks wik



TRAIM SAVE


I gat 9-pela piksa ya. Raitim namba bilong tupela i wankain stret.

5



I gat 9-pela piksa ya. Raitim namba bilong tupela i wankain stret.

6




WRITE YOUR ANSWER here

Ansa bilong las wik 1. 3 4 na 6
2. Namba 5




4-pela hap piksa ya i wangepela hap long bikpela piksa daunbilo. Makim leta na namba bilong en. Olsem - namba wan hap bilong piksa em wankain tru long C 1. Painim leta na namba bilong 3-pela arapela.



Raitim namba bilong piksa i wankain long blakpela piksa.

8



Lukim ansa neks wik

WANTOK - Fonde 18 - 24 Ogas, 1988



SAMSUNG

CB-515F

- Elegant space-saving monitor design
- Advanced electronic 8-channel soft-push tuning system

- One front mounted speaker
- Cable tuner



LAY-BY NOW!

20" Colour Television

K 399

Backed by Service Centres Nationwide !

BURNS PHILP

Port Moresby ● Lae ● Mt. Hagen ● Goroka ● Madang

Rugbi Lig

NIUS

NO KEN SALIM

Issue No. 28 18 Ogas- 25 Ogas

Belkros bilong ol fainel i kamap yet

KROS na pait em i wanpela belhevi olgeta eksektiv, ol pilaia, ol referi na ol sapota bilong Ragbi save bungim long taim bilong pilai.

Tasol pasin bilong brukim ol pepa i gat skoa bilong ol pilai em i nupela samting.

Las wik dispela pasin i kamap long Vanimo lig.

Presiden bilong Sea-Eagles klap, Robert Seneve i bin mekim dispela pasin long ai bilong ol bikman bilong Vanimo lig bihain ol lain bilong em i bin lus long han bilong Works.

Bihain referi i pairapim wisil long tokaut long fultaim Seneve i wokabaut i go long ples ol eksektiv i sindaun, kisim ol skoa pepa na brukim.

Taim em i brukim ol dispela pepa em i tok, "Mi no amamas long ol skoa bilong dispela pilai bikos referi i bin wansait."

Ol eksektiv bilong Vanimo lig i tok olsem dispela kain pasin Mista Seneve i

FELIX RAMRAM
i raitim

mekim i no gutpela pasin.

Sapos em i gat belhevi orait em i mas apil long eksektiv na em i no gutpela long brukim ol skoa pepa long ai bilong planti man meri long Peter Cole pilai graun.

Wankain belhevi na tok kros i bin kam long ol lain Sea-Eagles taim tim bilong ol i bin lus long Brothers long 7 Ogas. Ol i bin komplem olsem referi i bin wansait na helpim Brothers i winim dispela pilai.

Tasol dispela gem namel long Sea-Eagles na Works i bin kamap strong tru long namba wan wisil i go inap pilai i pinis.

Sea-Eagles i bin pilai strong tru long namba wan hap na i bin go pas long pilai 18-12.

Long namba tu hap strong bilong ol i pinis na Works i abrusim ol. Moses Wani i bin go pas long ol lain Works na skoim tupela trai.

Na long namba tu hap tu kepten bilong Works George Taiebu i givim strongpela toktok long ol lain bilong em na ol i banisim gut trailain bilong ol.

Long namba tu hap Sea-Eagles i no skoim wanpela poin. Ol i kisim taim stret long han bilong Works.

I luk olsem olgeta stail bilong stail manki Wanut i pinis. Turangau, em i laik abrusim ol lain Works, wantu ol i holim em na nilim em long graun.

Dispela kain pilai bilong Works i pretim ol lain Sea-Eagles na ol i pundaun.

Long narapela bikipela A gret pilai long Sande, Hawks i autim Brothers na go insait long gren-fainel bilong Vanimo ragbi bai kamap long 1st Septemba.

Long dispela wiken Works bai traime bun bilong Brothers long lukim husta bai egensin Hawks long Gren-fainel.

Yu laik go we, poro?



• Fulbek bilong Air Niugini John Oeka i banisim gut tru Robert Bulo bilong Magani. Air niugini i autim Magani 18-12 long dispela pilai. Lukim moa poto long pes 6. Ol Poto HENRY MORABANG

Insait

Ailans Lig	- pes 2
Mosbi Lig	- pes 3
Wagambie	- pes 3
Ol dro	- pes 4
Skoa Bot	- pes 5
Lig poto	- pes 6
Provins lig	- pes 7
Nesenel Kepitel	- pes 8



24 HOURS TV AND VIDEO SERVICE Now available at.....

P.O. Box 822, Lae, Mula Street,
Phone: 42 4242 - 42 4253

North Raiders i traim gen

MURUKS i bin strongim tru tingting bilong ol long kisim 1988 primiasip taitel long Rabaul Lig taim ol i bin autim North Raiders 20-17 long bikpela A gret semi fainel long Sande.

Sea Eagles i bin autim Crusaders long las wiken na bai salensim North Raiders long bikpela pilai bilong dispela wiken.

Muruks i bin soim strongpela pilai tru long las wiken na i bin stap long 20 na Raiders i bin stap long 17 taim ol sapota na pilaia bilong Raiders i bin raunim na paitim ol pilaia bilong Muruks.

Na menesa bilong Muruks klab, Andrew Ilam i bin mekim pinis wanpela singaut i go long ol eksekutiv bilong Rabaul Lig

long mekim sampela samting long ol lain husat i save kamapim ol dispela kain pasin. Em i askim lig long mekim save long husat lain i ni bihainim toktok bilong lig.

Ilam i tok, "Planti klab na tim husat i save kamapim ol dispela kain pasin i wok long raun amamas i stap na ol lain husat i wok long kisim taim i wok long kisim yet."

"Nau em i taim bilong mekim save tu ol dispela lain trabel man na klab long wanem ol i save ting ol i moa yet."

Tasol Rabaul Lig i bin bekim dispela na i tok ol dispela samting i save kamap long wanem i nogat gutpela wok bung wantaim i kam long ol klab. Lig i bin tokaut tu

olsem i nogat wanpela gutpela sapot bilong ol pilaia, opisel na sapota olsem na dispela kain pasin i save kamap.

Tasol Ilam i laikim olsem Lig i mas stretim dispela hevi hariap bipo long ol pilai bilong dispela wiken.

Na bikpela A gret pilai bilong dispela wiken bai i stap namel long Sea Eagles na North Raiders. Wanem tim i lus bai i tromoi han long 1988 na tim i win bai i go insait long gren fainel wantaim Muruks

Long dispela wiken North Raiders bai lukluk long skipa Donald Lesi long go pas long ol na bagarapim wok.

Wantaim gutpela helpim bilong Ismael Marnapal na Alison Gumla, Sea Eagles bai

hangamap long rop sapos ol i no was gut.

Tasol wanpela tim i no inap long winim pilai sapos em i soim rabis pilai. Olsem na ol opisel bilong tupela klab wantaim i mas lukaut gut long ol sapota bilong ol. Sapos wankain samting olsem las wik i kamap gen, dispela bai bagarapim tasol sans bilong tim bilong ol long stap insait long pilai bilong neks yia.

Sea Eagles bai lukluk long Kungas Kuveu husat bai i redi tasol long paia long 5/8 posisen bilong em. Na wantaim helpim bilong Nelson Pandege, bikpela prop Mack, Jimmy Peters, Donald Bakut na ol lain boi bilong ol long baksait bai i gat planti sans long resis wantaim bal.

Air Niugini i smelim namba tu taitel

NORTH Solomons Ragbi Futbal Lig bai go insait long ol gren fainel bilong ol long dispela wiken. Na olgeta gren fainel pilai long olgeta divisen bai kamap long Sande.

Air Nuigini bai i bungim Wests long bikpela A gret pilai bihain em i bin daunim Sea Raiders 40-34 long bikpela pilai bilong las wiken.

Na Air Nuigini i gat tupela as long em long amamas long wanem tupela gret bilong em wantaim bai i go insait long gren fainel resis bilong dispela wiken. Dispela tupela gret em long U19 na A gret team bilong ol.

Na ragbi oval long dispela wiken bai i

pulap tru long taim ol dispela bikpela pilai bai kamap.

Dispela bikpela pilai namel long Air Niugini na Wests bai i stap long tupela sait wantaim i go inap long pinis bilong pilai. Na long ol tokwin i bin kamap, wanem tim i win bai win long liklik mak tasol.

Wests i bin strongim nem bilong em long A gret lata bihain em i daunim Air Nuigini.

Na long kem bilong em, ol manki i stretim pinis ol kain asua bilong ol na bai kamap long fil long dispela wiken long soim ol sapota olsem ol i king bilong ragbi long Not Solomons.

Tasol Air Nuigini tu bai i kamap long fil long dispela wiken long bekim olupela dinau na kisim bek gutnem bilong ol.

Tupela tim wantaim i bin soim strongpela pilai tru long stat bilong sisen i kam na wanem tim i fit tru long dispela wiken bai i winim pilai.

Long B gret, bikpela pait bai i stap namel long Souths na Tarakum.

Tarakum i bin soim pinis trupela kala bilong ol long stat bilong sisen i kam inap nau.

Ol lain pilaia bilong ol long fowat na beklin i bin luksave tru long pilai bilong ol yet na sapos ol inap long kamap long fil

gen aninit long ol dispela kain stail, Souths bai i kisim bikpela bagarap tru long dispela wiken.

Tasol Tarakum i no ken traim kaskas long Souths nogut bai ol i kisim taim. Dispela ol lain tu i ken mekim het bilong top tim i pen na bagarapim ol birua bilong ol long dispela de.

Sapos nogat wanpela man i putim gut ai long ol boi long fowat, dispela ol lain bai i ken kamapim ol gutpela spes long salim ol beks bilong ol long slip antap long trailain. Na long pilai bilong U19, Sea Raiders bai kamap long fil long bagarapim sindaun bilong Air Nuigini.

DON'T PASS UP THIS OFFER!

K 799

Depart Friday 9/9/88

Call Burns Philp Travel

Boroko 25 2825

Rabaul 92 2645

to the

SYDNEY RUGBY LEAGUE GRAND FINAL

includes return airfare, accomodation, rugby league ticket, a one day expo ticket.

Air Niugini o Wests

TIM bilong Air Niugini dispela wiken long egeinsim Wests bai wankain olsem tin i bin autim Magani las wik.

Tasol Wests i mas save olsem dispela tim bai i no wankain olsem tim ol i bin memeim tupela wik i go pinis.

Trena bilong Air Niugini Alex Lubanski i tok olsem ol i bin lus long Wests bikos ol i no bin banisim gut eria bilong ol.

Em i tok olsem las wik Air Niugini i bin banisim gut trailain bilong ol taim ol i egeinsim Magani.

"Wankain pilai bai mipela i autim long Wests dispela wiken", em i tok.

"Mipela i bin winim Wests bipo na mipela inap long winim ol gen".

Lubanski i tok olsem taim ol i lus long Wests ol i bin kirapim bikpela wok tru long banisim gut eria bilong ol.

Nau tim i wok long strong bodi bilong ol na tu ol i mekim bikpela wok long strongim tingting bilong ol tu.

Lubanski i luksave olsem olgeta pilaia i wanbel long olgeta samting ol i mekim long taim bilong treni, "Na em i namba wan taim mi bin lukim dispela pasin".

Trena bilong Air Niugini i tok olsem ol lain bilong em i wok asasait long strongim bodi na apim ol kain kain samting. Ol pilaia i ron arasait tu long trenin long spit na ol kain kain stail bilong pilai.

"Ol manki i wanbel olsem ol bai banisim gut eria bilong ol dispela wiken".

Ol lain Wests i no inap tokaut long sans bilong ol egeinsim Air Niugini.

Tasol wanpela mausman bilong ol i tok olsem, "Bai mipela i autim toktok bilong mipela long pilai graun long Sande".



• Tony Kila bilong Air Niugini i laik abrisim ol lain Wests long wanpela gem bilong ol las yia. Dispela wiken Kila bai go pas long Air Niugini taim ol i egeinsim Wests long lukim husat bai go insait long gren-fainel wantaim Defence.

Em i tok olsem Air Niugini i bin kisim taim long han bilong West taim tupela i bin bung long nambawan pilai bilong ol fainels.

Long dispela pilai Wests bai lukluk long ol fowat bilong ol long winim dispela pilai. Las wik ol fowat bilong ol i bin brukim banis bilong Defence planti taim tasol i nogat wanpela poro i sapotim ol.

Sapos Wests i laik win dispela wiken ol i mas sapotim man husat i ron wantaim bal.


Gedion na Haoda Kouoru bai go pas long ol lain Wests na ol bai lukluk long Tati Ivara na John Tu'u long sapotim ol.

Sapos ol dispela lain fowat inap long pasim tok na pilai bung wantaim, beklain bilong Wests inap long skoim planti trai.

Long beklain Kevin Yore bai go pas na em bai lukluk long Joshua Kouoru na tupela winga Eddie Hakava na Don Tore long helpim em.

Sapos Bobby Ako i kamap tu long pilai graun dispela wiken Air Niugini i no inap lusim ples balus.

Pilai bai strong tru na husat i banisim gut eria bilong em bai winim dispela pilai.



BIKPELA eliminasi fainel namel long Air Niugini na Magani i no bin gutpela tumas na i no luk olsem wanpela pilai namel long tupela top tim long Mosbi.

Em i orait tu bikos dispela tupela tim i no inap stap long gren-fainel. Tupela tim wantaim i no inap abrusim Wests o Defence long gren fainel.

Tasol bikpela pilai namel long Wests na Defence i wanpela strongpela na gutpela pilai stret bikos tupela tim i bin pilai strong tru i go inap fultaim.

Long las pilai bilong tupela long Julai, Defence i bin strong tru na bagarapim Wests. Long dispela taim mi bin ting olsem i nogat wanpela tim long Mosbi bai autim Defence.

Mi amamas nau bikos i luk olsem Wests inap long gvim strongpela gem long Defence. Na sapos tupela tim i stap long long gren-fainel em bai gutpela long planti lain i lukim. Tasol sapos narapela tim i bungim Defence, em bai Defence i bagarapim dispela tim.

Wests i bin gat sans long skoim tripela arapela trai tasol ol i pundaun.

nim bal. Joshua Kouoru i mas autim bal i go long arapela lain bilong em. Planti taim em i holim bal na i pasim sans bilong Wests long skoim ol trai.

Planti taim ol fowat bilong Wests i brukim banis bilong Defence tasol i no gat wanpela poro i bihainim ol.

Wanpela gutpela pilaia bilong West husat i no stap long fil em Bobby Ako. Mi no save wai em i no pilai dispela wiken tasol las wik i em i bagarapim stret Air Niugini.

Mi ting olsem Wests kosa Celcius Kose i no mekim gutpela tingting long putim Steven Haro long wing na putim Alu Poka long kisim ples bilong em long 5/8.

Haro em i wanpela smatpela pilaia na em inap long brukim wanem kain banis ol birua i kamapim na salim ol beklain bilong em i go skoim trai.

I gutpela olsem Alu Poka i stap olsem 5/8 tasol sapos Haro i stap long senta em inap long kamapim sampela bagarapim long lain bilong Defence.


Bai gutpela sapos "C K" i luksave long dispela toktok bilong mi na maski long putim Haro long wing.

Defence tu i no bin kamapim strongpela pilai olsem ol i save kamapim bipo. Kain pilai bilong ol long banisim gut banis bilong ol na sapotim ol poro na skoim planti trai i no kamap.

Sapos Defence i laik autim gren-final bilong Mosbi ol i mas wok hat.

Tasol mi ken tok olsem ol i bin wok hat tru na kamap long ples ol i stap nau na mi laik tok gut lak long ol taim ol i redi long gren-fainel.

Nau Wests i stretim ol bagarap ol i bin kisim long han bilong Defence na taim ol i bungim Air Niugini neks wik em bai ol bikpela balus i pundaun.



• Man, ol dispela pilaia bilong Air Niugini i no inap long daunim bikpela fowat bilong Magani Landari Minape.

RAGBI LIG DRO

PORT MORESBY

SUNDAY 21ST AUGUST, 1988
LLOYD ROBSON OVAL

PMFRL PRELIMINARY FINALS

Time	U17	U19	Referee
10.15	Kone	Hawks	P. Laka
11.30	Tarangau	West	J. Martin
12.45	Defence	Brothers	K. Karukuru
14.15	Res	Paga	W. Ainui
15.45	A	ANG	G. Ainui

NATIONAL CAPITAL

LLOYD ROBSON OVAL
Saturday 20 August, 1988
1988 Grand-finals

11.30	U17	Hohola	Vs	Saraga	J. Kau
12.30	U19	Hohola	Vs	Waigani	B. Dou
1.30	Res	Saraga	Vs	Waigani	J. Martin
3.00	A	Hohola	Vs	Bomana	T. Kuni

PORT MORESBY TOUCH RUGBY

ROUND 3 - GAME 2
14.8.1988

Time	Teams	Field
9.00am	w- City Gaidis v PTC	1
	w- United Pieces v KB Teachers	2
	w- Tarax Rebels v Goodyear Eagles	3
	w- Medics v Works	4
9.50am	w- Kele Queens v Lwamai	1
	m- PNG Motors v Works	2
	m- Cooper & Lybran v KYC	3
	m- Air Niugini v KB Teachers	4
10.40am	w- Discount Mart v Air Niugini	1
	m- Lakowalai-2 v NZ Insurance	2
	m- KK Touch-2 v PTC	3
	m- Lewamai v Mobil Oil	4
11.30am	mx- KB Raiders v Tarax Rebels	1
	mx- Lewamai v Kele K2	2
	mx- Medics v KB Teachers	3
	m- KK Touch-1 v Imilakele	4
12.20pm	m- KB Raiders vs Vikings	
	m- Lakowalai-1 vs Kele Kings	
	m- Tarax Rebels vs Medics	
Bye -	KB Raiders (w-)	
	Customs (w-)	

KAVIENG

Sunday 21st August, 1988

12.00	U19	Snafu	vs	Tarakum
1.30	B	Sea Eagles	vs	Tarakum
3.00	A	Brothers	vs	Tarakum

*Grand finalists: U19 - Sea Eagles
B - Muruks A - Snafu

RABAU

Sunday 21st August, 1988

1.00	U19	Muruks	vs	Bala
2.00	B	Crusaders	vs	North Raiders
3.30	A	Sea Eagles	vs	North Raiders

*Grand Finalist: A - Muruks
B - Bala
U19 - North Raiders

NORTH SOLOMONS

Sunday 21st August, 1988

Major Semi finals

12.45	U19	Air Niugini	vs	Sea Raiders
1.55	B	Souths	vs	Tarakum
4.00	A	Air Niugini	vs	West

MADANG

Sunday 21th August, 1988

12.00	U17	Panthers	vs	Winer of Bros/Tigers
1.30pm	U19	Brothers	vs	Tigers
3.00pm	B	Tigers	vs	Air Niugini
4.30pm	A	Hawks	vs	Tigers

*Grand-Finalists
U17 - Hawks B - Brothers
U19 - Hawks A - Brothers


WEWAK

Pora Oval
Saturday 20th August
1988

1.30pm	U19	Country	v	Wharfies
3.00pm	U19	Works	v	Defence
4.35pm	RES	Wharfies	v	Defence

Sunday 21st August
1988

1.30pm	Res	Country	v	Tarangau
3.00pm	A	Works	v	Tarangau
4.35pm	A	Royals	v	Country



• Ol lain Magani i memeim stret dispela pilaia bilong Air Niugini. Tasol ol lain Air Niugini i kirap bek na nilim Magani 18-12 long dispela gem long Sande. Dispela wiken Air Niugini bai bungim Wests long lukim husat bai egeinsim Defence long gren-fainel. Poto HENRY MORABANG.

SKOA BOT

PORT MORESBY

*Port Moresby: Semi-finals:
A grade: Major-Defence 26 def. Wests 14

Minor-Air Niugini 18 def. Magani 12
U17: Major-Magani 12 def. Kone Tigers 0
Minor-Hawks 22 def. Defence 18
U19: Major-Kone Tigers 12 def. Tarangau 10
Minor-West 11 def. Brothers 10
C grade: Major-Brothers 12 def. Air Niugini 8
Minor-West 14 def. Defence 10
B grade: Major-Defence 15 def. Paga Panthers 14
Minor-Magani 25 def. Wests 24.

NATIONAL CAPITAL

*National Capital District: Major Semi-finals:
A grade: Bomana 18 def. Boroko 16

Res grade: Saraga 18 def. Korobosea 16
U19: Waigani 12 def. Korobosea 6
U17: Saraga 16 def. Bomana 8

NORTH SOLOMONS

*North Solomons: Major Semi-finals:
A grade: Air Niugini 40 def. Sea Raiders 34
B grade: Souths 6 def. Sea Raiders 4
U19: Air Niugini 6 def. Souths 2

VANIMO

*Vanimo: Major Semi-finals:
A grade: Hawks 18 def. Brothers 16

*Grand-finals will be played on the 28th of August.

KEREMA

*Kerema: Semi-finals:
A grade: Major-Niugulf 10 def. S Miro 8
Minor-Ilia 20 def. Medics 6
Res. grade: Major-S Miro def. Niugulf

KIMBE

*Kimbe: Major Semi-finals:
A grade: Muruks 20 Vs. Umboli 20 (replay)
B grade: Tarangau 16 def. Hawks 14

C grade: Brothers def. Umboli (forfeit)

* GRANDFINALS will be played on the 28th August due to appeals made.

KIUNGA

*Kiunga: Semi-finals:
A grade: Major-Brothers 22 def. United 16
Minor-Waliwests 12 def. Ambangs 6
Res. grade: Major-Waliwests 6 def. Ambangs 4
U19: Major-Ambangs 11 def. Brothers 6

KAVIENG

*Kavieng: Semi-finals:
A grade: Major-Tarakum 30 def. Sea Eagles 26

Minor-Snafu 46 def. Brothers 26
U19: Major-Snafu 15 def. Brothers 0

Minor-Sea Eagles 30 def. Tarakum 8

B grade: Major-Sea Eagles 50 def. Snafu 12

Minor-Muruks 52 def. Tarakum 4

RABAU

*Raubul: Semi-finals:
A grade: Major-NGIP Muruks 20 def. North Raiders 17

Minor-Sea Eagles 26 def. Crusaders 8

B grade: Major-Bala 12 def. Crusaders 8

Minor-North Raiders 7 def. Brothers 6

U19: Major-North Raiders 10 def. Muruks 4

Minor-Bala 22 def. Tarangau 10

MADANG

*Madang: Semi-finals:
A grade: Minor-Hawks 22 def. Panthers 14

Major-Brothers 32 def. Tigers 22.



• Stail fulbek bilong Wests Joe Mirisa i abrusim banis bilong Defence.

When only the best will do.

LIG POTO



• Ol lain Air Niugini i bung na laik memeim dispela pilaia bilong Magani.


• Tim Dokta bilong Wests Gerry Ou i putim banis long het bilong Haoda Kouoru Narapela poro bilong em, Roy Heni i sindaun klostu. Tupela i bin kisim bagarap long pilai egeinsim Defence.



• Bikpela Kumul fowat bilong Magani Isaac Rop i no inap ranawe long Kiva Fae na narapela pilaia bilong Air Niugini.



• Saba Savara na Landari Minape i laik nekim Palme Mon bilong Air Niugini. Air Niugini i winim dispela pilai 18-12.



• Gedion Kouoru (namba 8) na ol poro bilong em i laik mekim Arnold Krewanty bilong Defence i plai olsem wampela balus. Tasol i no inap Arnold na ol lain bilong em i autim Wests 26-14. Ol Poto HENRY MORABANG.



• Kepi Saea bilong Air Niugini i tekelim Thoa Ravu bilong Magani

Hawks i bosim Vanimo gut

HAWKS i strongim na apim yet nem bilong em long Vanimo lig bihain em i daunim Brothers 18-16 long bikipela pilai bikipela semi-fainal long Peter Cole oval long Sande.

Tasol Hawks i no winim dispela pilai nating. Long hatwok bilong ol pilaia olsem Moale Atangu, Patrick Rueben na Zachary Nauot na Hawks bai pilai insait long gren-fainal.

Ol dispela bagaros wantaim ol arapela pilaia bilong Hawks i bin kamapim gutpela pilai tru long sait bilong Hawks na stapim ol birua nogut bilong Brothers.

Tasol Brothers i go pas na salim Patrick Waimo long skoa namba wan trai bilong ol. Waimo i lukim wanpela hul long banis bilong Hawks na ron i go stret olgeta na putim dispela trai. Patrick yet i kisim kik long gol na salim Brothers i go pas long skoa bot wantaim 6 poin. Hawks i karim kiau yet.

Dispela trai i mekim amamas long ol pilaia bilong Brothers na i no longtaim ol i salim Waimo i go bek gen long putim namba tu trai bilong Brothers.

Ol pilaia bilong Hawks i lukim olsem sans bilong ol long go insait long fainal bai i lus sapos ol i no stapim ol birua hariap. I no longtaim ol i kisim dispela tingting na hariap tru ol i senisim stail

long pilai bilong ol.

Ol i putim strongpela banis tru na salim ol fowat bilong ol i ron wantaim

pawa na traim long brukim strongpela banis bilong Brothers.

Olsem na i no longtaim Atangu i



• Sempion tim bilong Vanimo A gret, Hawks.

brukim banis bilong Hawks na putim namba wan trai bilong Hawks. Kik bilong gol i no karim kaikai na skoa i stap 10-4 inap ful taim.

Long namba tu hap, Hawks i kam bek strong na stapim sans bilong Brothers long putim moa trai.

Klostu long pinis bilong pilai, Nauot, Rueben na Atangu bilong Hawks i tasim graun tripela taim olgeta bihain long Waimo gen i putim namba tri trai bilong Brothers. Dispela trai bilong Waimo i bringim skoa i go long 18-16 long full-taim.

Tupela tim wantaim i bin kamapim strongpela pilai tru na i no givim sans long larim narapela i win.

Hawks husat i winim dispela pilai bai malolo na wet tasol long kaikaim bun long gren-fainal.

Brothers husat i lus long Hawks bai i kaikaim bun wantaim Works long semi-fainal long dispela wiken. Sapos Brothers i stretim asua bilong ol na wilwilim Works bai ol i gat sans long bekim dinau long Hawks. Na tim husat i lus long dispela semi-fainal bai i hangamapim su bilong ol na tingting long narapela yia.

Long fainal bilong resev gret, Sea Eagles bai birua wantaim Hawks long lukim husat i strong long bungim Works long gren-fainal.

Country i traim strong bilong Royals

BIKPELA semi-fainel resis bilong Wewak Lig bai kamap gen long dispela wiken. Royals i bin soim pinis stail bilong ol long las minit na I redi nau long pait long winim tu sempionsip taitel.

Olsem na long bikipela pilai bilong dispela wiken, Royals i mas kamap wantaim olgeta pawa bilong ol long stapim ol lain boi bilong Peter Niaga.

Royals i bin kisim taim long han bilong Country long las pilai bilong ol na bai kamap long dispela wiken long bekim dinau.

Na long arapela A gret pilai bilong Sande, Works wantaim Tarangau bai pait long nokaut resis. Wanem tim i lus bai rausim su na wina bai i gat sans yet long narapela wik.

Wharfies nau i wok long lukluk long U19 na Risev gret bilong en long winim pilai.

A gret tim bilong Wharfies i no bin strong tumas long pinis bilong sisen olsem na ol i no strongim wanpela ples long stap insait long ol fainel.

Na sapos A gret bilong Wharfies inap long wok bung wantaim, ol bai gat gutpela sans tu long kisim sempionsip taitel neks yia.

Na Tarangau i bin kamap stret long taim long kisim wanpela ples insait long ol fainel. Ol dispela lain woda i gat man bilong stap antap long lata bilong resis long las yia yet tasol ol i no save strong tumas klostu long pinis bilong pilai.

Na ol i nogat pawa tu long fowat lain bilong ol. I gat ol sampela gutpela man long fowat i stap tasol ol dispela lain i no

save kisim sapot long pinisim pilai wantaim gutpela nem.

Na Works tu bai kamapim planti hetpen tru long narapela yia. Dispela tim i bin kamap pinis wantaim sampela gutpela pilaia. Na ol dispela lain bai i kam antap strong yet sapos ol i strong long pilai.

Na dispela tim wantaim Wharfies i save mekim gutpela wok tru long kisim ol yangpela manki long pilai insait long A gret. Dispela i bin wanpela bilong ol bikipela as long lus bilong Wharfies A gret.

Na long ol bikipela A gret pilai bilong dispela wiken, Country bai kamap long fil wantaim lukaut bilong Peter Niaga wantaim gutpela helpim bilong Alex Anis na Paul Labu.

Fowat bilong Country wantaim go pas

bilong Anis bai kamapim planti bagarap long mak bilong ol plisman sapos nogat wanpela bilong ol i putim ai long Anis.

Tasol long ol kain pilai bilong Royals i no longpela taim i go pinis, dispela ol lain bai inap long mekim save long ol birua sapos ol i laik kaskas.

Olsem na Country bai gat bikipela wok tru long stapim na daunim Royals long dispela wiken.

Na long U19, Country bai pilai egensim Wharfies long nokaut na Works bai skelim strong bilong ol boi long grin yunifom long Sarere.

Long Risev gret, Wharfies na Defence bai pait long nokaut na Taranagau na Country bai skelim bun long bikipela semi-fainel long Sunday.

Brothers bai gat 3-pela tim long gren-fainal

FRANCIS ULIAU i raitim

BROTHERS tim bilong Madang i gat tupela tim i redi tasol long pait long gren fainel pilai neks wiken. Tupela A na B gret i no wari moa long wanpela samting tasol ol i trening hat na wetim tasol taim bilong sutnus wantaim wina bilong ol pilai dispela wiken.

Na long ol bikipela pilai bilong dispela wiken, Brothers bai taitim bun wantaim Tigers long U19, Air Nuigini bai traim Tigers long B gret na Tigers bai pait egensim Hawks long bikipela A gret pilai.

Wanem tim i lus long dispela wiken bai i hangamapim su bilong ol na wanem tim i win bai go long gren fainel, neks wiken.

Kosa bilong Brothers Francis Biroro i tok olsem ol boi bilong em i wok long taitim bun nau long trening na redi tasol long autim ol birua bilong ol long kisim sempionsip taitel long olgeta divisen.

Em i tok, "Mipela i wok long lukluk long taim bilong trening long mekim ol manki i fit tru long taim ol i kamap long fil".

"Na mipela i lukluk tu long rot bilong takel, ron long rot na long we bilong pilai, holim na ron wantaim bai".

"Mi no save painim bikipela hevi namel long ol boi bilong mi na ol manki i save bung gut tru na mekim stret wanem samting mi tokim ol long mekim. Na dispela i bin kamap gut tru long stat

bilong sisen i kam inap nau".

"Na dispela kain samting bai i no inap long kamap sapos i nogat gutpela wok bung wantaim namel long ol manki bilong mi na ol eksekutiv bilong klab", Biroro i tok.

Na long ol pilai bilong dispela wiken, Biroro i gat bikipela bilip tru long U19 long winim pilai bilong ol egensim Tigers.

Em i tok, "Mipela nogat wanpela bikipela bagarap o asua insait long kem bilong mipela olsem na mi save olsem mipela bai win long dispela wiken."

Na bikipela A gret pilai namel long Hawks na Tigers bai strong tru long stat bilong wisil i go inap long pinis bilong en.

Dispela tupela wantaim i gat wankain stail long pilai olsem na pilai bilong tupela long dispela wiken bai i strongpela tru.

Tasol Hawks bai i no laik long lusim sempion taitel bilong em na bai i kamapim bikipela pait tru long kisim bek taitel. Na husat i laik traim long stilim dispela taitel long ol i mas pait strong na winim dispela taitel.

Na Hawks long dispela wiken bai kamap long fil wantaim lukaut bilong Katu Yapi husat i gat bikipela nem long ol kain longpela kik bilong em.

Umboli na Muruks i skelim strong gen

BIKPELA semi fainel pilai namel long Umboli Raiders na Hoskins Muruks bai kamap gen long dispela wiken bihain tupela i bin dro 20-20 long pilai bilong las wiken.

Muruks i bin taitim bun tru long autim Umboli tasol Umboli i bin tokim ol long traim gen long dispela wiken.

Na dispela gutpela pilai bilong Umboli i bin kamap long han bilong Nason Lavat, Anton Lavu na Henry Airoi husat i bin kamapim strongpela pilai long nolim lek bilong Muruks i go inap long pinis bilong pilai.

Muruks wantaim 5/8 bilong Kumul Darius Haili i no bin painim wanpela liklik rot long ranawe o givim bal long ol manki bilong em long resis long lain. Olgeta taim, Lavat i bin sambai tasol long stapim em.

Airoi i bin kamapim gutpela pilai long taim em i save ranawe long Haili long kamap na givim bal long ol bek bilong em long resis long trailain. Airoi i bin soim gutpela pilai long pinis bilong gem long

taim em i kisim bal na ron long senta lain i go olgeta na long slip antap long trailain.

Dispela i soim tru olsem tupela tim wantaim i gat bikipela laik tru long stap insait long gren fainel.

Dispela em i namba wan yia bilong Muruks long stap insait long resis bilong Kimbe Lig tasol dispela tim i bin pilai gut tru. Ol i bin stap antap long resis lata na i gat bikipela wok bilong daunim Umboli bipo long ol i go insait long gren fainel wantaim Hawks.

Darius Haili na Apelis Maniot i bin soim pinis gutpela rot bilong ol boi bilong tupela long bihainim long winim primiasip resis bilong namba wan yia bilong ol.

Lavat, Airoi na Lavu bai go pas long ol lain manki bilong Umboli na Haili wantaim Maniot bai i lukautim ol boi bilong tupela long Muruks long bikipela pilai bilong dispela wiken.

Bikipela tingting i stap nau long Kimbe i olsem Muruks bai i winim pilai long dispela wiken.

Husat bai win, Hohola o Bomana

HOHOLA i redi nau long rausim Bomana olsem sempion tim bilong Nesenel Kapital lig taim tupela i pilaia long A gret gren-fainal long Lloyd Robson pilai graun long Sarere.

Tupela i bin bung long gren-fainal las yia na Bomana i win. Dispela yia tupela i bung gen na bai strongpela pilai tru bai kamap.

Bomana i bin winim Nesenel Kapital primiasip long 1985. Long 1986 ol i no stap long fainal resis. Las yia ol i autim Hohola. Dispela yia tupela tim bai bung gen long lukim husat bai win.

I gat kain kain toktok long husat tim tru bai winim gren-fainal tasol tupela tim yet i gat ol strongpela pilaia husat inap long mekim tim bilong ol i win.

Long Hohola i gat Saten Zone senta Steve Bibaesi na long Bomana tu i gat Moses Gene husat i

bin makim Saten zone tu.

Ol lain Hohola bai lukluk long spit bilong ol long winim dispela pilai. Planti pilaia bilong ol long fowat na tu long belain save ron olsem ol roket na dispela i bin lukim Hohola i abrusim planti arapela tim long pilaia resis bilong Nesenel Kapital lig.

Pilai long fowat lain bilong Hohola bai stap long han bilong tupela brata ya Tutuli na Dani Koleya. Ol tupela mausgras ya i save pilai strong tru na sapos ol i pasim gut tok wantaim Sailas Bokovi em bai ples i paia stret.

Long beklain Bibaesi bai poroman wantaim Kiapa Galowa long brukim olgeta rot blok ol lain Bomana bai kamapim.

Long las pilai bilong tupela long Nesenel Kapital resis Hohola i bin waraim stret Bomana. Sapos Bomana i no was gut dispela wiken em bai ol i bungim wankain

birua.

Kosa bilong Bomana Moses Reu i tok olsem tim bilong em i save olsem Hohola em i wanpela strongpela tim na ol i no inap gimim sans long ol tu.

"Mipela save olsem Hohola i gat planti spit man tasol mipela i gat sampela roket lain tu na mipela i gat planti strongpela pilaia", Reu i tok.

Reu i lukluk long bung wantaim insait long pilai bilong ol lain bilong em long winim dispela bikpela pilai.

"Sapos ol lain bilong mi i bungim tingting na pilai olsem wanpela tim em bai Hohola i no inap ranawe," em i tok.

I gat sampela strongpela pilaia olsem Hanson Tokali, Ben Goma na Namba Bisare long fowatlain na sapos ol dispela lain inap long stapim ol fowat bilong Hohola. Bomana inap long winim dispela pilai.



• Bomana A gret tim husat bai bungim Hohola long gren-fainel bilong Nesenel Kepitel Lig long Sarere. Poto JOSEPH KAU.

Narapela strongpela fowat husat inap long helpim Bomana winim dispela pilai em huka Steven Palisa. Palisa em i kamap wanpela

strongpela huka na pilaia long Nesenel Kapital lig na sapos em i winim planti bal long skram ol beklain bilong Bomana inap long rausim Hohola

gen. Presiden bilong Lig Tau Peruka i tok olsem, "Strong bilong tupela tim i wankain na em i no isi long tokaut husat bai

winim dispela pilai, tasol husat tim inap long pilai 80 minit bilong dispela pilai na i no mekim planti kranki pasin bai winim dispela pilai".



Metsal Cream em krem bilong ol spotman stret. Em i save go insait tru long ol masel na skru long tekewe pen.

Metsal Cream i no gris tumas, na tu em isi long putim long skin bilong yu. Metsal Cream i tekewe hariap ol pen i kamap long ol kain kain birua na sua i kamap long ol spotman.



Ol wina save yusim bilong rausim pen

YU KEN KISIM LONG:
Ol Supamaket na Tret Stua insait long PNG. Wanpela i stap klostu long yu.

MIPELA TASOL I SAVE S A P L A I M:

Meddent Medical and Dental Supplies:

P.O. Box 5883, Boroko Telephone: 25 8166 Telex: 23232






GOOD YEAR

The Choice of Champions




TIMBER KING
 LOGGING &
 HAULING
 TRUCK TYRE




G291
 UNISTEEL
 HIGHWAY
 RADIAL TRUCK TYRE



G186
 UNISTEEL
 ON/OFF ROAD
 RADIAL TRUCK TYRE



HI-MILER
 G8
 HIGHWAY TYRE



G100
 G100
 ON/OFF ROAD
 TRUCK TYRE

REBO

REBO BHAINIM EM NA SINGAIT WANTAIM...

TASOL MERI I NO HARIAM SINGAIT.. EM GO YET..

NANCY YU KAM BEK HIA!! SI I BAGARAD!!

TRAIPELA SI I KAM NA KAPSAITIM KANG...

NANCY! NOKEN WARI!! MI KAM NACI!!

KLOSTU MERI BILONG REBO I DAI TASOL REBO I SWIM IGO NA HELPIM EM...

DALING, SAPOS YU DAI EAI HOSAT I LUKAITIM PIKININI BILONG YUMI?

NAU TUPELA KAMAP LONG NAMBIS...

KAMON, YUMI GO LONG HALIS NAU!

LONG NAIT OLGETA MAN NA MERI LONG PLES I WOKIM BIKPELA KIBING STRET...

BIKPELA SANGUMA MAN I SANAPIM KIBING...

DEPELA MAN BILONG PAPA NIUGINI BIN KAM NA PLANTI BIRUA I KAMAP LONG AILAN...

YUMI MAS KILIM EM!!

IGO MOA NEKS WIK!!

GOODYEAR
The Choice of Champions

CALL FOR THE BEST PRICES WITH BEST SERVICE AND HAVE A GOOD YEAR WITH GOODYEAR.

GOROKA Ph: 72 1848 Al's Auto Repairs Pty. Ltd.	MADANG Ph: 82 2433	LAE Ph: 42 1144	RABAUL Ph: 92 2757 92 2777
MT HAGEN Ph: 52 1715			ARAWA Ph: 95 1566 95 1516
POPONDETTA Ph: 29 7175			ALOTAU Ph: 61 1167 Milne Bay Enterprises
PORT MORESBY Ph: 25 5255			

BOROKO MOTORS

• PORT MORESBY - PH 25 5255 • LAE - PH 42 1144 • RABAUL - PH 92 2777 • MT HAGEN - PH 52 1715 • MADANG - PH 82 2433
• ARAWA - PH 95 1566 • HIGATERI MOTORS - PH 29 7175

PINKI



OL NARAPELA LAI I LUKIM OLSEM NA OL PRET NA RONAWA...

SANAP NA PAIT!!

OOH! HET BILONG MI I PEN!



PAIT I PINIS NA JOHN I GO INSAIT LONG HACIS...

TASOL PINIKI I BELHAT YET NA EM HATIM JOHN..

JOHN!! YU TASOL NA PLANTI TRABOL SAVE KAMAP LONG HACK BILONG YUMI!

MI SORI TRU... MI BAI GO PAINIM WOK TUMORA MONING.



JOHN I GO PAINIM WOK LONG BENK...

JOHN YU BAT GUTPELA SETIFIKET OLSEM NA BAI YU STAT WOK TUMORA!

OOH TENKIU TRU!!



TCIPELA MUA BIHAIN WANPELA WANTOK BILONG JOHN I GO LUKIM JOHN LONG BENK...

MI GO GRISIM WANTOK LONG SAMPELA MONI!



HEY WANTOK YU ORAIT O? MI NO LUKIM YU LONG TAIM!!

OH YESA TRU LONG YU!! YU KAM WOKIM WANEM LONG HIA?



TASOL WANTOK I LAIK DINACI LONG JOHN..

WANPELA MAN LONG PLES I DAI NA MI LAIK DINACI KIDOO LONG YU!

IGO MOA NEKS WIK!!

See the complete line of over-the-road truck tyres by Goodyear.



WRANGLER
THE ALL PURPOSE 4WD
RADIAL TYRE



NCT

GRAND
PRIXS
70



G800
GRAND
RALLY




FABRIC BELTED
RADIAL



BOROKO MOTORS


•PORT MORESBY PH 25 5255 •LAE PH 42 1144 •RABAUL PH 92 2777 •MT HAGEN PH 52 1433 •MADANG - PH 82 2433
•TABURUI PH 58 3111 •ARAWA MOTORS PH 95 1566 •HIGATURU MOTORS PH 29 7175

Heat for cooking.. light for looking!



Guinea Gas

Fast, efficient and reliable




Boral Gas (PNG) Ptd Limited

PORT MORESBY TERMINAL Kanudi,
Port Moresby, PNG
Ph: 21 1925
Mr. Leonard Kivorong

RABAU TERMINAL Kokopo Road
Toboi, PNG
Ph 92 1225
Mr. Fila Bala

LAE TERMINAL Sleafjord Street
Lae, PNG
Ph 42 2574
Mr. Francis Pusal

WEWAK TERMINAL Wewak, PNG
Ph 86 2125
Mr P Johnson



Showing the way to a brighter future!

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.